


प्राश्रित्वाङ्

A/B

4830

পুথি রাজ।

(ঐতিহাসিক নাটক)



‘শিবজী’, ‘সংসার’, ‘মুরলা’ প্রভৃতি প্রণেতা
শ্রীমনোমোহন গোস্বামী বি, এ,
প্রণীত ও প্রকাশিত।
বালি।

প্রথম অভিনয় রজনী
নব্বার, ২৩শে বৈশাখ, ১৩১২ সাল।
গোষ্ঠ থিয়েটার।

Acc. No. 10314

Date 29 3 76

Item No. B/P- 4880

Don. By

কলিকাতা ।

১৭ নং নন্দকুমার চৌধুরীর দ্বিতীয় লেন.

“কালিকা-যন্ত্রে”

শ্রীশরচ্চন্দ্র চক্রবর্তী দ্বারা মুদ্রিত ।

Acc. No. 110314

Date 29.3.96 পরম পূজনীয়

Item No. 61B-4830 অগ্রজ

Don. By

শ্রীযুক্ত সাতকড়ি গোস্বামী

মহাশয়ের

শ্রীচরণকমলোপাঙ্গে

এই

অকিঞ্চৎকর গ্রন্থ

পরম ভক্তিতরে

উৎসর্গীকৃত

হইল।



প্রথম অঙ্ক ।

প্রথম দৃশ্য ।

দিল্লীর রাজবত্তা ।

দুইজন নাগরিক ।

১ম-না। ঠাকুর-দা! ও ঠাকুর-দা! এত বাস্ত হ'য়ে যাচ্ছে কোথা ?

২য়-না। যেথা যাই না, তোর বাবার কি ?

১ম-না। আহা, রাগ কর কেন ? নগরে এত মহোৎসব কেন, তাই জিজ্ঞাসা করছি ।

২য়-না। জিজ্ঞাসা করবার কি আর লোক পেলি না ? কোথায় একটা শুভকার্যে যাচ্ছি,—না অমনি পেছ ডাকা ?

পৃথ্বরাজ ।

ম-না । তা আমি জানতুম না, ঠাকুর দা । সিংহলে বাণিজ্য
ক'রতে গিছিলুম, এই মাত্র নগরে ঢুকছি; এখনও বাড়ী
যাইনি—

ম-না । তুমি সমালয়ে যাও ।

[প্রস্থান ।

ম-না । একি ! নগরের লোকগুলো কি ক্ষেপলো নাকি ?
এই ক'মাসমাত্র আমি ছিলুম না—

(অগ্ন একজন নাগরিকের প্রবেশ ।)

কিহে ব্যাপারটা কি বল দেখি ? তোমার সঙ্গে বন্ধুত্ব আছে,
বোধ হয় গালাগালিতে আর দেবে না ।

ম-না । তুমি কবে এলে ?

ম-না । কবে কিহে ? এইমাত্র নগরে প্রবেশ ক'রে, একদম
ভেবাচেকা মেরে গেছি । দলে দলে সব লোক যাচ্ছে, কিন্তু
কাকেও কিছু জিজ্ঞাসা ক'রলেই বিক্রপ বা গালাগালির
চোটে অস্থির ক'রে দিচ্ছে ।

ম-না । লোকের অপরাধ নেই, আজ লোকে ক্ষেপায় যাচ্ছে,
একথা থাকে জিজ্ঞাসা ক'রবে, সেই তোমাকে পাগল
ঠাওরাবে । মহারাজ যুদ্ধে জয়ী হ'য়ে আজ ক্লান্তক হ'য়েছেন,
যুক্তহস্তে ধন বিতরণ করছেন ।

ম-না । যুদ্ধ ! কোথায় ? কার সঙ্গে ?

ম-না । অত উতলা হ'য়েনা, সব ব'লুছি, স্থির হ'য়ে শোন ।
আমাদের সীমান্ত প্রদেশ নাগোরা ব'লে দেশ আছে
জান ত ?

১ম-না। তা আর জানি না ? সীমা নির্ধারণ নিয়ে পত্তনরাজের

সঙ্গে ত মহারাজের কিছু মনোমালিগ্ন হ'য়েছিল ওনেছিলুম।

৩য়-না। হ্যাঁ, সে কথা সত্য। তুমি বাণিজ্যে যাবার কিছুদিন

পরে, নাগোরা দেশে মাটির ভেতর থেকে সত্তর লক্ষ মোহর

পাওয়া যায়। সেই অর্পই সমরানল প্রজ্জ্বলিত করে।

১ম-না। পত্তনরাজ আমাদের মহারাজের সহিত যুদ্ধ ক'রতে
সাহসী হ'লো ?

৩য়-না। কেনোজের জয়চাঁদ তার সহিত মিলিত হ'য়েছিল।

জান ত, সে চিরকালই মহারাজের দ্বিধা করে।

১ম-না। দিল্লী-সিংহাসনই তার মূল। তুয়ারবংশীয় মহারাজ

অনঙ্গপাল অপুলক ছিলেন। শুদ্ধ তাঁর দুইটি কন্যা ছিল।

জ্যেষ্ঠার গর্ভে রাঠোর জয়চাঁদ, আর কনিষ্ঠার গর্ভে চৌহান-

কুলতিলক পৃথ্বরাজের জন্ম হয়। যুদ্ধ মহারাজ কনিষ্ঠ

দৌহিত্রকে বড়ই স্নেহ ক'রতেন ; তাই দিল্লী সিংহাসনে

তাঁকেই অভিষিক্ত করেন। সেই অবধি কেনোজপতি, দিল্লী

ও আজমীরপতি পৃথ্বরাজের বড়ই দ্বিধা করেন।

৩য়-না। পত্তনরাজ আর জয়চাঁদকে মিলিত দেখে, মহারাজও

তাঁর ভগ্নিপতি মিবারেশ্বর মহারাণা সমরসিংহের সাহায্য-

প্রার্থী হ'লেন।

১ম-না। সমরসিংহ ও পৃথ্বরাজ একত্রিত হ'লে সমস্ত জগৎ

পরাজিত হয়, ক্ষুদ্র জয়চাঁদ ত সামান্য কথা।

৩য়-না। যুদ্ধজয়েব পর মহারাজা, ভূপ্রোথিত অর্থের অদ্বৈত

মহারাণা সমরসিংহকে প্রদান ক'রতে চাইলেন। কিন্তু

মহারাণা সত্যই রাজমি ; বেশভূষা ও আকৃতি যেমন ঋষি

য়, প্রকৃতিও কি সেইরূপ !— তিনি সেই অর্থের এক
দিক্‌ও গ্রহণ ক'রলেন না ।

। বল কি ? মহারাজা কি দেবতা ? পঁয়ত্রিশ লক্ষ স্বর্ণ-
ণার লোভ কি মানুষে সম্বরণ ক'রতে পারে ?

তা না হ'লে লোকে তাঁকে রাজর্ষি আখ্যা দেবে কেন ?
মাদের মহারাজা কিন্তু পঁয়ত্রিশ লক্ষ স্বর্ণমুদ্রা মিবারের
চুগণকে আর পঁয়ত্রিশ লক্ষ আমাদের সৈন্যগণকে ও
জার দীন দুঃখীকে প্রদান ক'রলেন ।

মহারাজের জয় হোক । রাজা পৃথিবীতে ঈশ্বরের
তিনিধি স্বরূপ । যে নরপতির হৃদয় প্রজার দুঃখে কাতর
না, তিনি রাজা নামেরই যোগ্য ন'ন ।

(২য় নাগরিকের পুনঃ প্রবেশ ।)

হর-দা যে ! কোথায় শুভাগমন হ'য়েছিল ?

(স্বগত) আরে ম'ল ! ছোঁড়া এখনও এখানে দাঁড়িয়ে
? আবার সঙ্গে আর একটা ষণ্ডা চেহারা জুটেছে দেখছি,
বে নাত ? (প্রকাশে) আর দাদা, যাব আর কোথায় ?
পায়ে পায়ে একটু বাতের তেল আনতে গিয়েছিলুম ।

ভেবে উত্তর দিলে যে ?

নাতি ! সকল কার্য্যই ভেবে করা ভাল, আর সকল
ার উত্তরও ভেবে দেওয়া ভাল ।

তখন আমাকে অত গালাগালি দিলে যে ?

কে, আমি ? তোমাকে ? গালাগালি ?

যেন গাছ থেকে পড়লে যে ? পেছন ডেকেছিলুম
যে, আমাকে বমালয়ে পাঠিয়ে গেলে ।

প্রথম অঙ্ক ।

২য়-না। তাহ'লে চিন্তে পারিনি, দাদা ! তোমাকে গালাগালি দেব ? তুমি হ'লে নাতি ।

১ম-না। ঠাকুরদাদা কি অতিথিশালায় ওধারে গিয়েছিলে, তাই পেছ ডেকেছিলুম ব'লে রাগ ক'রলে ?

২য়-না। আমি ? অতিথিশালা ? কে বললে ? আমি ওধন গ্রহণ ক'রবো ?

৩য়-না। ও ধন ত গ্রহণ ক'রবে না, কিন্তু কাল সৈনিকের পরিচ্ছদে সজ্জিত হ'য়ে, মহারাজের কাছ থেকে ত তোফা হুটী স্বর্ণমুদ্রা সংগ্রহ ক'রলে ।

২য়-না। আম ? এঁা আমি ? তুমি বোধ হয় ভুল দেখেছ ।

৩য়-না। না ঠাকুরদা ! এখনও ত চল্লিশ পার হয় নি যে বাপ্সা দেখবো ? তুমি ভিড়ের মাঝে চিঁড়ে চেপ্টা হ'য়ে যাচ্ছিলে দেখে, আমিই লোক সরিয়ে দিলুম, তবে ত তুমি স্বর্ণমুদ্রা হুটী হস্তগত ক'রলে ।

২য়-না। তা দাদা এতক্ষণ বলনি কেন, আশীর্বাদ ক'রতুম ।

৩য়-না। সে স্বর্ণমুদ্রা হুটী কত সূদে ধার দিয়েছ ?

২য়-না। আঃ আমার পোড়া অদৃষ্ট ! সে কি আমার যে ধার দেব ? একজনের পা কাটা গেছে, সে আসতে পারে নি, তাই তার বরাতি গিয়েছিলুম দাদা। তা হ'ল নাতি ! এত কষ্টের ধন, সব বিতরণ ক'রে উড়িয়ে দিচ্ছে কেন ?

৩য়-না। আর কেন ? মহারাজের তোমার মত স্বল্প বুদ্ধি নয় বলেণ !

১ম-না। কাল ত সৈন্ত সেজে একজনের বরাতি গিয়েছিলে, আজ হুঃখী সেজে কার বরাতি গিয়েছিলে ? বুড়োবয়সে

ই উনছো বস্তিগুলো ছেড়ে দাও না। তোমার টাক
বুকে ?

। রামচন্দ্র ! কি বল নাতি ? বললুম, আমি বাতের তেল
নতে গিছলুম।

। তাত গিছলে, কিন্তু ট্যাকে ও কি ?

। ও ছুটো নতুন পরসা। ভাবলুম, অমনি বাজারটা ক'রে
যাই। তা দাদা, বাণিজ্য ক'রতে গিছলে, ঠাকুরদাদার
গো কি আনলে ?

। পরসা ছুটো বার কর দেখি ?

। (স্বগত) এইবার মারলে ! শালারা ঠিক কেড়ে নেবে !
ফন এ পথে এলুম ?

। কি দাদা ! ভাবছো কি ?

। এখন বেলা হয়ে গেল, আমি যাই।

[প্রস্থানোত্তর।

।। বাবে কোথা ? পরসা বার কর।

।। বাবারে ! মেরে ফেললে, খুন ক'রলে, খুন খুন——

[বেগে প্রস্থান।

।। এই সকল পাপিষ্ঠই দুঃখীর মুখের গ্রাস নানা উপায়ে
কড়ে নিয়ে দেশের দারিদ্র্য বাড়ায়। একরূপ মহাপাতকীর
যেকোনো স্থান নাই।

।। চল, আর এখানে দাঁড়িয়ে কি হবে ? বাটী গমন
ক'রে বিশ্রাম ক'রবে চল।

[উভয়ের প্রস্থান।

প্রথম অঙ্ক ।

দ্বিতীয় দৃশ্য ।



কনোজ-রাজপ্রাসাদস্থ কক্ষ ।

জয়চাঁদ ।

বসুন্ধরে ! কোন্ গুণে বসুন্ধরাণি
প্রদানিলে পৃথ্বরাজ করে ?
পৃথ্বরাজ সত্যই কি পৃথিবীর রাজা ?
কনোজের রাজছত্র.

গত কি মন্তকে মোর,
হাস্যাস্পদ হইবারে মানব-সমাজে ?
রত্নরাজি থাক রসাতলে,
নাহিক অভাব মোর ;

কিন্তু এক নাগোরার রণে,
সমুত্তিসংখ্যক লক্ষ স্বর্ণমুদাসহ
পৃথিবীর সার রত্ন জয়লক্ষী,
নরাধম পৃথ্বরাজ করে,
অর্পিয়াছে কাপুরুষ জনমের মত !
পুত্রাদিক প্রজার শোণিতে,
সিক্ত করি সমর-প্রাঙ্গণ,
পরাজয়-হার পরিহ্ন গলায় !
ছি ছি অপমান-মসামাখিয়ে বদনে.

কোন্ মুখে পশিব সভায় পুনঃ,
 কলঙ্কিতে কুলসিংহাসন !
 বীরাস্ত্রনা পুরনারীচয়,
 ব্রণাভরে যাবে চলি দূরে,
 ক্ষত্রকুলকলঙ্ক ভাবিয়া মোরে !
 শিশুগণ দিবে করতালি,
 শুনি মোর রথের ঘর্ঘর নাদ ;
 ক'বে সবে “আসে ওই কাপুরুষ রাজা” ।
 তরুণ বয়স্ক ভাবি, না শুনিয়া
 সেনাপতি সূর্য্যসিংহ উপদেশ-বাণী,
 পৃষ্ঠদেশ ভেদে পৃথ্বরাজে দিন হানা ;
 পলায়ন ভাণ করি অরিদল,
 বহুদূরে লয়ে গেল মোরে ;
 আসিয়া আদিষ্ট স্থানে,
 সম্মুখ সমরে হ'লো আগুয়ান ।
 সহসা হইল তূর্য্যানাদ,
 চেয়ে দেখি অগণন অশ্বরোহী সহ,
 হস্তীপরে নিভীক সমরসিংহ,
 আসিতেছে আক্রমিতে পশ্চাৎ হইতে ।
 বা গুরামাঝারে বদ্ধ ব্যাগ্রের সমান,
 গণিলাম বিষম প্রমাদ ।
 সূর্য্যসিংহ কহিলা হরিতে,
 “অরিবাহ অর্দ্ধচন্দ্রাকৃতি,
 এত বেলা জিন ভিন করি

প্রথম অঙ্ক ।

অরাতির দক্ষিণ বাহিনী,
মুক্ত কর সৈন্যগণে ;
তা নাহ'লে দিল্লী ও চিতোর সৈন্য মিলি,
চক্রবাহ করিলে গঠন,
জয়ত দূরের কথা,
হইবে সমস্ত সৈন্য নাশ ।
সেনাপতি-পরামর্শবলে
গন্ধহীন কুস্মন সমান
রয়েছে এখনও দেহে প্রাণ !

(সূর্যাসিংহের প্রবেশ)

সূর্যাসিংহ ! বশোদর্যা অন্তমিত এবে,
পুনঃ কভু না উদিবে ভাগ্যাকাশে নোরা ।
আল, আল চিতানল,
মামুদের করে পরাজিত
মহারাণা জয়পাল সম,
ভস্মীভূত করি কলেবর !
(স্বগত) সেই তব উপযুক্ত বিধি ।
কাপুরুষ কনোজের রাণা !
ভাবিও না মনে, করি দাসত্ব তোমার,
শূকরের গায় উদরপূরণ হেতু !
বাল্যাবধি প্রতি হিংসানল
জ্বলিতেছে হৃদয়ে আমার ;
বলকণ্ঠে পাঠয়ে সুরোগ.

নারিলাম পূর্ণাহতি প্রদানিতে তায় !

ছি ছি ক্ষত্রিয়-সন্তান হয়ে,

শুধু এই কাপুরুষ বুদ্ধি দোষে,

রণাঙ্গণে করিয়াছি পৃষ্ঠ প্রদর্শন ।

জয় ।

নিরুত্তর কেন সেনাপতি ?

সূর্য্য ।

হে রাজন্ !

রণস্থল হ'তে পলায়িত ক্ষত্রিয়ের,

সত্য, তুষানল প্রায়শ্চিত্ত বিধি ।

কিস্ত নাহিক সন্তান তব,

প্রতিহিংসা প্রিয়মস্ত্র

প্রদানি কর্ণেতে বার,

পরলোকে করিবে প্রয়াণ ;

সে কারণ সে সঙ্কল্প রাখুন স্থগিত,

যতদিন পৃথ্বরাজে

না পারি আনিতে, জীবিত কি মৃত,

দিতে রাজপদে উপহার ।

জয় ।

সে কল্পনা,

স্বপন-ছলনা বলি হয় অনুমান ।

ভাগ্যলক্ষ্মী সুপ্রসন্ন পামরের প্রতি !

নহে নৃপতি অনঙ্গপাল,

মাতামহ দুজন্যর,

আমার জননী, জ্যেষ্ঠা কণ্ঠ্য তাঁর,

পৃথ্বরাজ কুনিষ্ঠার গভজাত,

আমারে ঠেলিয়ে,

পৃথি্বরাজে বরিলেন দিল্লীসিংহাসনে !
 তদবধি মরি জ্বলে ঈর্ষার তাড়নে !
 ঈর্ষার তাড়নে নিষ্ঠুর করে করবাল,
 ঈর্ষার তাড়নে হ'লু রণে আগুয়ান,
 কিন্তু হায় ঈর্ষা না মিটিল !
 বুকিলাম দৈব বিড়ম্বনা !
 পুনঃ যুদ্ধে জয় আশা, আশার ছলনা !
 রাঠোর-রাজন্ !
 কঠোর শাসনে যার,
 কম্পান্বিত উত্তর ভারত,
 ছেন বাণী না সাজে তাঁহার ;
 হীনবীর্য্যজনে মানে অস্তিত্ব দৈবের ।
 শুন সেনাপতি !
 দৈব ও পুরুষকার,
 বায়ুবহিসম মুখাপেক্ষী পরস্পর ;
 শুধু ভূগর্ভউখিতজলে,
 সরোবর-কলেবর হয় না বর্দ্ধিত,
 জলদ-নিঃসৃত নীর হয় আবশ্যক ।
 পুনঃ রণ পৃথি্বরাজ সনে,
 যদি না হয় ঘটন,
 সন্ধিসূত্রে বদ্ধ হতে দিল্লীশ্বর সনে,
 একান্ত বাসনা যদি তব,
 দিন আজ্ঞা দাওস,
 পদতলে রাখি তরবারি,

য ।

র্যা ।

মিলি পিয়া বকর আফগান্ সনে,

শুধু প্রতিহিংসা মিটিতে আমার

(রাওমলের প্রবেশ)

রাওমল ।

ছিছি সেনাপতি !

প্রতিহিংসা করিতে সাধন,

জন্মভূমি স্বাধীনতাধন,

যবনের করে দিতে চাও ডালি ?

মকরন্দহীন অরবিন্দ সম

মহদ্বিহীন এই বীরত্ব তোমার !

জয় ।

বৃদ্ধতাত !

জ্ঞাত আছি ভবদীয় উপদেশ-বলে,

অযাচিত মন্ত্রণা প্রদান,

বাজনীতি বিরুদ্ধ আচার !

বিশেষতঃ অন্তরালে থাকি,

অথের অন্তরকথা করিলে শ্রবণ,

প্রায়শ্চিত্ত শাস্ত্রের বিধান ।

রাও ।

বৎস ! ভ্রাতৃস্বত্র তুমি মোর,

কিন্তু পুত্রাধিক ভাবি তোমা ;

ও চাঁদবদনে,

অগ্রজের মুখচ্ছবি হেরি,

ভুলে যাই ভ্রাতৃশোক ।

তোমার কল্যাণ তরে,

এ হতে অধিক কোন অশাস্ত্র আচার,

যদি হয় করিতে আমায়,

অকাতরে করিব সাধন

হে পিতৃবা !

পরাজয়ে পুড়িছে অন্তর,

হারায়েছি হিতাহিত জ্ঞান,

করিয়াছি গুরুজন-গৌরবের হানি,

ক্ষমা কর অশিষ্ট আচার ।

শুন জয় !

যুদ্ধে পরাজয় এই প্রথম তোমার,

সেই হেতু এত মনস্তাপ ।

না মানিয়ে নিষেধ বচন,

যুদ্ধপ্রিয়-পারিষদ-পরামর্শ শুনি,

অগ্নায় সমরে তুমি হ'লে আগুয়ান,

সহিবারে অকারণ অবমান জালা ;

করিবারে ধনবল, সৈন্যসংখ্যা হ্রাস ।

যা হবার হইয়াছে,

একতা শৃঙ্খলে এবে বদ্ধ হও সবে,

ভারতের হিন্দুস্থান নাম,

ইতিহাস হ'তে ফেলোনা যুছিয়ে !

খুল্লতাত ! বুঝিতে না পারি,

কোন্ বহিঃশত্রুভয়ে ভীত এবে তুমি ?

নহে গ্রীসদেশবাসী বীর এবে,

ভারত লুণ্ঠন তরে হয় অগ্রসর ;

কিন্ধা নহেক কাশেম সাহ,

পুথিরাজ :

অথবা সে হুজুর মামুদ,
সোমনাথ-শিবলিঙ্গচর্চকারী,
ভারতের রত্ন-চোর :
মহম্মদগোরী এর নাম,
গান্ধারের সিংহাসন করি অধিকার,
বুভুক্ষু শাদুল সম
লক্কলকি রসনা করাল,
ভারতের দ্বারদেশে আছে দাঁড়াইয়ে ;
শুদ্ধ দৌবারিক পুথিরাজভয়ে,
পারে নাই এত দিন হ'তে অগ্রসর ।
কিন্তু যদি যুদ্ধমদে মারিত পরস্পর,
ছিন্ন কর একতা শৃঙ্খল,
জানিত নিশ্চয়,
ভারতের ভাগ্যবরি,
চির তরে হবে অশুভিত !
নাই এবে বিগ্রাম আগারে,
ছিঁছি অপমানে পুড়িছে অন্তর ।

[জয়চাঁদ ও রাওমলের প্রস্থান ।

স্বর্গ্য । যাও ভারু কাপুরুষদয় !
এতদূর দুর্বল হৃদয় যার,
রাজ্য তাজি বনবাস বিধেয় তাহার ।
রাওমল ! ভ্রান্তিময় ধারণা তোমার !
যেই জন, অসি আশ্রয় মস্তিস্কের বলে,
সামান্য সেনানী হ'তে,

সেনাপতি-পদে সমাসীন,
বৃষ বৃদ্ধ ! কত উচ্চ আশা তার !
জয়চাঁদ ! ভাবিও না মনে,
বহুশ্রমে উর্ধ্বনাভ পাতে তত্ত্বজাল,
বসি তাহে মলয় সেবন তরে ।

তৃতীয় দৃশ্য ।

চিত্রশালা ।

সখীগণ ।

(মালা গাথিতে গাথিতে গীত ।)

লোকে রতন ফেলে যতন করে পরে গলায় কুন্তম তার,
বুনি কোমল কুন্তম, অমল গলে বিমল শোভা বাড়ায় তার ।

তোমার মুখে যাহার হাসি,

দেখাছি কুন্তম দিবানিশি

কুপা করে কুন্তম তারে দেখাও দেখি একটা ব্যত,
তখন রতন ফেলে যতন করে গলায় পরা হবে মার ।

(যমুনার প্রবেশ ।)

গাঁথ মালা,

আজি রাজবালা বীরঙ্গনা বেশে,

বীরবালা, বীরশূল চিত্রাবলী,

সাজাবেন সহস্রে যতনে ।

১ম। সখী ! লো সজনি ! নাহি জানি,
 কি এক নূতন ভাবে বিভোরা ভাষিনী ?
 আজি জন্মতিথি পূজা তার ;
 কোথা সঙ্গীতের স্রধাময় ধ্বনি-
 আশ্রয় মাঝে হৃদয়ের তরঙ্গ,
 মধুর নর্তনসনে নুপুর-শিঞ্জন
 উঠিবে অঙ্গুর পাশে.

ত। না হয়ে চিত্রপূজা, —
 বিবাহ-বাসরে বিরহ-সঙ্গীত !
 ২য়। সহচরি ! নাহি জান বীরনারী-রীতি ;
 প্রীতি তার বীরপূজা করি ।
 আরাধ্য দেবতা দেখি,
 বুঝা যায় ভক্তের হৃদয় :
 যথা এক কাহিকৈয় বীরে,
 কেহ পূজে বিলাসের পুতুল গড়িয়ে,
 কেহ ভজে যড়ানন তারকারি রূপে ।

(সংযুক্তার প্রবেশ ।)

সংযুক্তা ! সত্য সখি !
 শূর্য সৌন্দর্য্য একাধারে,
 হেন বীর-প্রহনের প্রস্থতি যে জন,
 রত্নগভা বলি তারে ;
 ভাগবতী সে রমণী,
 যিনি মোহাগিনী এ হেন পাতর ।

প্রথম অঙ্ক ।

যমুনা ।

লো ভগিনি !

'মাধবী জড়িতা তয় সহকার গায়,

তরঙ্গিনী বহে যায় সাগর উদ্দেশে ।

স্বলোচনে !

স্বধাময়ী স্ববর্ণলতিকা তুমি,

শৌর্য্য, বীর্য্য, সৌন্দর্য্যের আদর্শআলয়,

কাটিকের সম শরস্বামী,

অবশ্য লভিবে আস্ত ।

২য় সখী ।

কবে তবৈ তেন শুভদিন,

যবে প্রেমময় পুরুষপ্রবর,

হাসি হাসি প্রণয় বাধনে,

বাধিবে তোমায় সখি ৷

যমুনা ।

উপরাসী জন ভাবে অনুরক্ত

ততবে কখন রাজগভোজন শেষ,

পাঠয়ে প্রসাদ,

জাগরিত্তি করিবে নিজের ।

সখীদ্বয় ।

রাখ রঙ্গ সখি !

দিনমণি প্রহরেক প্রায় উদ্ভিত আকাশে

আন ফুলহার,

সমতনে সাজাই আলোখাবলী ।

যমুনে ! ভগিনি ! লয়ে এস,

শলিসোভাগিনী বিচিত্রে সে চিত্রপট,

পূজি আগে আত্মশক্তি রাজীবচরণ ।

যমুনা ।

(চিত্র আনিয়া) বৃষ্টিতে না পারি,

হেরি এই সংসার মূর্তি,

কেন মনে যুগপৎ,

ভক্তি ভীতি হয় সঞ্চারিত ?

(রাতুলের প্রবেশ ।)

গাও ।

কি বুঝিতে অক্ষম নাতিনি !

কার গলে দিবে মালা ?

দাও এই রক্ত গলে,

শুনে শুনি শোভিবে স্তম্ভর :

বাসুদেব ।

খুল পিতামহ !

শুনেছি শ্রীমুখে তব, পড়েছি পুরাণে,

শিবানন্দা শুনি শিবরাণী,

পিতৃগৃহে ত্যজিয়া পরাণী :

কিস্তি বুঝিতে না পারি

পুনঃ কেন পদতলে দলিয়া পতিরে

করিছেন তাগুব নষ্টন ?

গাও ।

প্রশ্ন গুরুতর !

তাহাতে নীরসতর মীমাংসা হইবার ।

পূজকালে—শুনহ নাতিনি !

আর্য্য ও অনার্য্য মধ্যে খড়িলে সংগ্রাম,

দেবদেবীকুল দলুজদলন তরে,

হইতেন রণে আগুয়ান,

আর্য্যদের সাহায্য-কারণ :

তায় ! গিয়াছে সে দিন এবে !

প্রথম অঙ্ক ।

সম্মুখে নেতার সেই রূপ,
মহামায়া মায়ের আমার ।
চতুর্ভুজা হের জগন্নাথ,
দক্ষিণ হাঁকরে বরাভয় দানি ভক্তসদে,
বামদিকে এককরে প্রচণ্ড খর্পর,
অগ্নি ভুজে দল্লজের মুণ্ড পরি,
করিছেন তাণ্ডব নর্তন,
নৃমুণ্ডমালিনী মাতা ।
সৃষ্টি লোপ ভয়ে,
পশুপতি পড়ি পদতলে,
করিছেন গতিরোধ ।
এই মূর্তি জাগে যার হৃদয় মাঝারে,
দানবিক প্রবৃত্তি মিচয়,
অন্তর তটতে তার পলায় অন্তরে,
দেবতার অভয় পাইয়া,
জেগে উঠে উল্লসিত মনে ।
কিহু অগ্নি ব্যাথা শুনিয়া আমার,
গসিওনা পাগলের প্রলাপ ভাবিয়া ।
হের মহাকাল লুপ্তিত দরায়,
হৃদয় তটতে তাঁর,
মহাশক্তি উঠিয়া আকাশে,
আক্রমিছে দিক্‌দিগন্তর,
দানবদলন করে,
রক্ষিবারে দেবগণে ।

পুত্রিবাক ।

সাম্বন্ধা ।

ভাড়া হয় ভাত !

সংসারের কুটিলতা হ'লে

লঠিয়া বিদায়, শুনি নিশিদিন

সুদাপ্রশ্রবণ সম,

তব মুখবিনিঃসৃত জ্ঞানগন্ধবাণী ।

সাম্বন্ধা ।

শুনলাম রাজপুত্র মৃত্যে

আজি জন্মতিথিপূজা তব,

শ্রী আত্ম হেথায়,

আনন্দ করিতে তোমা মনে ।

কত উৎসবের কোন চিহ্ন

না তেরি হেথায় ?

সাম্বন্ধা ।

পিতামহ !

নিরানন্দপুরে আনন্দ উৎসব ?

সেই রাজো, রাজা, প্রজা-

সেনাপতি, সৈন্যগণ,

প্রবাসকে করিয়াছে গৃহপ্রদর্শন,

সে রাজোর পুরাঙ্গন,

উৎসবে মাতাবে প্রাণ ?

দীরাঙ্গনা উপযুক্ত বীণা !

কিন্তু পিতৃ-মিন্দা না সাজে তোমার !

সাম্বন্ধা ।

ভাত !

অম, কুর প্রগল্ভতা,

পিতা মোর অতুঃপুরে বতজ্ঞপ,

জনকের যোগ্য পূজা করিব প্রদান,

কিন্তু যবে বসিবেন বিচার-আসনে,
অসি করে পশিবেন সমরপ্রাপ্তনে,
ততক্ষণ প্রজা আমি তাঁর,
পাইব সমান অধিকার,
প্রতিবাদ করিবারে অযোগ্য কার্যের ।

রাখ বৎসে, ও সব বচন ।
দেখি কোন্ রথী মহারথী—
পূজা পাবে সংযুক্তার পাশে ?
হের নব-দুর্বাদলশ্রাম,

দশরথায়ুজ রাম,
ভাঙ্গিছেন হরধনু,
জানকীর স্বয়ম্বর-সভাতলে ।
হেন স্বয়ম্বর, হেন বীর পতি,
পিতামহ ! কার নভে স্পৃহনীয় ?

(পুষ্প দিয়া পূজা)

হের পুনঃ পাকালীর স্বয়ম্বর সভা,
দিব্‌পালগণ আলোকিয়া দশদিশি,
বসেছেন সভাতলে ।
নেতার অদরে, পাণ্ডুল-রবি
মহাবীর পৃথার তনয়,
করিছেন লক্ষ্য ভেদ,
যোগ্যপটী রাজসেনী আশে-
বল্য শিক্ষা ! বল্য বীরবর !

(পূজা করণ)

দেখ পিতামহ !

সুভদ্রার রথ-সঞ্চালন ;

পতি রথী, সারথী সহধর্মিণী ।

হায় হায় ! গেছে ভারতের

হেন গৌরবের দিন !

(পূজা করণ)

হের রথোপরি যুঝিছেন

ভরত-কুল-প্রদীপ পার্থ-মহাবীর,

রামকৃষ্ণ আদি ষড়্‌কুল বীরসনে ;

পত্নী করে অশ্বসঞ্চালন,

ধন্য স্বয়ম্বর ! ধন্য তুমি, সুভদ্রাজননি !

• (পূজাকরণ)

রাণী ।

বুঝিয়াছি বৎসে ! মনোভাব তব,

করি আশীর্বাদ, লভ হেন বীরপতি,

তব স্বয়ম্বর,

ইতিহাস যেন চিরকাল করয়ে কীর্তন ।

সংযুক্তা ।

পিতামহ !

নেহার হেথায় শরশয্যা,

শূরকুলসোহাগের শয্যা যাহা,

তত্পরি সত্যব্রত শাস্ত্রনুন্দন,

মরি মরি দ্বিরদ্বন্দ-নিম্নিত বিচিত্র শয়ন

উপেক্ষিয়া অনায়াসে,

স্নেহায় শায়িত কিবা !

সহস্র প্রণাম তব চরণ-পঙ্কজে
 পুরুষপুঙ্গব ! (পূজাকরণ) ।
 বুঝিলাম শিক্ষাকার্য্যে তব,
 শ্রম মম হয়েছে সার্থক ।
 “কত্ৰাপ্যোব পালনীয়্য,
 শিক্ষণীয়্যতিষত্ততঃ ।”
 যমুনে ! নেহার সম্মুখে আদর্শ রমণী,
 ক্ষুদ্রকুল উজ্জ্বলকারিণী,
 ভারত-সাম্রাজ্য-সিংহাসন,
 বসিবার সুযোগ্য আসন যার ।
 দ্বীশিক্ষার পথে কণ্টক ঘাঁহার,
 কিস্মা উচ্চশিক্ষা পক্ষপাতী যা'রা,
 সমভাবে নিবেদন মম
 তাঁহাদের পাশে,
 যদি হেন শিক্ষা, হেন দীক্ষা,
 দাও নারিগণে,
 ভক্তি, প্রীতি, জ্ঞান, দয়া,
 বীরত্ব, বাৎসল্য, স্বদেশপ্রিয়তা আদি
 উচ্চবৃত্তি সব যাহে হয় বিকশিত,
 উদ্দেশ্য সফল হইবে তাহে ।
 সেই গর্ত্তে জন্মিলে সন্তান,
 সেই মাতৃপাশে বাল্যশিক্ষা করিলে অর্জন,
 হবে নাকি আদর্শ পুরুষ পশ্চিণামে ?
 হের এই রাজার নন্দিনী,

চারিদিকে বেষ্টিত। বিলাসে ;
 শ্রুপু স্মৃশিক্ষার গুণে,
 মনোরত্তি নিচয়ের হেন উচ্চভাব,
 লভিয়াছে তরুণ বয়সে ।
 বৎসে ! করি আশীর্বাদ
 স্মৃখী হও যোগ্যপতি করি লাভ ।

(চিত্র বিক্রেত্রীর প্রবেশ)

চিত্রাবি।

আর্যো ! আনিয়াছি আদেশে তোমার
 চাকু চিত্রাবলী,
 নিক্ষাচিত করি কতিপয়,
 করুন কৃতার্থ মোরে !

যমুনা।

অন্য চিত্রে নাহি আজি প্রয়োজন ;
 যদি তব পাশে থাকে কোন রাজপুত্র
 অথবা যুবক রাজার চিত্র,
 বাহুবলে ভুবনবিজয়ী যেই,
 রূপে কন্দর্প জিনিয়া কান্তি য়ার,
 দাও সেই চিত্র রাজকন্ঠ্য করে,
 নাহি অন্য প্রয়োজন ।

(পৃথ্বরাজের চিত্র প্রদ


সংযুক্তা।

একি ! কাহার এ মোহন মুরতি ?
 বিস্তৃত ললাট, প্রশান্ত বদন,
 উজ্জ্বল নয়নদ্বয়,
 প্রতিভার দেয় পরিচয় !

দূরাগত বেণুধরনি প্রায়,
 স্মৃতিমাঝে এক অক্ষুট আলোক সম,
 জাগিছে এ মোহন মূরতি !
 বোধ হয়, বালিকা বয়সে
 যেন আমি হেরিছি ইহায়,
 তার পর—তার পর আর দেখি নাই ।
 ভগিনি ! কেবা সেই ভাগ্যধর,
 হেরি প্রতিকৃতি যার,
 চিন্তাভারে বিকৃত বদন তব ?
 দেখি দেখি, কেবা সেই মহাজন ?
 এ যে পৃথ্বরাজ !
 পিতামহ সনে, ইন্দ্রপ্রস্থে গিয়েছিত্ত
 দেখিবারে এঁর অভিষেকোৎসব,
 তুমি বৃকি যাও নাই ?
 পৃথ্বরাজ ! পৃথ্বরাজ !
 পিতার পরম শত্রু !
 বিশালাক্ষি ! প্রিয়সখি !
 কর তুষ্ট উপযুক্ত অর্পদানে
 এই জনে, এই চিত্র বিনিময়ে ;
 যমুনে ! ভগিনি ! চল যাই,
 যথা মাতা মোর পূজিছেন পশুপতি
 রাজ্যের মঙ্গলকামনা করি ।
 চল, মোরা গিয়ে অর্ঘ্য দিয়ে আসি ।

[প্রস্থান !

চতুর্থ দৃশ্য ।



কক্ষ ।

সূর্য্যসিংহ ।

সূর্য্য ।

মহারাণা জয়চাঁদ নহেন বিদিত,
 সূর্য্যসিংহ, সেনাপতি তাঁর,
 জালন্ধর রাজার তনয় ;
 রাজদ্রোহ অপরাধে জালন্ধর-রাজ,
 পৃথ্বরাজ পামরের করে,
 তাজেছেন প্রাণ ।
 ভাবি, দিব কিনা পূর্ব্ব পরিচয় !
 রাজকূলে জন্ম মোর পারিলে জানিতে,
 বোধ হয় মহারাণা,
 অসীম লাভণ্যময়ী তনয়ারে তাঁর,
 মিলান আমার সনে ।
 হায়, হায়, এ কল্পনা,
 আকাশ কুসুম সম জ্ঞান হয় মোর !
 কেন ? আকাশ কুসুম কেন ?
 যার ভুজবলে রক্ষিত কনোজ,
 তার গলে বরমালা দিতে,
 সঙ্কুচিত কেন হবে সংযুক্তা সুন্দরী ?

দেখি শেষ চেষ্টা এবার আমার !
 ক্লান্তিতে দর্শন, করি আকিঞ্চন,
 লিপি এক পাঠাইব সংযুক্ত-সকাশে,
 সাক্ষাতে তাহার,
 বুঝে লব মনোগত শেষ অভিপ্রায় ।
 যদি হই বার্থমনোরথ,
 যমুনারে করে লব জীবনসঙ্গিনী,
 ত্রাণার অর্দ্ধেক ফল হইবে আমার !

(জয়চাঁদ, রাওমল ও মন্ত্রী প্রবেশ ।)

জয়চাঁদ ।

শুন মন্ত্রী ! শুন সেনাপতি !
 শুন বৃদ্ধ পিতৃব্য আমার !
 যে কারণ তোমা সবে ক'রেছি আহ্বান ;
 হৃদয় আমার অশান্তি আগার,
 অপमानে সদা হায় পুড়িছে অন্তর !
 বৃশ্চিকদংশন আর না সহিতে পারি ।
 আছে কি উপায় কোন,
 অক্ষুতাত্যশোলক্ষী
 পুনঃ বাহে করগতা হয় ?

সূর্য্য ।

অনুমতি হয় যদি,
 রণডঙ্কা বাজাই আবার,
 সিংহনাদ করি গিয়ে দিল্লীর দুয়ারে ।

জয়চাঁদ ।

ধাম সেনাপতি !
 পরাজয় মসী,

এখন লাগিয়া আছে বদনে মোদের.

কি সাহসে পুনঃ চাহ রণ ?

অসম্ভব সমরে বিজয় ।

সূর্য্য ।

অসম্ভব ! অসম্ভব কিবা ?

আজ্ঞামাত্র চাই,

এখনি পশিব আমি সম্মুখ সমরে ।

দৈববলে একবার জিনিয়াছে রণ.

তাব'লে কি পৃথ্বরাজ ভুবনবিজয়ী ?

তাব'লে কি বার বার হবে পরাজয় ?

বিজয় উল্লাসে মত্ত এবে পৃথ্বরাজ.

সুশৃঙ্খল নহে সৈন্তগণ.

অরিত গতিতে মোরা শাদ্দূল-বিক্রমে.

আক্রমণ করি যদি সাহাজ্য তাহার.

অনিশ্চয় বিজয় মোদের.

রণে যেতে মহারাণা যাচি অনুমতি ।

মন্ত্রী ।

মম মতে মহারাণা !

কিছু দিন এবে রত্নন স্থির ।

আয়বৃদ্ধি বলবৃদ্ধি করিয়ে রাজ্যের.

সুশৃঙ্খল। স্থাপি অগ্রে সমগ্র প্রদেশে.

রীতিমত শিক্ষা দিয়া সেনানী সৈনিকে.

অন্তঃশত্রু সমূলে বিনাশি.

বহিঃশত্রু সনে রণ বিধেয় তখন ।

রাজ ।

বৎস ! • হয়োনা অধীর.

ধীর ভাবে প্রতিকার্য্য কর আলোচনা.

আপনারে যেও না ভুলিয়ে ।

সময় সকলি দিবে,

লুপ্ত যশ আবার আসিবে ফিরে ।

জয় ।

“সময় সকলি দিবে !”

এত দিন দিয়াছে সকলি,

দেছে মোরে দিল্লী সিংহাসন,

দেছে মোরে স্বর্ণমুদ্রারাজি,

দেছে মোরে বিজয়-তিলক !

রহি যদি নিষ্কণ্টক হইয়ে,

সময়ের মুখ চাহি আর কিছু দিন,

কনোজের সিংহাসন হারাব নিশ্চয় ।

দূর্গা ।

তাই আমি আজ্ঞা চাই সমরে পশিতে ।

জয় ।

স্থির হও সেনাপতি !

ভাবি মনে করিয়াছি স্থির,

রাজহুয়-যজ্ঞ আমি করিব সাধন ।

স্বশৃঙ্খলে যজ্ঞ যদি হয় সমাহিত,

রাজচক্রবর্তী নাম করিব ধারণ ।

অস্তমিত ষশোরবি পুনঃ,

ভাতিবে দ্বিগুণ তেজে কনোজ-গগনে !

রাও ।

বৎস ! কহিও না প্রলাপ বচন !

হাসিবে জগৎ, হাসিবে রাজগুবর্ণ,

পৃষ্ঠদেশে অন্তরুত এখন(ও) রয়েছে,

এ হেন সময় তুলিও না রাজহুয় কথা ।

রাজহুয় ! সে কি সাধারণ কথা ?

পৃথিৱীৰাজ ।

সামান্য কল্যাণ যাব কৰিতে সাধন.

মুকুটমণ্ডিতশিৰ হয় প্ৰয়োজন !

য । ভিন্ন এক দ্ৰৱ্য তদ্বৎ.

কে হেন নৃপতি আছে.

অবহেলা কৰিবে যে আত্মান আমাৰ ?

৩ । ভেবেছ কি জয়চাঁদ !

চিতোৱেৰে ৰাজ্যি সে ৰাণা

আধিপত্য তব কৰিয়ে স্বীকাৰ.

ৰাজত্বে নিমন্ত্ৰণ কৰিবে ৰক্ষণ ?

৪ । চিতোৱেৰে মহাৰাণা

উপেক্ষিবে কেনোজ-আত্মান.

এ কথা নিশ্চয় ।

৫ । ক্ষতি নাহি তায় !

বাতীত চিতোৱেৰে দিল্লী আৰু আজমীৰ.

আসমুদ সমগ্ৰ ভাৰত.

চক্ৰবৰ্ত্তী বলি মোৱে জানিবে নিশ্চয় !

৬ । (স্বগত) হলো ভাল.

আশা মম পূৰিবে এবাৰ.

প্ৰতিহিংসা সাধিবাৰে.

পাব পুনঃ উত্তম সন্মিলন !

গগনেৰে সীমা প্ৰান্তে খণ্ড মেল যথা.

প্ৰাৱটে ছাৰিয়া ফেলে সমস্ত গগন.

ঘোৰ বায়ু ঝঞ্ঝাবাত সাথে লয়ে আসে.

উন্নত সিংহৰ নীৰে.

- তরঙ্গের সনে করিবারে রণ.
সেই মত ক্ষুদ্র এই রাজস্বয় ফল.
দিল্লী ও চিতোর সনে সমর নিশ্চয় !
জয় । নিরুত্তর কেন মন্ত্রীবর ?
মন্ত্রী । সমগ্র ভারত মধো,
কার(ও) যদি রাজস্বয়ে থাকে অধিকার.
আছে তাহা কনোজের এ কথা নিশ্চয় !
কিন্তু মম মতে মাহারাণা !
কিছু দিন এ প্রস্তাব রাখুন স্থগিত ।
জয় । নহে এক দিন আর ।
শুন মন্ত্রী ! রাজা মধো করহ প্রচার.
রাজস্বয়ে বতী হবে রাণা জয়চাঁদ ।
রাও । বৎস !
জয় । না চাতি শুনিতে আমি নিবেদ বচন ।
মন্ত্রী ! আর এক কথা —
মনে ভাবি করিয়াছি স্থির.
শুভক্ষণে বজ্রদিনে.
স্বয়ম্বর হবে মোর সংযুক্ত তনয় ।
আছে যত ভারতের নৃপতিমণ্ডলী,
করদ স্বাধীন কিবা সবার সকালে,
নিমন্ত্রণ পত্র মোর করহ প্রেরণ ;
অগ্রারোহী দূতদল ছুটুক চৌদিকে,
আয়োজন করহ সমর । [প্রস্থান ।
রাও । না জানি কি আছে হয় বিধির বিধানে ।

পঞ্চম দৃশ্য ।

— — — — —
উদ্যান ।

যমুনা ।

যমুনা ।

সতাই কি সূর্যাসিংহ ভালবাসে মোরে ?

কিন্ধা ছলনায় ললনা ভুলাতে.

পাতিয়াছে ভালবাসা ফাঁদ ?

পিতামহ প্রীত নন সেনাপতি প্রতি.

সত্য বটে সূর্যাসিংহ সুপুরুষ.

শৌর্য্যে বীর্য্যে কার্ত্তবীর্য্য সম.

চক্ষুদ্বয় পূর্ণ প্রতিভায়,

কিন্তু যেন সরলতা হীন—

নয়ন আনন্দপ্রদ

গন্ধহীন কুসুম যেমতি ।

যত বার ছল পাতি জানিতে চেয়েছি

পুরুষ পরিচয় তার.

সেই এক পুরাতন প্রত্নাত্তর.

শৃগালের সাধা কিবা.

সিংহী-প্রেম করে আকিঞ্চন !

জন্ম যতপি রাজকূলে,

কেন তবে নিজ রাজ্য ছাড়ি

পরগৃহে দাসত্ব করিবে ?

অদৃত রহস্য ! অসম্ভব উদ্ঘাটন !

কি করা কর্তব্য মোর ?

কি আর কর্তব্য,

যতক্ষণ না বুঝিব

অকপট প্রণয় তাহার,

যতক্ষণ না পাইব

প্রকৃত বংশের পরিচয়,

যতক্ষণ না জানিব

নিষ্কলঙ্ক চরিত্র তাহার,

করিবনা করিবনা কভু আত্মদান ।

(সংযুক্তার প্রবেশ)

এস ভগি ! একি বিরস বদন কেন ?

সংযুক্তা ।

শুনেছ নমুনে স্বয়ম্বর কথা মোর ?

যমুনা ।

শুনিয়াছি, সে ত শুভ সমাচার ।

তবে বল কিসের লাগিয়ে,

মুখকান্তি দীপ্তিহীন তব ?

ওহো বুঝিয়াছি !

পাছে তব মনোভাব

প্রতিবিশ্ব ফেলে তব নয়ন-দর্পণে,

সেই হেতু আনন্দের দিনে,

বহুকষ্টে মুখভাব করেছে গম্ভীর !

দেখি, দেখি, আঁখি দুটী ।

সংযুক্তা ।

রঙ্গ রাগ সখি !

অবশ্যত হও যদি সদয় আমার,

- গলাধরি মিশাবে লো তপ্ত আখি জল,
বুকফাটা অশ্রুসনে মোর । ২৫/১২/১৯৩৮
- যমুনা । বাধা না থাকিলে রাজবালা,
প্রকাশিয়া कह মোরে
কি ঘটনা অন্তরে তোমার ?
- সংযুক্তা । তোরে না বলিলে,
কারে আর বলিব সজনি ?
অকূল সাগর মাঝে কে দেখাবে কূল ?
শুন ভগ্নি ! আমি আর নহিত আমার
বিনামূলে মন প্রাণ দিয়েছি বিকায়ে ।
- যমুনা । তাহে সখি ভাবনা কি তব ?
ভারতের নৃপতিসমাজ,
একত্রিত হবে সবে তব স্বয়ম্বরে ;
মালা দিয়ে মনচোর-গলে
স্বথসরে ভাসিও ভগিনি !
- সংযুক্তা । সখি ! হৃদয় রতনে মোর,
স্বয়ম্বর সভামাঝে না পাব দেখিতে ।
- যমুনা । স্বয়ম্বরে না পাবে দেখিতে !
- সংযুক্তা । চমকিতা হইয়া না ভগিনি !
হীনজনে দিই নাই প্রণয় আমার ।
বেগবতী স্রোতস্বতী যৌবনের ভরে,
চঞ্চল চরণে যবে অঞ্চল উড়ায়ে,
ধায় বালা উন্মাদিনী সম,

সেকি কভু ভ্রম ক্রমে,

মিশে গিয়ে তড়াগের সনে ?

ওই যে, চাতকী সখি !

অহনিশি চেয়ে থাকে আকাশের পানে,

পিপাসায় কণ্ঠাগত প্রাণ,

সরোবর কিস্বা কুপবারি

মিটাতে পারে কি কভু পিয়াসা তাহার ?

যমুনা ।

রেখ না সংশয়ে আর সংযুক্তা আমার,

কহ ত্বরা কোন্ ভাগ্যবান,

হরণ করেছে মোর ভগিনীর প্রাণ ?

সংযুক্তা ।

পিতার পরম শত্রু পদে,

অকাতরে ঢেলে দিছি মন প্রাণ মোর ।

যমুনা ।

পরম শত্রু ! সে ত পৃথ্বরাজ,

উপযুক্ত পাত্র বটে প্রেমের তোমার,

মণিকাঞ্চনের যোগ, মিলিলে দুজনে ।

কিন্তু—

সংযুক্তা ।

কিন্তু নহে,

বুঝাইতে তুমি মোরে করো না যতন,

কায় মন প্রাণ সঁপেছি তাঁহার পায়,

পতি, মোর পৃথ্বরাজ,

দ্বিচারিণী হব, ভজি যদি অণুজনে ।

তাই বোন ! করে ধরি স্মৃধাই তোমায়,

যাহা হয় করহ উপায়,

মম প্রাণ বাঁচাও আমার ।

- গলাধরি মিশাবে লো তপ্ত আখি জল,
বুকফাটা অশ্রুসনে মোর । একদিন
যমুনা । বাধা না থাকিলে রাজবালা,
প্রকাশিয়া कह মোরে
কি ঘটনা অন্তরে তোমার ?
সংযুক্তা । তোরে না বলিলে,
কারে আর বলিব সজনি ?
অকূল সাগর মাঝে কে দেখাবে কূল ?
শুন ভগ্নি ! আমি আর নহিত আমার
বিনামূলে মন প্রাণ দিয়েছি বিকায়ে ।
যমুনা । তাহে সখি ভাবনা কি তব ?
ভারতের নৃপতিসমাজ,
একত্রিত হবে সবে তব স্নয়স্বরে
মালা দিয়ে মনচোর-গলে
সুখসরে ভাসিও ভগিনি !
সংযুক্তা । সখি ! হৃদয় রতনে মোর,
স্নয়স্বর সভামাঝে না পাব দেখিতে ।
যমুনা । স্নয়স্বরে না পাবে দেখিতে !
সংযুক্তা । চমকিতা হয়োনা ভগিনি !
হীনজনে দিই নাই প্রণয় আমার ।
বেগবতী স্রোতস্বতী যৌবনের ভরে,
চঞ্চল চরণে যবে অঞ্চল উড়ায়ে,
ধায় বালা উন্মাদিনী সম,
প্রিয়জন মোহাগের আশে,

সেকি কভু ভ্রম ক্রমে,

মিশে গিয়ে তড়াগের সনে ?

ওই যে, চাতকী সখি !

অহনিশি চেয়ে থাকে আকাশের পানে,

পিপাসায় কণ্ঠাগত প্রাণ,

সরোবর কিম্বা কূপবারি

মিটাতে পারে কি কভু পিয়াস তাহার ?

যমুনা ।

রেখ না সংশয়ে আর সংযুক্তা আমার,

কহ ত্বরা কোন্ ভাগ্যবান,

হরণ করেছে মোর ভগিনীর প্রাণ ?

সংযুক্তা ।

পিতার পরম শত্রু পদে,

অকাতরে ঢেলে দিছি মন প্রাণ মোর ।

যমুনা ।

পরম শত্রু ! সে ত পৃথ্বরাজ,

উপযুক্ত পাত্র বটে প্রেমের তোমার,

মণিকাঞ্চনের যোগ, মিলিলে দুজনে ।

কিন্তু—

সংযুক্তা ।

কিন্তু নহে,

বুঝাইতে তুমি মোরে করো না যতন,

কায় মন প্রাণ সঁপেছি তাঁহার পায়,

পতি মোর পৃথ্বরাজ,

দ্বিচারিণী হব, ভজি যদি অন্তর্যম্বে ।

তাই বোন ! করে ধরি স্মৃধাই তোমায়,

যাহা হয় করহ উপায়,

মন্দ প্রাণ বাঁচাও আমার ।

যমুনা । দিল্লীপতি মানিবে না কনোজ-আখ্যান,
 একথা নিশ্চয় ;
 তবে রাজবালা নিমন্ত্রণ,
 উপেক্ষিতে না পারিবে আজমীরঅধীপ ।
 প্রকাশিয়া মনোভাব তব
 পাঠাইতে হবে লিপি পুথিরাজ পাশে ।
 সংযুক্তা । কে লইয়া যাবে লিপি দিল্লী অভিযুখে ?

যমুনা । সেই ত ভাবনা !
 দেখ, ধাত্রীমাতা
 প্রাণের অধিক স্নেহ করেন তোমায় ।
 পুত্র তাঁর বীর যোধমল,
 সরলতা মাখান বদনে,
 পূর্ণজ্যোতি নয়ন তাহার,
 উচ্চরক্তি হৃদয়ের দেয় পরিচয় ।
 সে যদি বাহক হয় লিপির তোমার,
 নিশ্চিত হইতে পারি ।
 সখি ! মহেশ্বর সহায় মোদের,
 দেখ, ধাত্রীমাতা আসেন তেথায় ।
 কহ যদি, অভিপ্রায় পরোক্ষে প্রকাশি ।

সংযুক্তা । তুই মোর একমাত্র বিপদে সুস্থল,
 তবোপরি সংযুক্তার সকলি নির্ভর ।

(ধাত্রীর প্রবেশ)

ধাত্রী । স্বয়ং হবি তুই সংযুক্তা আমার,
 আনন্দিত পুরবাসী,

- অনন্দ সাগরে ভাসি,
মুমস্ত নগরী হেরি আনন্দে মগন,
তবে বল,
নিরানন্দ কেন তোর বদন কমল ?
যমুন। মাতিঃ ! আছে কোন নিগূঢ় কারণ।
কিস্তি কৃপা যদি হয় তব,
বিষাদের ঘন ছায়া বাইবে মিলায়ে :
রাহুযুক্ত শশধর সম,
আনন্দে ভাতিবে পুনঃ সংযুক্ত বদন।
পাত্রী। কি বলিস যমুনে আমার ?
তুই ত জানিস ভাল,
তোদের মঙ্গল তরে,
অসাপ্য সাধন আমি পারি করিবারে !
শাপ্ত বল, কি করিতে হবে মোরে
জগন। পুত্র যোধমলে তব,
একবার যেতে হবে দিল্লী অভিযুখে,
পাত্রী। হাসি যদি পাই ফিরে সংযুক্তার মুখে,
দিল্লী ত সামান্য কথা,
অগ্নিশিখা মাঝে,
প্রেরিতে তাহায় না হ'ব কাতর।
কণেক অপেক্ষা কর,
আসি লয়ে যোধমলে।

যমুনা ।

সখি ! নয়নকজ্জলে তব দ্বরা লিখ লিপি ।

(সংযুক্তার পত্র লিখন ।)

দেখি সখি ! কি লিখিলে লিপি ?

(পত্র প্রদান ও যমুনার পাঠ ।)

“বীরবর ! সামান্য রমণী আমি,

প্রগলভতা ক্ষমা কর মোর ;

পতিতা বিষম দায়ে আজি,

তাই মহাশয় যাচি হে আশ্রয়,

নিরাশ করোনা মোরে ;

বীরধর্ম আশ্রিত রক্ষণ ।

শুধু এই আকিঞ্চন,

স্বয়ম্বরে যেন পাই দরশন ।”

কি সুন্দর নব রচনা কৌশল !

(ধাত্রী ও যোধমলের প্রবেশ ।)

ধাত্রী ।

সংযুক্তা ! যা আমার,

আসিয়াছে যোধমল,

আজ্ঞা তব করিতে পালন ।

সংযুক্তা ।

যোধমল ! লিপি এক লয়ে,

এই দণ্ডে পারিবে কি যাইতে দিল্লীতে ?

অরিত গতিতে পুনঃ ফিরি মোর পাশে,

পারিবে কি দিতে সমাচার ?

যোধ ।

পারিব ।

সংযুক্তা ।

দিল্লীপতি অরি কনোজের,

তঁারি নামে এই লিপি ।

কিন্তু সাবধান !

তব করে জেনো মোর প্রাণ !

যোধ ।

স্বর্গে স্বরীপর,

পাতালে অনন্তদেব,

সম্মুখে প্রত্যক্ষা দেবী জননী আমার,

ছুঁয়ে চরণ তাঁহার,

অসি করে যোধমল করে অঙ্গীকার,

দেহে তার থাকিতে জীবন,

লিপি কথা না গুনিবে দ্বিতীয় শ্রবণ !

সংযুক্তা ।

প্রীতা হনু প্রতিজ্ঞা শ্রবণে,

সহস্র সুবর্ণমুদ্রা পাথের তোমায় ।

যোধ ।

ক্ষম রাজবালা !

অর্থ আশে আসে নাই যোধমল,

মাতার আজ্ঞায়, শুধু তব ইষ্টতরে,

লিপি করে যাই আমি,

ভেটিবারে কনোজ অরিরে,

অসি করে ভেটিতে যাহায়,

আছে মোর বড় সাধ মনে !

সংযুক্তা ।

দগ্ধ ধগ্ধ তুমি যোধমল !

দগ্ধ তুমি দাত্রীমাতা

হেন বীরপুল করি লাভ !

ভাই, ভাই ! আজ হোতে লাগা তুই মোর ।

ধৰ লিপি, যাও চলি নিভয় হৃদয়ে,

শূলী-শঙ্খ সহায় তোমার ।

যোব ।

দে মা পদধূলি লৌহবস্তা শিৰে !

ধাত্ৰী ।

এস বৎস ! মনোরথ পূৰ্বে নিশ্চয় ।

ষষ্ঠ দৃশ্য ।

লতাকুঞ্জ ।

সূৰ্য্যাসিংহ ।

দৰ্শ্য ।

কি হেতু বিলম্ব এত ?

আসিবে না হয় অনুমান ।

না না, তা নহে সম্ভব কভু ।

বলিয়াছি শেষ দেখা,

শেষ ভিক্ষা এই মোৰ জনমের মত ।

সূৰ্য্যাসিংহ ! উৎসাহে বাধহ বৃক,

অপুলক জয়চাঁদ-সুতা,

তয় যদি তোমার বনিতা,

সিংহাসনদ্বার উন্মুক্ত তোমার তরেণ

ধীৰে, মন ধীৰে !

তয়োনা উদ্ধাত্ত তুমি আশার নেশায় !

পুত্ৰিণী পুত্ৰক যথা মানব নয়নে

সৌন্দর্য্য মাথায় দেয়,
শোভাহীন ধরণীর বুকে,
সেই মত আশা কুহকিনী,
ছাঁকিয়ে সূক্ষ্মা খনি,
মনের মতন করি মিথ্যারে সাজায় ।

(সংযুক্তার প্রবেশ ।)

সংযুক্তা ।

হ্যাসিংহ ! কোন্ প্রয়োজনে
মাগিয়াছ দর্শন আমার ?
নহি আর মোরা দোহে বালক-বালিকা,
নিভুতে তোমার সনে মম আলাপন,
আর নহে কর্তব্য আমার ।
বল ত্বরা কিবা প্রয়োজন ?

হ্যাসিংহ ।

কিবা প্রয়োজন ? বলি কারে ?
কে শুনিবে দক্ষ এই মরমের বাথা ?
কে বুঝিবে প্রাণের এ জ্বালা ?
পাষাণি ! আমি তব ধাইব পশ্চাতে,
সাথে লয়ে তপ্ত অঁখিজল,
অনন্ত এ প্রেম মোর,
ডালি দিতে চরণে তোমার,
তুমি কিন্তু যাবে চলে ফিরায়ে বদন,
বরষিয়া বিদ্রূপের হাসি !

সংযুক্তা ।

সেই পুরাতন কথা !
কে চাহে তোমার প্রেম ?

রেখে দাও যতনে তুলিয়ে তার তরে.

সোহাগে যে ধরিবে স্বেদয়ে ।

শৈশব হইতে মোরা একত্রে পালিত.

কত খেলা খেলেছি দুজনে.

আমি ছোট বোনটি তোমার.

ভগ্নপ্রতি কেন হেন প্রলাপ বচন ?

সংযুক্তা ।

সংযুক্তা ! একদিন সন্ধ্যা-সমাগমে.

খরসোতা নদীতীরে খেলিতে খেলিতে.

স্বলিত-চরণ হইয়ে.

নিমজ্জিত হইয়েছিলে অগাধ-সলিলে :

প্রশ্ন কি আছে তব কেবা সেইজন.

নিজ প্রাণ তুচ্ছ করি.

যেবা তব রক্ষিল জীবন ?

সংযুক্তা ।

আছে ।

সূর্য্য ।

ভেবে দেখ অণু দিন মনে.

বনমাঝে মহারাণা সনে.

গিয়াছিলে শিকার সন্ধ্যানে :

প্রশ্ন কি আছে তব.

ভীষণ শাদ্দূল প্রাস হইতে.

কেবা তব রক্ষিল জীবন ?

সংযুক্তা ।

আছে ।

সূর্য্য ।

তবে এই বুঝি প্রতিদান তার ?

সংযুক্তা ।

শোন সূর্য্যসিংহ !

সঙ্কীর্ণ নহেক হেন সংযুক্তা স্বেদয় :

ভুলে যাবে প্রাণদাতা জনে :
 প্রয়োজন হ'লে, নিজ প্রাণ-দানে
 রক্ষা তব করিব জীবন :
 উপকার হয় যদি তব,
 অবহেলে প্রাণপিণ্ড ছিঁড়ি,
 নিক্ষেপিতে পারি আমি অলস অনলে ।
 কিন্তু প্রতিদান ভাব যদি প্রণয় আমার,
 জেনো মনে মহাত্ম্য তব !
 তবে কি দেখিবে তুমি মরণ আমার ?
 নীরস নয়ন কোণে তব তব,
 করিবে না এক ফোঁটা জল ?
 অসি করে সমরপ্রাঙ্গনে,
 পার যদি তাজিতে জীবন,
 ভগিনীর আঁখিনীর তিতিবে মেদিনী,
 সহোদরা হাহাকার শুনিবে জগৎ !
 কিন্তু যদি তাজ প্রাণ আমার কারণ,
 সামান্য রমণী তরে,
 বিসর্জন দাও তব অমূল্য জীবন,
 কাপুরুষ শব হেরি ফিরাব নয়ন ।
 এত যদি সাধ তব তাজিতে জীবন,
 মিলেছিল নাগোরা সমরে তব উত্তম স্ত্রবোগ !
 পৃষ্ঠপ্রদর্শন তবে কেন বা করিলে ?
 কেন বল পলায়ে আসিলে ?
 তব তরে—ওধু তব তরে

সংযুক্তা ।

এখনও রেখেছি প্রাণ ;

দয়া কর—দয়া কর মোরে ।

বল বল——

হৃদয়ে ধরিয়ে তোমা জুড়াবে কি প্রাণ ?

পতি ব'লে সন্তুষ্ট করিবে কি মোরে ?

সংযুক্তা ।

পতি ত দূরের কথা !

ভ্রাতা বলি এতদিন ভেবেছি তোমায়.

কিন্তু জেনো, আজ হ'তে—

সংযুক্তার কেহ নহ আর !

কনোজের শিরে বেই.

অকাতরে দেছে তুলে কলঙ্কপশরা.

পৃষ্ঠপ্রদর্শন-রূপে ক'রেছে যে জন.

সংযুক্তা তাহার সনে.

আর না করিবে কভু মুখের আলাপ !

সূর্য্য ।

সংযুক্তা ! কর তুমি সংযত রসনা,

জেনো মনে সীমা আছে মানব ধৈর্য্যের ।

সূর্য্যসিংহ নহে কাপুরুষ,

কিন্তু এই নিশিথ সময়,

নিজ্জন এ লতাকুঞ্জ মাঝে.

করি যদি আমি তব অঙ্গ পরশন,

কি করিতে পার তুমি সংযুক্তা সুন্দরী ?

সংযুক্তা ।

হাঃ হাঃ হাঃ হাঃ ।

কি করিতে পারি ?

শত সূর্য্যসিংহ নাহি ধরে শক্তি কভু,

স্পর্শিবারে কেশাগ্র আমার !

(ছুরিকা নিষ্কাশণ ও সূর্যাসিংহের পশ্চাদগমন ।)

নাহি ভয় ! শোণিত ছুরিকা মোর,

কলুষিত নাহি হবে ভীকুর শোণিতে !

[প্রস্থান

সূর্যাসিংহ ।

বটে ! এতদূর !

এত তেজ, এত দর্প, কিসের লাগিয়ে ?

সংযুক্ত ! থেক সাবধানে,

স্বইচ্ছায় সর্প শিরে করিলে আঘাত,

স্বৈচ্ছায় করিলে তুলি হলাহল পান,

সূর্যাসিংহ আজ হ'তে চিরশত্রু-তব,

ছায়া সম ঘুরিবে পশ্চাতে ।

(যমুনার প্রবেশ ।)

যমুনা ।

কেবা সেই ভাগবতী,

ছায়সম ঘার সদা রহিবে পশ্চাতে ?

সূর্যাসিংহ ।

না—না—ভাগবতী কেবা ?

(স্বগত) কি বিপদ ! এ আপদ কোথা থেকে এল ?

না না কিসের আপদ ?

চন্দ্র লক্ষ্য করি নিষ্কিন্তু যে শর,

বিঁধিলে বিঁধিতে পারে হিমালয় শির ।

বড় ভালবাসে মোরে যমুনা স্নানরী,

অর্কাদিগা করিব উহার,

তার পর যমুনারে করিয়া সহায়,

প্রতিহিংসা করিব সাধন ।

যমুনা ।

নিরুত্তর কেন বীরবর ?

সূর্য্য ।

লো যমুনে হৃদয়তোষিণি !

প্রাণময়ি জীবনসঙ্গিনী—

যমুনা ।

ঢেলে দেরে কর্ণদ্বারে ধাতু দবময়,

যা রে ধরা চলি রসাতলে,

চূর্ণীকৃত হ'রে বিশ্ব প্রলয় কম্পনে !

সূর্য্য ।

কি কহিছ প্রিয়তমে ?

যমুনা ।

চূপ কর বিশ্বাসঘাতক !

ছিলাম বসিয়ে ওই বিটপোর মূলে,

~~অনিচ্ছায়~~ অনিয়াছি,

সংযুক্তার সনে তোর যত আলাপন ।

মিথ্যাবাদী ! বকর ! পিশাচ !

দূর হরে সন্মুখ হইতে,

পদাঘাত উপযুক্ত পুরস্কার তব !



দ্বিতীয় অঙ্ক

প্রথম দৃশ্য ।

দিল্লীর রাজসভা ।

পৃথি্বরাজ, সমরসিংহ, অখিলসিংহ, চন্দ্রপতি,
ভীমচাঁদ ও সভাসদগণ ।

সমর ।

পৃথি ! বিদায় প্রদান মোরে ;
কল্যাণ প্রেরেছে দূত আমার সকাশে,
ফিরিতে চিত্তোরে ত্বরা আকিঞ্চন তার,
কহে, বিলম্বে হইবে কার্যনাশ ।

পৃথি ।

মহারাজা !
কিরূপে জানাব বল কৃতজ্ঞতা মোর ?
চিত্তোর সাহায্য বিনা
অসম্ভব হতো মোর সমরে বিজয় ।
হেন স্বার্থভ্যাগ, হেন আত্মজলাঞ্জলি,
এহেন অদ্ভুত বীরত্ব,
কেহ কভু দেখেনি নয়নে !

চন্দ্র ।

আমি দেখিয়াছি !

এ হতে অদ্বততর বীর হবিকাশ

সত্য আমি প্রত্যক্ষ করেছি,

গত এই নাগোরা সংগ্রামে ।

বল দেখি মহারাণা !

রণস্থল হতে ক্ষত্রিয়ের,

ও রূপ নিভীক পলায়ন

আর কভু দেখেছ নয়নে ?

অধি ।

কে ? রাণা জয়চাঁদ ?

চন্দ্র । সেনাপতি মহাশয় ! আপনার পিটে লাগে টুপোনি

অধি ।

এক প্রশ্ন কবিবর ?

পৃষ্ঠে অস্ত্রলেখা !

ছি ছি ! নহে বীরোচিত বাণী ।

চন্দ্র । আহা তা নয়, তা নয় । আপনি একেবারে আকাশ

পড়লেন কিনা, তাই জিজ্ঞাসা করছি যে আপনার

লাগেনি ত ? আজ কাল ক্ষীণশাস্ত্রে, “নিভীক পদ”

“সুশৃঙ্খলার পলায়ন” ইত্যাদি অনেক বীরত্ববাক্যক,

কি হইয়াছে, তা

সমর ।

কবিবর !

জয়চাঁদ নহে সাধারণ

পুথিরাজ মুখে,

অহেতুকী প্রশংসা আমার,

যে রূপ অপ্রীতিকর মোর,

সভামাকো সেই রূপ,

প্রকৃত বীরের নিন্দা,

স্বাকার বিরাগভাজন ।

চন্দ্র । রাজর্ষি ! তুমি আমার বিরাগভাজনটুকি ? নিন্দাই বলুন, আর স্বরূপ বর্ণনাই বলুন, হৃৎকফেননিভশয্যাট বলুন, আর হৃৎকফেননিভসরভাজাট বলুন, সমস্তই ত আপনার বিরাগভাজন ; কিন্তু সকলের ত আর তা নয় । আপনার মাথায় জটা, পায়ে ফাটা, মুখে দাড়ি, লম্বা ভুঁড়ি, কক্ষলে শোওয়া, পাতায় খাওয়া, এ সব কার সঙ্গে মিলবে বলুন না ?

পুত্রি । বন্ধুবর ! আত্মীয়প্রবর !

জানি আমি ভবদীয় হৃদয় মহান্

অবস্থিত এত উচ্চস্তরে,

সাপা নাট ভাষার আমার,

উঠিবারে তত উচ্চে স্পর্শিতে তাহার ।

চন্দ্র । সাধ হয় মোর, বোমযান গায়

রাজর্ষির গুণগাথা লিখি,

ছেড়েছিই শূন্যমার্গে,

দেখি, স্পর্শে কি না হৃদয় তাঁহার ।

পুত্রি । চন্দ্রপতি !

বোমযান-গতি বন্ধ বায়ুস্তরে,

কিন্তু আর(ও) উচ্চে অবস্থিত

রাজর্ষি হৃদয় ।

সুমেরুর স্রবর্ণ শিখর হ'তে,

বহু নিম্নে করে খেলা চঞ্চল দামিনী ।

ভীষ্ম । দুটি মহাপ্রাণ, হ'য়ে এক প্রাণ

আসিয়াছে পরলীলাবারে !

সম্পত্তি সংখ্যক লক্ষ স্বর্ণমুদ্রা দান,

অকাতরে, বিনা বাকাবায়ে,

নহে সাধারণ কথা !

চন্দ্র । মন্ত্রী মহাশয় ! আজ কাল ত সবই অসাধারণ হে
নইলে শালা ভগিনীপতিতে “একপ্রাণ” হ’য়ে যুগল দ
সাজেন ?

পৃথি । মন্ত্রিবর ! স্বর্ণমুদ্রাদানে,
গৌরব নাহিক কিছু মোর ;
অগ্নির দাহিকা শক্তি বায়ুর সাহায্যে ।
যুক্তি রাজমির,
আমি মাত্রে আজ্ঞাকারী তাঁর ।
বিশেষতঃ,
প্রাণাদিক প্রকার শোণিতে
রঞ্জিয়া মেদিনী,
করিয়াছি সেই রত্নলাভ,
সেই রত্নসিক্ত রত্নরাজি,
কোন প্রাণে দিব স্থান রাজকোষ মাঝে,
আয়ত্ত্বপ্তি করিতে সাধন ?

ভীম । “জ্ঞানে মোক্ষং ক্ষমাশক্তৌ
ত্যাগে লাঘ্যং বিপর্যায়ঃ ।”
মহত্বের এইত লক্ষণ !

চন্দ্র । মন্ত্রী মহাশয়ের কি তীব্র স্মৃতিশক্তি ! রত্নবংশ
কণ্ঠস্থ ।

ভীম । গুপ্তচর দিয়েছে সংবাদ,
 পরাজয়ে রাণা জয়চাঁদ
 এতদূর মগ্নাহত,
 অন্ত জল করি তাগ, বিষন্ন হৃদয়ে,
 অন্ধতম গৃহে বদ্ধ ছিলেন দিবসত্রয় ।

চন্দ্র । তার পর ত “এইবার ডাকলেই খাইব” । “বাবা ! পেটের
 বড় জ্বালা, হাত পা করে লট পট, কর্ণে ধরে তালী” তা
 মস্ত্রিবর ! রাণা কিরূপে সে গৃহ হ’তে নিষ্কান্ত হ’লেন, তার
 কিছু তথ্য রাখেন কি ? গুটিপোকাকার মত আপনিই বেরিয়ে
 প’ড়ে প্রজাপতি রূপ ধারণ করেন নি ত ? তিন দিন উপবাস,
 তবু দশটা বাঘের অগ্নিমান্দা আনবে !

পৃথ্বী । ছি ছি কবি ! মগ্নাহত শত্রুপ্রতি
 পরোক্ষে বিদ্রূপ, নহে বীরোচিত ।

চন্দ্র । আহা হা ! এ কথা যে রাজর্ষি বলবেন, আপনি
 বলেন কেন ? ওঁর মুখ থেকে উত্তর শুনব বলেই ত আমি
 প্রজাপতির উপাখ্যান পাঠ করলুম, আর আপনি অমনি
 খপ্প করে ধরে ফেললেন ! যা রসভঙ্গ হ’য়ে গেল !

(প্রহরীর প্রবেশ ।)

প্রহরী । ধরণী ঈশ্বর !
 কনোজ হইতে রাজদূত আসিয়াছে
 পত্র এক করিয়া বহন ।

ভীম । রাজদূত ! কনোজ হইতে !
 মগ্ন কিছু বুঝিবারে নারি ।

পৃথ্বী । যাও, লয়ে এস সমাদরে ।

চন্দ্র । কাপার যে ক্রমে বোরাল হ'য়ে দাঁড়াল দৌঃ
(দূতের প্রবেশ ও অভিবাদন ।)

পৃথ্বী । স্বাগত সন্দেশবহ !

মহারাজা আছেন কুশলে ?

পূজনীয় রাওমল,

মহারাজী কনোজ-ঈশ্বরী,

পুরবাসী প্রজাগণ, কুশল সবার ?

দূতবর !

পথশ্রমে ক্লান্ত তুমি অতিশয় ।

এরা কহি,

কি আদেশ মম প্রতি কনোজরাজ

বিশ্রাম আগারে পশি ক্লান্তি কর

দূত । মহারাজা !

ধন্য হ'লু শিষ্টাচারে তব !

অভাগতে সমাদর দান,

সনাতন ধর্ম্ম আর্ষাদের ।

সেই আর্ষা জাতি, যাঁহার মস্তকৈ

পরায়েছে রাজার মুকুট,

অশিষ্ট আচার কভু না সম্ভবে ত

চন্দ্র । “মেধাবী বাক্‌পটু প্রাজ্ঞঃ

পরচিত্তোপলক্ষকঃ

ধীরঃ যথোক্তবাদী চ

এষঃ দূতঃ বিদীয়তে” ।

তা দূতবর বাক্যপটু আছেন ! মহাশয় এইবার যথোক্তবাদীতার
পরিচয় প্রদানার্থ আপনাদের রাজাদেশটা একটু দ্রুতপদে
উক্ত করুন ।

দূত । রাজহুয়-যজ্ঞে রতী রাণা জয়চাঁদ,
নিমন্ত্রণ পত্র এই করেন প্রেরণ
রাজপুত্রী সংযুক্তা সুন্দরী
যজ্ঞ শেষে হইবেন স্বয়ম্বর ।

চন্দ্র । রাজপুত্রী নয় ত কি রাজপুত্র সযম্বর হন ?

পৃথি । মাস্ত্র ! পত্র তুমি করহ গ্রহণ ।

(মস্ত্রির পত্র গ্রহণ ।)

চন্দ্র । দূতবর ! শুনলাম আপনাদের মহারাণা ত আজ কাল
প্রাসাদ-দ্বার রুদ্ধ করে অত্যাশ্রয়—থুড়ি—অত্যাশ্রয় হয়ে
বসে ছিলেন । তা চিকিৎসা করলে কে ?

দূত । কিসের চিকিৎসা ? তাঁর ত কোন পীড়া হয়নি ।

চন্দ্র । আহা না মশয়, না । বলি পিঠের বা এত শীঘ্র শুকুলো
কার চিকিৎসায় ? আহা বুঝতে পারছেন না ? রণস্থল হ'তে
পলায়ন কালীন পৃষ্ঠের অগ্রস্কৃত ।

(সকলের হাস্য)

দূত । (স্বগত) ধরণি ! বিভক্তা হও, পশি গতে তব

আবরিতে কলঙ্কমাখান মুখ,

রাজগর্ভে কলঙ্কী চন্দ্রমা সম ।

চন্দ্র । দূতবর ! মৌন হ'লেন যে ? দ্বাপরে যুধিষ্ঠির রাজহুয়
ক'রেছিলেন আর কলিতে তোমাদের “যুদ্ধে অস্থির” মহারাণা
জয়চাঁদ রাজহুয় করবেন । বেশ ! বেশ ! চমৎকার !

সমর । দ্বির হও চন্দ্রপতি !
 দূতবর ! হইও না রুষ্ট তুমি,
 রসভাষী কবির কথায় ।

চন্দ্র । রাজষি ! আর একটি কথা মাত্র জিজ্ঞাসা ব
 রসনা সংযত করবো । মহাশয় ! রাজহর যজ্ঞে
 দরওয়ান থেকে চাকর পর্য্যন্ত, সবার নমস্ত
 করেন । তা মহারাণা সমর সিংহ আর দিল্লীধ
 কি কার্যের ভার দেওয়ার কল্পনা হয়েছে ?

দূত । মহাশয় ! দূত আমি—

চন্দ্র । আহা দূত নয়ত কি আমি আপনাকে মহ
 বলছি ।

পৃথ্বি । ছি ছি চন্দ্রপতি !
 দূতের সম্মান নাশ
 রাজনীতি-বিরুদ্ধ আচার ।
 দূতবর !
 জানায়ো প্রণাম মোর রাণার চ
 বলিও তাহার ।
 যুদ্ধশ্রমে রাজষি ও আমি
 প্রাপ্ত অতিশয় ।
 যজ্ঞে তাঁর জলভার করিতে বহন,
 কিস্বা কাষ্ঠস্থূপ করিতে ছেদন,
 আপাততঃ অশক্ত আমরা ;
 সে কারণ রাজ-নিমন্ত্ৰণ
 মারিলাম করিতে গ্রহণ ।

মন্ত্রী ! সমাদরে বিশ্রাম ভবনে,
 লয়ে যাও এই দূতবরে ॥
 দূত । কান্ত হোন মহারাজ !
 মোর প্রতি আদেশ রাখার,
 গ্রহণ না করিবে যে নিমন্ত্রণ তাঁর,
 জলস্পর্শ করিতে তথায়,
 দাস নিতান্ত অক্ষম ।

[প্রস্থান ।

পাথি । মন্ত্রী ! গুপ্তচর প্রেরহ কনোজে,
 মুহূর্তের যে কোন সংবাদ,
 যেন হই অবগত ।
 মহারাণা ! চল ঘাই মন্ত্রণা-আগারে ।

দ্বিতীয় দৃশ্য ।

মন্ত্রণাগার ।

জয়চাঁদ, রাওমল, সূর্যাসিংহ ও মন্ত্রী ।

জয় । তিনটি রজনী মাত্র অবশিষ্ট আছে,
 পূর্ণাহুতি দেখিবারে যজ্ঞের আমার,
 মন্ত্রী ! আয়োজন সুসম্পন্ন তব ?

- মন্ত্রী । সমস্ত প্রস্তুত মহারাণা !
- জয় । চিররীতি কনোজের অতিথিসংকুল,
কোন ক্রটি হবে না ত তার ?
খুলতাত !
তবোপরি ব্রাহ্মণের অত্যাচার ভার ।
ব্রাহ্মণ-পাছুকা শিরে বহন করিতে,
চিরদিন থাকে যেন কনোজ প্রস্তুত ।
ব্রাহ্মণ জগৎ গুরু,
তাহাদের আশীর্বাদ বিনা,
কোন কার্য না হয় সাধন ।
- রাও । বৎস ! ধর আশীর্বাদ,
উপযুক্ত কার্যভার প্রদানিলে মোরে
ব্রাহ্মণের পদধৌত জলে স্নান করি,
ধন্য হবে রাওমল,
ধন্য হবে কনোজ নগরী ।
- জয় । নিমন্ত্রিত নৃপতিমণ্ডলীভার,
দূর্য্যাসিংহ ! দিলাম তোমায় ;
কনোজ-আতিথে যেন তুষ্ট সবে রয় ।
- দূর্য্যাসিংহ । চির আজ্ঞাবাহী দাস,
প্রতি বর্গে পূর্ণ হবে অনুজ্ঞা রাণার ।
- জয় । সমাগত ক্ষত্রিয়মণ্ডলী,
আর যত অভাগত অমাথ কাকাল,
তব শিরে মস্তি ! জেনো তাহাদের ভার ।
কোষাগার দ্বার করি উন্মোচন,

আশাতীত অর্থদানে ক'র তুষ্ট
অনক্লিষ্ট জনে ।

মন্ত্রী ।

মহারাণী আজ্ঞা দাস অবগ্ৰ পালিবে ।

জয় ।

বান্ধব পতনরাজ আসিবে স্বরায়,

যুক্তি করি তাঁহার সহিত

বজ্রদিনে কণ্ঠভার বণ্টন করিয়া দিব.

উপস্থিত নৃপতিসমাজে ।

মন্ত্রী ! নিমন্ত্রণকারি দূতদল,

ফিরে সবে এসেছে কনোজে ?

মন্ত্রী ।

আসিয়াছে ফিরে ।

জয় ।

মন্ত্রী ।

নিমন্ত্রণ তব,

সমাদরে সবে করেছে গ্রহণ ।

গুপু দিল্লী ও চিতোর—

জয় ।

বুঝিয়াছি, কোথা সেই দূত,

গিয়াছিল যেই জন দিল্লী অভিযুখে ?

চাহি আমি স্বকর্ণে শুনিতে.

কিবা ভাষে দূতে মোর.

সস্তামিলা তুষ্ট পথিরাজ

মন্ত্রী ।

যে আদেশ ।

(প্রস্থান ও দূতসহ পুনঃ প্রবেশ)

জয় ।

কহ দূত, দিলাম অভয়.

দূত ।

কি কহিল। পৃথ্বীরাজ ?
 কি কহিল। চিতোরের রাণা ?
 মহারাণা ! যুদ্ধে নাহি সরে বাণী !
 প্রবেশিত্ত যবে আমি দিল্লীর সভায়,
 সোৎসুক নয়নে যত সভাসদকুল,
 চাহিল। আমার পানে ।
 দিল্লীঘর পত্র তব না করি গ্রহণ,
 আদেশিল। মন্ত্রীরে অর্পিতে ।
 কি কহিব মহারাণা !
 কথা না যুয়ায় বলিতে সে সব কথা,
 যা ঘটিল। অতঃপর !
 চাদকবি ভণ্ড বিদূষক,
 অসঙ্কোচে কহিল। আমায়,
 “রাঠোরের পৃষ্ঠকৃত যাক মিলাইয়ে,
 তার পর করে যেন রাজস্বয় যাগ ।”
 হাসিল। সমরসিংহ, হাসে পৃথ্বীরাজ,
 হাসিল চৌহানকুল, যত সভাসদ,
 বাঙ্গপূর্ণ অট্টহাস্তে ভরিল ভুবন ।
 মনে হলো, দ্বিধা হও মাতঃ বসুন্ধরে !
 প্রবেশি তোমার গর্ভে,
 হাস্তধ্বনি হ’তে যদি পাই পরিভ্রাণ ।
 মহারাণা পত্রবহ দূত আমি,
 তা না হ’লে কোমে অসি লঙ্ঘিত থাকিতে,
 নীরবে রাঠোর সহে এত অপমান ?

সেই দণ্ডে মুণ্ড ছিঁড়ি চাঁদ ছুরাঘ্যার,

ধুও খণ্ড করি দিতাম কুকুরে !

জয় ।

ভাল তুমি লহ অবসর ।

[দূতের প্রস্থান ।

খুল্লতাত ! শুনিলে সকলি,

চাঁদকবি করিলা বিজ্ঞপ মোরে !

নীচমুখে উচ্চ কথা,

বড় ব্যথা লাগিল পরানে ।

প্রতিশোধ চাই,

গায় যাক সর্বস্ব আমার !

শুন মদ্রি ! ভাষারেরে জানাও আদেশ,

এই দণ্ডে পৃথ্বরাজ প্রতিমুত্তি গড়ি,

দৌবারিক রূপে

স্থাপে যেন যজ্ঞশালা দ্বারে,

সমরসিংহের মুদি হীন ভূতাবেশে

রহে যেন যজ্ঞশালা মাঝে ।

রাও ।

স্থির হও স্থির হও জয়চাঁদ !

সর্বনাশ করোনা সাধন ;

রাখ রাখ রুদ্ধের বচন ।

যজ্ঞ অগ্নে হোক সমাহিত,

তার পর লয়ো প্রতিশোধ ;

দক্ষযজ্ঞ এইরূপে হয়েছিল নাশ !

জয় ।

জানি আমি বার্কক্য ভীকৃত্য আনে ;

ভয় যদি হয় খুল্লতাত !


গাও অস্তঃপুরে, রুদ্ধ করি দ্বার
বহু তথা নারী বেশে ।
মন্ত্রী ! দৌবারিক পৃথ্বরাজ,
দ্রব সেন হয় মোর আদেশ পালিত ।

(প্রস্থান ।)

রাও । জয়চাঁদ ! বৃদ্ধ বটে রাওমল.
কিস্তি মন্ত মাতঙ্গের বল এখন বাহ্যতে !
কি বলিব পুত্রাধিক মেহ করি তোরে,
নহে যেই জিহ্বা ভীকু বলে মোরে,
উপাড়ি তাহার,
ফেলিতাম জলন্ত অনলে !

মন্ত্রী । ধৈর্য্য ধর মহারাজ !
রাও । মন্ত্রী ! নাহিক ভাবনা তব !
যতকাল এরুদ্ধের দেহে রবে প্রাণ,
কনোজের ইষ্ট শুধু ধ্যান জ্ঞান মোর
শুন সেনাপতি !
সাবধানে সৈন্যগণে রাখিও প্রস্তুত,
এ সংবাদ পৃথ্বরাজ শুনিলে নিশ্চয়,
নীরবে সহিতে শিরে এই অপমান,
রবে না সে
সংজ্ঞাহীন মাংসপিণ্ড সম অচঞ্চল ।

তৃতীয় দৃশ্য ।



সিংহদ্বার ।

প্রহরী ।

(যোধমল ও ঠাকুরদাদার প্রবেশ)

যোধ ।

এই কি সে ইন্দ্রপ্রস্থ ধাম,
খ্যাতি বার ব্যাপ্ত চরাচরে ?
ওই সেথা কুম্ভবর্ণা যুবতী যমুনা,
ধেয়ে যায় জাহ্নবীরে দিতে আলিঙ্গন ।
ওই বুঝি সে মানঅন্দির,
যথা হ'তে
গ্রহতারা গতিস্থির করে বৃধগণ ?
হেরি এই সিংহদ্বার সম্মুখে আমার ;
কোনরূপে লিপিখানি প্রদানি রাখায়,
প্রত্যুত্তর লয়ে তাঁর,
ত্বরাগতি ফিরিলে কনোজে,
হবে মোর কর্তব্য পালন ।

ঠাকু । আশনি এগিয়ে যান, হ্যাঁ এ গুন, ভয়কি ? আমি এই
খানে দাঁড়িয়ে রইলুম, ভয়কি ? আপনাদের মতন বয়সে
আমরা মানুষ ত ছার, যমকেও দৃক্পাত করতুম না ।

যোধ । না, ভয় কাকে বলে জননীর রূপায় বড় একটা জানিন
তবে আপনি বয়ঃজোষ্ঠ, আপনাকে পেছনে রেখে আম
এগিয়ে যাওয়াটা কি ভাল দেখায় ?

ঠাকু । তা হ'ক, তা হ'ক, আমি এখানে বেশীক্ষণ দাঁড়াব না, f
পুরস্কার দেবেন দিন, আমি সরে পড়ি । প্রহরীছটো কটম
করে তাকিয়ে আছে ! যা পাব, এখনি ভাগ চাইবে ; আড়া
আসুন, আড়ালে আসুন !

যোধ । (স্বগত) বুদ্ধ বড়ই ভীক স্বভাব, যাই হোক লোকটার
সাহায্যে গুপ্তপথ দিয়ে এখানে আসতে সক্ষম হয়েছি, ন
হ'লে কনোজবাসীর আগমন প্রত্যেক নাগরিকের মুখে
এতক্ষণ প্রতিধ্বনিত হ'ত, আর নগরে আন্দোলন পড়ে যেত
ঠাকু । মশায় কি ভাবচেন, যা হয় দিন, আমি এখান থেকে
অন্তহিত হই ।

যোধ । এই নিন ।

ঠাকু । সরে পড়ি বাবা !

[ঠাকুরদাদার প্রস্থান ।

(চন্দ্রপতির প্রবেশ)

চন্দ্র । কে আপনি ?

যোধ । মহাশয়, আমি বিদেশী ।

চন্দ্র । বিদেশী নয়ত কি স্বদেশী ? ছমছমে চাওনিতেই তা
বৃকতে পেরেচি । তা এখন প্রয়োজনটা কি বললে কায়-
মনোপ্রাণে বাধিত হই ।

যোধ । মহারাণা দিল্লীখরের নিকট কোন গোপনীয় প্রয়োজনে
এসেছি ।

চন্দ্র । তা, এ গোপনীয় প্রয়োজনে কোন্ দেশ থেকে আসছেন ?
যোধ । কনোজ থেকে ।

চন্দ্র । বুঝেছি, তা আগমন যখন কনোজ হ'তে, আর প্রয়োজন
যখন গোপনীয়, তখন কোন নির্জন স্থানে সমাহিত হবে ত ?
তা'হলে চলুন, কোথা যেতে হবে ?

যোধ । মহাশয়, আপনি কি বলছেন কিছু বুঝতে পাচ্ছি না ।

চন্দ্র । কেন সঙ্গে অভিধান আনেন নি ? যেটা না বুঝতে
পারছেন, অভিধান খুললেই বুঝতে পারবেন ! কি মুখের
দিকে হাঁ করে চেয়ে আছেন ? আমিই মহারাণা—চলুন,
কোথা যেতে হবে । (জনান্তিকে) যদি কিছু বিদ্রাট ঘটে,
তা আমার উপর দিয়েই ঘটে যাক ।

যোধ । আপনি মহারাণা ?

চন্দ্র । কেন ? একেবারে স্তম্ভিত হ'য়ে গেলেন যে ? বিশ্বাস
না হয়, ওই আমার সভাসদবর্গ আসছেন, ওঁদের জিজ্ঞাসা
করুন ।

(পৃথিবী রাজ ও অখিল সিংহের প্রবেশ ।)

পৃথি । কি কবির ! ব্যাপার কি ? কে এ যুবক ? এর সঙ্গে
কি পরিহাস করছে ?

চন্দ্র । (জনান্তিকে) সব মাটি করলে ! তা রাজা হ'লে কি
আর কবি হ'তে নেই ?

পৃথি । ও-চন্দ্রপতি ! কি হাত পা নাড়ছে ?

চন্দ্র । একদম মাটি, একেবারে নাম ধরে ডেকে ফেললেন, সব
মাটি, সব মাটি !

পৃথ্বী । কি, কি, ব্যাপার কি ?

চন্দ্র । বলছি ।

(চন্দ্রপতি কর্তৃক পৃথ্বরাজকে চুপি চুপি
যোধমলের পরিচয় প্রদান ।)

যোধ । (স্বগত) এই বুঝি মহারাণা দিল্লীর ঈশ্বর !

বীরত্বে যাঁহার,

পরাজিত মোদের ভূপতি !

সুবিভূত বঙ্গদেশ, বৃষঙ্গক,

বাহুদয় আজানুলম্বিত,

তেজঃপূজ কলেবর হেরি,

সাধ হয় অবনত করিতে মস্তক ।

পৃথ্বী ।

যুবন্ ! করিওনা অভিমান,

পরিহাসপ্রিয় কবির কথায়,

চন্দ্রপতি অতি হিতকারী মোর ;

কনোজ হইতে তব আগমন শুনি,

শরুপক্ষচর ভাবি,

ছলপাতি জানিবারে কৌশল তোমার,

আপনারে রাণা বলি দিলা পরিচয় !

কহ কিবা প্রয়োজনে,

আসিয়াছ কনোজ হইতে ?

যোধ ।

মহারাণা ! পত্র এক করিয়ে বহন,

আসিয়াছি করিবারে রাজদরশন ।

চন্দ্র । আহা ! তা এতক্ষণ বলনি কেন ? কনোজরাজ বু

দুতের নিকট মদগণিত তার বীরত্বকাহিনী শ্রবণ ক'রে, পুরস্কা

স্বরূপ কোন নিষ্ঠুর দ্বীপে আমার রাজত্ব করতে গোপনে
আদেশ দিয়ে পাঠিয়েছেন ? তা রাজআজ্ঞা শিরোধার্য্য !

পৃথ্বী । ক্ষমা কর কবিবর !

ক্লান্ত অতি কনোজ যুবক,

আসিয়াছে দূরদেশ হ'তে,

তরুণির বহুক্ষণ মম প্রতীক্ষায়,

রহিয়াছে হুয়ারে দাড়ায়ে ।

ভূতগণে করহ আদেশ,

সম্বতনে ল'য়ে যেতে বিশ্রাম আগারে ।

দাও পত্র মোরে ।

যোদ্ধা । (পত্র প্রদানান্তে) মহারাণা !

করুন মার্জনা ধৃষ্টতা আমার ;

অক্ষম এ দাস পালিতে আদেশ তব ।

আজ্ঞা মোর প্রতি,

প্রত্যুত্তর করিয়া গ্রহণ,

অবিলম্বে ফিরিতে কনোজে ।

(পৃথ্বীরাজের পত্রপাঠ ও উত্তর লিখন ।)

চন্দ্র । তোমায় কি যমরাজ পাঠিয়েছেন না কি ? সেও ত হুটো
খাবি খাবার সময় দেয় । তুমি না হয়, না খেয়ে না দেয়ে
শরীর খানি ত করেছ বেশ, তোমার রথের ঘোড়া হুটী অবলা
বলে কি নির্জলা একাদশা করবে ? সারথীর ধূলো খেয়ে
পেট ভরে গেছে বটে, ওর কিছু না খেলেও চলতে পারে ।

(অশ্বিল সিংহের নিকট হইতে ভূর্জপত্র লইয়া পত্র লিখন ।)

পৃথ্বী । লহ প্রত্যুত্তর,

কিস্ত যোধবর,
 স্নান সন্ধ্যা করি সমাপন,
 সামান্য আহাৰ্য্য কিছু করিয়া ভক্ষণ,
 অশ্বগণে দিয়ে তৃণ জল,
 সারথীয়ে করি তুষ্ট ভক্ষ্যপেয় দানে,
 যাও চলি কনোজের পথে ।
 এই রত্নহার পুরস্কার তব !

যোধ ।

ধন্য আজি যোধমল !
 রাজ-আজ্ঞা অবহেলা করিবারে,
 সাধ্য নাই এ ক্ষুদ্র জীবের ;
 কিস্ত মহারাণা ! ক্ষম অপরাধ,
 পুরস্কার অণু না লইব,
 ভক্ষ্যপেয় অতঃপর করিব গ্রহণ,
 শ্রীচরণে বিদায় এখন ।

[যোধমলের প্রস্থান ।

পৃথ্বি ।

সেনাপতি ! বিংশতি সহস্র সৈন্য
 হয় যেন এখনি প্রস্তুত ।
 যেতে হবে মোর সাথে প্রহরেক পরে ।

[প্রস্থান ।

চন্দ্র । এ কি বাবা ! এ অগ্নিস্কুলিঙ্গ কোথা থেকে এল ?

[চন্দ্রপতির প্রস্থান ।

চতুর্থ দৃশ্য ।

কক্ষ ।

সংযুক্তা ও যমুনা ।

সংযুক্তা ।

কি হলো কি হলো !

কেন সেই ঘোষণা ফিরে নাহি এল ?

সংশয় দোলায় দোলে অন্তর আমার,

এর চেয়ে বৃষ্টি হয় নিরাশা মঙ্গল ।

যমুনা ।

অধীরা হয়ো না সখি !

শুভ সমাচার করিয়ে বহন,

ঘোষণা ফিরবে নিশ্চয় ।

সংযুক্তা ।

কবে আর ঘোষণা আসিবে ফিরিয়া ?

দিনমণি পড়ে ঢলি পশ্চিম গগনে,

ওই শুন !

সান্না সঙ্গীতের ধ্বনি উঠিছে অশ্রুতে ;

এখনি আঁধার আসি দিবে দরশন,

হৃদয় আঁধার মোর বাড়তে দ্বিগুণ ;

মুহূর্ত্তে যামিনী সখি যাবে পলাইয়ে,

নির্দয় প্রভাত আসি দিবে দরশন,

যেতে হবে মোরে হয় ! স্বপ্নের মাঝে,

মালা দিতে শমনের গলে !
 সই ! সই ! এই কি আমার পরিশ্রাম ?
 জীবনের আশা মোর এখনও মেটেনি,
 সুখসাধ অতৃপ্ত আমার,
 প্রস্তুতি হইতে না হতে,
 প্রথর রবির করে,
 আধ বিকশিতা কলি যাবে কি বারিয়ে ?
 যমুনে ! দেরে মোরে শেষ আলিঙ্গন !
 ছিছি ভগ্নি !

যমুনা ।

হেন অধীরতা না সাজে তোমায়,
 নাহি শোভে সংযুক্তায় কভু ।
 কবে বল ক্ষত্রিয়কুমারী
 শমন বদন হ'তে ফিরায় নয়ন ?

সংযুক্তা ।

সত্যকথা, কি দুর্বল হৃদয় আমার !

যমুনা ।

নহে দুর্বল হৃদয়,
 অধীরতা তব সখি ! ক্ষণেকের তরে,
 হরিয়াকে হৃদয়ের বল ।

এখন'ত ব্যবধান ত্রিষামা যামিনী,
 মুহূর্ত্তে হইতে পারে অসাধ্য সাধন ;
 কে যেন আমায় বলিছে অন্তরে,
 অবিলম্বে যোধমল আসিবে ফিরিয়ে ।

সংযুক্তা ।

আসিবে ফিরিয়ে, কিন্তু কি উত্তর লয়ে ?
 জান ত যমুনে !

প্রতিমর্দি প্রাণেশ্বর মোর.

পিতার আদেশে প্রতিষ্ঠিত দ্বারদেশে,
 হীনবেশী দৌবারিক রূপে ।
 গুপ্তচর এ সংবাদ করিবে বহন,
 নীরবে কি রবে পৃথ্বরাজ ?
 আর কি আমায় তিনি দেবেন আশ্রয় ?
 কায় মন প্রাণ সঁপেছ যাঁহার পায়,
 মনে মনে পতিত্বে লো বরেছ যাঁহায়,
 ভাগ্য দোষে যদি তাঁর না পাও দর্শন,
 দিও মালা দৌবারিক গলে ;
 শূরশ্রেষ্ঠ একলব্য যথা,
 গুরুরূপে না পাইয়ে আচার্য্য দ্রোণেরে,
 শিখিতেন রণবিদ্যা প্রতিমূর্তি গড়ি ।
 হের সখি !
 আসে ওই যোধমল লয়ে সমাচার ।

(যোধমলের প্রবেশ ।)

যোধ । কি সংবাদ যোধমল ?
 দিল্লীপতি সদাশয় অতি,
 কতই যতন করিলা আমায়,
 যেন চিরমিত্র রাঠোর তাঁহার !
 এই লিপি প্রত্যুত্তর তাঁর ।

(সংযুক্তাকে লিপি প্রদান ও তাঁহার পত্র পাঠ)

সংযুক্তা । যোধমল ! ধর এই অঙ্গুরী আমার,
 ভগিনীর স্নেহ নিদর্শন ।

বিপদে কি সম্পদে তোমার,
 রেখ মনে সংযুক্তারে সহোদরা মম ।
 যোধ । রাজবালা !

চির কৃতজ্ঞতা পাশে বাধিলে আমার,
 কি সাধ্য আমার বল দিই প্রতিদান ?
 শুধু এই শানিত রূপাণ,
 রাখি তব চরণের তলে,
 সাক্ষ্য মোর দেবতামণ্ডলি !
 আজ হতে এই অসি আজ্ঞাবাহী তব ।

প্রস্থান ।

সংযুক্তা । দেখ বোন্ হস্তলিপি তাঁর ।

(যমুনাকে লিপি প্রদান ও তাহার পাঠ)

যমুনা । “রাজবালা ! না হয়ো উতলা,
 আশ্রিতে রক্ষণ জেনো ধর্ম্ম ক্ষত্রিয়ের ।”
 আর তব ভাবনার নাহিক কারণ,
 পূজি চল আশাপূর্ণা দেবীর চরণ ।

পঞ্চম দৃশ্য ।

স্বয়ম্বর সভা ।

(দ্বারদেশে পৃথি্বরাজের প্রাতিমূর্তি স্থাপিত)

দ্বিপ্রগণ ও রাজগণ আসীন ।

১ম রাজা । কতক্ষণে যজ্ঞ এই হবে সমাধান ?
ধৈর্য ধরিতে নারি,
হেরিতে মোহিনী মূর্তি আকুল পরাণ ।

২য় রাজা । শুধু হেরিয়ে কি ফল ?
ভাবি মনে, হিতে বুঝি হয় বিপরীত !
অভিশপ্ত তুষাতুর যথা,
সুশীতল বারি হেরিয়ে অদূরে,
ব্যগ্রচিত্তে যেই যায় করিবারে পান,
অমনি সে মায়াবারি সরে যায় দূরে ;
সেই মত কনোজ-কুমারী,
দিয়ে দেখা তুমি শুধু বাড়িয়ে দ্বিগুণ,
যাবে চলি জীবনের শাস্তিটুকু হরি ।

৩য় রাজা । যা হবার হয়ে যাক বিলম্ব না সময় ।
পাব কি না পাব তারে ভাবনার চেয়ে,
অশাস্তি অঁধার মোর শত গুণে ভাল ।

৪র্থ রাজা । অঙ্গ বঙ্গ কাশী কাঞ্চী সৌরাষ্ট্র কলিঙ্গ,
মগধ দ্রাবিড় আর পত্তন মালব,
ঝালোয়ার উজ্জয়িনী কিশ্বা জয়পুর,
সকলেই সমাগত এই সভাস্থলে ;
গুপ্ত দিল্লীপতি আর চিতোরের রাণা,
নিমন্ত্রণ করেনি গ্রহণ ।

১ম রাজা । ক্রোধে তাই কনোজ-ঈশ্বর,
প্রতিমূর্ত্তি গড়ি দুজন্যার,
হীনবেশে রেখেছেন সভার দ্বারে ।

২য় রাজা । ভাবি তাই কখন কি হয় ?
বীরশ্রেষ্ঠ চিতোর আজমীর !
নাগোরা সমর পুনঃ হবে অভিনীত,
জেনো মনে একথা নিশ্চয় ।

(জয়চাঁদ, মন্ত্রী ও হুর্ঘ্যাসিংহের প্রবেশ ।)

জয় । মন্ত্রিবর । অন্তঃপুরে পাঠাও বারতা,
মাঙ্গলিক ধ্বনি
করে যেন পুরাঙ্গনাচয় ;
ধরাগতি আসিবারে স্বয়ম্বর স্থলে,
সংযুক্তারে প্রেরহ আদেশ ।

মন্ত্রী । যথা আজ্ঞা দেব ।

(মেপথো শঙ্করানি ও সখীগণের লাজ ছড়াইতে ছড়াইতে
প্রবেশ)

গীত ।

জ্যেষ্ঠ মঙ্গলময়, যিনি মঙ্গল আধার,
অমঙ্গল দূরে যায়, লইলে নাম তাঁহার ।
যতেক যুবতী বালা, লয়ে বেত পুষ্পমালা,
শুভ্র বেশে মুক্তকেশে, লও দধিপাত্র ভার ।
অগুরু চন্দন সার, পূর্ণকুণ্ড সহকার,
দীপদল ধাত্র আর, মাজলিক উপচার ।
উডুয়ে পতাকা সারি, যত পুরবাসি নারী,
এস শঙ্করানি করি, ছড়াইয়ে লাজভার !

(স্বর্ণ থালে পুষ্প চন্দন হস্তে যমুনা ও মালা হস্তে
সংযুক্তার প্রবেশ)

জয় ।

এস মাগো হৃদয়তোষিণি !
সুধীরন্দ ! এই মোর হুহিতা রতন,
একমাত্র স্নেহের বন্ধন,
রূপে লক্ষী গুণে বীণাপাণি সমা ।
দর্শ্য সাক্ষী কহি সত্য মাঝে,
নার গলে দিবে মালা কনোজ-কুমারী,
জামাতা সে মোর ।
বিশালাক্ষি ! উপস্থিত রাজগবর্গের,
সংযুক্তারে পরিচয় করহ প্রদান ।
সংযুক্তা । যমুনে ! ভগিনি ! কি আছে কপালে ?

যমুনা ।

যাই থাক, দৃঢ় স্ত্রে বাঁধহ হৃদয় ;
রেখ মনে বীরবালা নহে দ্বিচারিণী ।

বিশা ।

হের রাজবালা বীরবপু অঙ্গরাজে,
উন্নত ললাট, প্রশান্ত বদন,
বীরত্বের দেয় পরিচয় ।
সঙ্গে সদা অযুত বাহিনী
যমের কিস্কর সম ।

(সংযুক্তার অগ্রগমন)

বিশা ।

হের পুনঃ মালব কুমারে,
তেজোদৃপ্ত বদন সুন্দর,
শতাদিক সামন্ত অধীন,
কুবেরের রত্নরাজি মালব-ভাণ্ডারে ।

(সংযুক্তার অগ্রগমন)

হেথা এই মগধপালক,
মুন্তিমান্ ইন্দ্র যেন বিকাশে মহীতে ।

সংযুক্তা ।

সতীকুলরাণি ! সতীত্বের অপূৰ্ণ মহিমা,
তুমিই শিখায়ে দেছ এ মর জগতে ।
পিতৃশত্রু পৃথ্বরাজ হরিয়াছে মন,
কেমনে ভজিয়া অণ্ডে হব দ্বিচারিণী ?
কুল দেখা এ ঘোর সঙ্কটে !
চক্ষুঃশূল হইব পিতার,
ভজি যদি পৃথ্বরাজে ।
সেও ভাল—কিস্ত কভু কুলটা না হব ;
হয় ত জীবনে তাঁরে দেখিতে না পাব,

তবু তাঁর আশা কভু না ছাড়িব ।

জানুক জগৎ পৃথিবীরাজ পতি মোর,

সাক্ষী মোর দেবতামণ্ডলী,

তিনি মোর একমাত্র উপাস্ত জীবনে !

(পৃথিবীরাজ প্রতিমূর্ত্তির গলায় মালা দান)

জয় । কি করিলি অবোধ বালিকা ?

সুধা ভ্রমে হলাহল করিলি যে পান ।

ঈশ্বরপ্রাণ ! অজ্ঞান বালিকা,

নাহি জানে কার মূর্ত্তি গলে দেছে মালা,

মাত্তনীয় নহে কি এ ভ্রম ?

সংযুক্তা । নহে ভ্রম পিতঃ !

জেনে শুনে মালাদান করেছি উঁহায় ।

জয় । কি কহিলি ?

সংযুক্তা । জানি আমি কার পদে সঁপিলাম প্রাণ ।

কায়মনবাক্যে সদা ভজেছি তাঁহায়,

পতি মোর পৃথিবীরাজ ।

জয় । আরে আরে কুলের কণ্টক !

পিতৃঅরি পতি তোর ?

তুচ্ছ দিয়ে সর্পশিশু করিছু পালন,

হলো যাই বিষের উদগম,

প্রসারিয়ে কাল ফণা,

হেলায় পালক শিরে করিলি দংশন !

ভেবেছিস মনে, ভুলে গেছি আকর্ষণে,

ক্ষমা বাকি করিব রে তোরে ?

সংযুক্তা ।

চাস যদি আপন মঙ্গল,
 অণু জনে বরমালা কর সমর্পণ ।
 সেকি কথা দেব ?
 শিশুকাল হ'তে তুমিই শিখায়ে দেছ,
 সতীত্ব পরম নিধি রমণী-জীবনে ;
 তুমিই বলেছ তাত !
 “নারীধন্য করিতে পালন,
 হলে প্রয়োজন,
 তুচ্ছ প্রাণ দিও বিসর্জন ।”
 তবে কেন তব উপদেশ,
 তুমিই বিস্মৃত হও পিতঃ ?
 বরমালা সমর্পিয়ে একের গলায়
 “অণু বল কেমনে ভজিব ?
 দ্বিচারিণী সংযুক্তারে কবে জনে জনে,
 তাহে মান কি বাড়িবে তব ?
 চক্রবর্তী রাণা জয়চাঁদ,
 স্মৃখী কি হবেন তায় ?
 প্রগল্ভা বালিকা !
 কে যাচিছে উপদেশ তব,
 চাস যদি আপন মঙ্গল,
 সত্ত্বর করহ মোর আদেশ পালন ।
 নারীধন্য রক্ষা হতে কি মোর মঙ্গল ?
 পায়ে ধরি পিতঃ !
 তনয়ারে শিখায়োনা কুলটা-আচার !

জয় ।

সংযুক্তা ।

क्र. १

তনয়া ! কে মোর তনয়া ?

অকাতরে পিতার উন্নত শিরে,

যেই জন ঢেলে দেয় কলঙ্ক কালিমা,

পিতৃ অপমান করি আনন্দ যাহার,

পিতৃ আত্মা অবহেলে দলে যে চরণে,

সে খোর তনয়া ।

জয়চাঁদ ! আজি নিৰ্বংশ বে তুই !

অহা ভ্রমে হৃদয় কাননে,

বিষবল্লী করিয়ে রোপণ.

বেধেছিলি মায়া আর স্নেহের প্রতাপে,

এবে নিজ করে নির্দ্ব্যম হইয়ে,

বিষবল্লী ফেল উপাডিয়ে ।

সংজ্ঞা ! প্রস্তুত হও, আর ইষ্টদেবে !

(অসি নিষ্কাশন)

ମରୁତୁ ।

পিতা, দুহিতা তোমার মরণে কি ডরে ?

সতীত্ব অমূল্য নিধি করিতে রক্ষণ,

হলে প্রয়োজন,

বীরবাল। হাসিতে হাসিতে,

শমনেই দেয় আলিঙ্গন !

જય ।

ভাল, মর তবে.

নিজে যাক প্রাণের এ জ্বালা।

(অসি উত্তোলন)

রাওমল।

কি কর বাতুল ? (জয়টাদের হস্ত ধারণ)

জয় । প্রতি পদে বকু তুমি বাধা দাও মোরে,
এবে লও, প্রতিফল ।

(হস্ত ছিনাইয়া রায়মলের হস্তে তরবারি আঘাত ।)

কোথা গেল সে কালনাগিনী ?

(সংযুক্তাকে মারিবার জন্য পুনরায় অসি উত্তোলন, অকস্মাৎ
পৃথ্বিরাজের প্রবেশ, আঘাত বার্থ করন ও সংযুক্তাকে ধারণ ।)

পৃথ্বি । কাপুরুষ ! তনয়ার লতে চাহ প্রাণ ?
এস প্রিয়তমে !
আজি হতে দৌরারিক গৃহে তব স্থা ।
প্রণাম চরণে তব,
পূজনীয় শস্তুর ঠাকুর !

[শূর্যাসিংহের পৃথ্বিরাজকে আক্রমণ, পৃথ্বিরাজের আঘাত বার্থ
করন ও সংযুক্তা সহ প্রস্থান ।

জয় । সেনাপতি ! কি দেখ চাহিয়ে ?
পলাইলা পৃথ্বিরাজ,
বায়ুবেগে ধায় তুরঙ্গম !
প্রহরী যতেক,
কাষ্ঠপুত্তলিকা প্রায় আছে দাঁড়াইয়ে !
সাজ সাজ যে আছ যথায়,
এস সবে আমার পশ্চাতে,
জয়চাঁদ নিজে আজি রোধিবে উহায় ।



তৃতীয় অঙ্ক ।

প্রথম দৃশ্য ।

মন্ত্রণাগার ।

জয়চাঁদ, সূর্য্যানিংহ ও মন্ত্রী ।

জয় ।

একে একে অতিক্রান্ত দ্বিতীয় বরষ,

কিন্তু প্রাতিহিংসা সাধিবারে,

কই মোর ঘটিল সুর্যোগ ?

শাদ্দুল-আলয়ে আসি

চুরি করি লইয়ে শাবক.

পলাইলা সে পামর.

হায় হায় কিছু মোরা করিতে নারিহু !

রাজহুয়ে কি ফল লভিহু ?

হীনবীৰ্য্য জয়চাঁদ কয় জনে জনে ।

অপদার্থ আমি !

ধিক রাজ্যে ধিক সিংহাসনে,

শতধিক জীবনে আমার !

মন্ত্রী ।

জয় ।

আত্মশ্রানি কেন কর নৃপমণি ?
 কেন করি ? কি বুঝিবে তুমি মন্ত্রী !
 যার নামে একদিন ।
 থরথরি কেঁপেছে ভারত,
 কীর্ত্তি যার ছিল ব্যাপ্ত সমগ্র ভুবনে,
 সেই আমি, সেই জয়চাঁদ,
 পরাজিত হুইবার পৃথ্বরাজ-করে !
 হের য়ানজ্যোতি কনোজ আসন,
 কহে সকাতরে,
 এই জ্বালা জয়চাঁদ দিলি তুই মোঝে ?
 কনোজের সীমান্ত প্রদেশে,
 আইল চৌহানদল,
 কেহ নাহি রাখিল সংবাদ !

মন্ত্রী ।

কতদিন বলেছি রাজন !
 দোষী নহে তাহে কভু কনোজের প্রজা ।
 রাজহুয় যাগে মগ্ন সমস্ত নগরী,
 চারিদিকে আনন্দের রোল,
 কত রাজা আসিল কনোজে,
 সাথে লয়ে হয় হস্তী আর সৈন্যচয়,
 তার মাঝে ছদ্মবেশী চৌহানের দলে
 চিনিতে নারিল কেহ ।

সূর্য্য ।

বায়ুবেগে যবে আমি ধাইলু পশ্চাতে,
 দেখিলাম একা পৃথ্বী সংযুক্তার সনে,
 নীলবর্ণ তুরঙ্গম'পরে ;

হর্ষভরে কশাঘাত করিছু অগ্নে ।
 সহসা হইল ত্র্য্যনাৎ,
 অকস্মাৎ পঞ্চশত অশ্বারোহী,
 ভূতল ভেদিয়া যেন হইলা উদয় ।
 সংঘত করিছু বাজীবগ,
 তবু প্রাণে আনন্দ অপার ।
 ভাবিলাম মনে, মাত্র পঞ্চশত অশ্ব,
 কৃৎকারে উড়িয়া যাবে রাঠোর সকাশে ।
 কে জানিত সীমান্ত প্রদেশে,
 'অগণ্য চৌহানদল করিছে বিরাজ !
 তবু আমি ভেবেছিছু জিনিব পৃথ্বিরে,
 পঞ্চদিন হইল সময়,
 সমতেজে জ্বলিল সে ভীষণ অনল,
 ভস্মীভূত হয়ে গেল সহস্র জীবন,
 জয় পরাজয় তবু না হলো নির্ণয় !
 অপূর্ব বীরত্ব তব দেখেছি আহবে,
 এখনও যে কাঁপে হিয়া থরথরি মোর,
 স্মরিলে সে তাণ্ডব ব্যাপার !
 দেখেছি যুগেন্দ্রে রাণা পশিতে সমরে,
 অরণ্যের ভীতিকর শার্দূলের সনে ;
 মদমত্ত মাতঙ্গেরে দেখিয়াছি দেব,
 অরিদলে মথিতে চরণে ;
 কিন্তু এ হেন উন্মাদ বীরত্ব,
 ক'হু আমি হেরিনি নয়নে !

- জয় । কি হলো বীরবে মোর ?
 ধিক বীর্যে ধিক বাহুবলে,
 যষ্ঠ দিনে হলো পরাজয়,
 মাথিয়ে কলঙ্ক কালি ফিরিলু ভবনে !
 হায় হায় মৃত্যু কেন না হলো আমার ?
- মন্ত্রী । কি ফল অরিয়ে প্রভু অতীত কাহিনী ?
- জয় । কিছুদিন পরে লুপ্তনের আশে,
 আক্রমিতা যবনের দল ।
 ভাবিলাম মনে,
 হীনবল পৃথ্বি এবে কনোজ-সমরে ;
 কিন্তু হায় ! মুষ্টিমেয় সেনা লয়ে সাথে,
 অনায়াসে বিনাশিল যবনবাহিনী,
 রুদ্ধ করি আনিল ঘোরীরে !
- সূর্য্য । নীরবে সবে কি ঘোরী সেই অপমান ?
- জয় । কখন না কখন না জানিহ নিশ্চয় ;
 চতুর সে সাহেব উদ্দিন,
 প্রতিহিংসা করিছে প্রতীক্ষা,
 অবসর পাইলে অমনি
 বিস্তারিয়া লোল জিহ্বা,
 পৃথ্বরাজ-বক্ষরক্ত করিবে সে পান !
- সূর্য্য । কিন্তু ঘোরী,
 রণাঙ্গণে ক্ষত্রবীর্য্য করেছে দর্শন,
 সহজে সমরে সে কি হবে আগুয়ান ?
- জয় । কিন্তু করে যদি কনোজ আহ্বান ?

মন্ত্রী ।

মহারাজ !

জয় ।

কেন মন্ত্রী উদ্বিগ্ন হৃদয় ?

ভেবে আমি করিয়াছি স্থির,

একা ঘোরী কিম্বা একা জয়চাঁদ,

পরাজিতে নারিবে পৃথ্বিরে ;

কিন্তু কনোজ-কেতন,

মিলে যদি যবনের সনে,

কুর সাধ্য রোধিবে সে বেগ ?

জানারাসে পৃথ্বরাজ হবে পরাভূত.

প্রতিহিংসা মিটিবে আমার ।

তারপর লুপ্তিয়ে নগর,

ঘোরী যবে ফিরিবে কাবুলে,

চির অভীষিত দিল্লীসিংহাসন,

হবে মোর করতল গত,

এক লোপ্তে দুই পক্ষী হইবে নিহত ।

মন্ত্রী ।

মম মতে অবিশেষ যবনে আশ্রয় ।

(রায়মলের প্রবেশ ।)

রায় ।

সাপু মন্ত্রী ! সাপু তব নিষেধ বচন !

বৎস, রাজনীতি করি আলোচনা,

শুরু আমার শির,

দর এই বুদ্ধের বচন,

হেন মতি করো না কখন ।

জয় ।

খুল্লতাতে ! কে চাহিছে মন্ত্রণা তোমার ?

রায় । রাখ মানা, যবনেরে জাননা জানি না,
 সর্বনাশ না কর সাধন ;
 ভারতের পদে তুমি
 স্বহস্তে দিওনা বেঁধে লোহের শৃঙ্খল ।
 ভেবেছ কি জয়চাঁদ,
 পার হয়ে পঞ্চনদ যবনের দল,
 সহে তারা কত অর্থ কত প্রাণী নাশ,
 রিক্তহস্তে যাবে ফিরে আপন আলয়ে,
 তোমারে সঁপিয়ে দিয়ে দিল্লীসিংহাসন ?

জয় । তারা চায় করিতে লুণ্ঠন,
 ল'য়ে যেতে রত্নরাজি আপন প্রদেশ ।

রায় । ভ্রম, মহাভ্রম তব !
 ভারতের শ্রেষ্ঠ রত্ন দিল্লী-সিংহাসন,
 চায় তারা করিতে হরণ ।
 সমুদ্র মন্থনে লভি কৌস্তুভ রতন,
 দেব কি প্রদানেছিল দানবপতিরে ?
 বারিধি উদরে পশি গুপ্তি অশ্বেষণে,
 মাটি মাখি যাবে তারা হাসিতে হাসিতে,
 তোমারে প্রদানি বুঝি শ্রমলব্ধ ধন ?

জয় । ভাল যা বুঝিব মনে সম্পাদিতে তায়,
 বোধ হয় অধিকার আছেয়ে আমার ।

রায় । প্রাণের অধিক স্নেহ করি সদা তোমারে,
 কিন্তু জয়চাঁদ !
 তোমার চেয়ে বাসি ভাল জনম ভূমিরে ।

নহে স্বয়ম্বর স্থলে আহত হইয়ে,
সেই রুধিরাক্ত করে লয়ে করবাল,
পশিতাম কভু ফিরে পৃথ্বী সনে রণে ?
সেই মেহবশে পুনঃ কহি তোরে,
সুধা ভ্রমে হলাহল করিও না পান,
ডুবিও না স্বথাত্ত সলিলে !

জন্মভূমি—মহারত্নে

দিওনা তুলিয়ে বৎস যবনের করে ।

জয় । না চাহি শুনিতে আমি প্রলাপ বচন,

ধাও চলি সম্মুখ হইতে ।

রায় । জন্মশোধ তবে মোরে প্রদান বিদায় ।

জয় । যাও চলে যথা ইচ্ছা তব,

না চাহি দেখিতে মুখ ।

[রায়মলের প্রস্থান ।

মন্ত্রী । (স্বগত) রক্ষু গত শনি যার কে তারে ফিরাবে ?

নিকট শমন যার,

সে কি কভু বৈদ্যবালী শুনে ?

জয় । হৃদ্যসিংহ ! কিবা তব অভিপ্রায় ?

মন্ত্রী । আছে এক প্রার্থনা আমার,

করিলে পূরণ কৃতার্থ হইবে দাস ।

জয় । কি বাসনা নিঃসঙ্কোচে কহ প্রকাশিয়ে ।

মন্ত্রী । বহুদিন রাজকার্য্যে অপটু শরীর,

বাসনা আমার প্রভু, লয়ে অবসর,

করিব বারেক তীর্থ পর্য্যটন,
শেষের সম্বল কিছু করিতে সঞ্চয় ।

জয় । ভাল সম্বর আসিও ফিরে ।

মন্ত্রী । (স্বগত) দীননাথ ! পাপরাজ্যে যেন মোরে
আর কভু না হয় ফিরিতে । [প্রস্থান

জয় । সূর্য্যসিংহ ! প্রহরীরে জানাও আদেশ,
অন্ত নিশাযোগে,
সাক্ষেতিক অঙ্গুরীয় দেখাবে যে জন,
সম্বতনে যেন তারে আনে মম পুষে ।

বুঝেছ কি কেবা সেই জন ?

সূর্য্য । বুঝিয়াছি, যবনের দূত ।

জয় । যাই এবে বিশ্রাম আগারে,
দিবা অবসানে আসিও হেথায়,
তিন জনে পরামর্শ করিব গোপনে ।

দ্বিতীয় দৃশ্য ।



উদ্যান ।

যমুনা ।

যমুনা । একা আমি এ ঘোর সংসার !
ছিল যেবা জীবনের সাথী,
যার সনে ক'য়ে কথা জুড়াইত প্রাণ,
আমারে ফেলিয়া এই অন্ধকার মাঝে,

গেছে চলি নিশ্চয় হৃদয়ে,
 শূণ্য প্রাণে আমি শুধু শূণ্যে চেয়ে আছি !
 সত্য কি হৃদয় মোর,
 হির ধীর অনন্ত আকাশ সম,
 শূণ্য সমুদয় ?
 নহে কেন, কমনীয় ইন্দ্রধনু সম,
 সে চাকু বদন ছবি,
 ক্ষণতরে হইয়ে উদয়,
 পূর্নঃ হায় মিলাইয়ে যায় ?
 কই তবে অরুণের উজ্জ্বল বিভায়,
 হৃদি পরমাণু মোর উছলিত হয় ?
 যোধমল ! যোধমল !
 ছি ছি কি বলিবে পিতামহ ?
 কি বলিবে সংযুক্তা ভগিনী,
 হৃদয়ের দুর্বলতা গুনিলে আমার !
 (রাওমলের প্রবেশ ।)

রাও । যমুনে ! হেথা তুমি র'য়েছ বিরলে ?
 যমুনা । একি পিতামহ !
 পাণ্ডুবর্ণ কেন তব বদন কমল ?
 মহীধর কাঁপে না ত সামান্য পবনে !
 রাও । করিছি মনন যাব তীর্থপর্যটনে ;
 যাইবার পথে,
 সংযুক্তারে যাব দেখে বারেকের তরে ;
 যমুনে ! যাবে সাথে মোর ?

- যমুনা । সদা প্রাণ কাঁদে মোর সংযুক্তার তরে,
শিশুকাল হ'তে দৌহে একত্রে পোলিত,
কত খেলা খেলেছি দু'জনে ।
দেখা যদি পাই, স্বর্ণ হাতে পাই,
গলা ধরে দু'জনায় কত কথা কই,
বল বল, কবে যাবে তাত ?
- রাও । কবে ? এই দণ্ডে, বিলম্ব না নয়,
আয়োজন করহ সত্বর ।
- যমুনা । এই দণ্ডে ! ক্ষমা কর মোরে,
কিন্তু বাধা না থাকিলে—
- রাও । নহে এ সময়,
অগ্রে হই কনোজের সীমার বাহির,
তার পর গুনিও সকলি ।
(মোক্ষমল ও ধাত্রীর প্রবেশ ।)
- ধাত্রী । মহারাজ !
গুনি নাকি যমুনারে ল'য়ে সাথে,
যাবে তুমি তীর্থপর্যটনে ?
- রাও । সত্য মাতঃ করেছি মনন ।
- ধাত্রী । তবে দেব গুন নিবেদন,
সপুত্রক এ দাসীরে লয়ে চল সাথে ।
- রাও । সে কি মাতঃ ?
- ধাত্রী । রক্ষা আমি, গুরু মোর শির,
বিধেয় কি নহে মোর পুণ্যের অর্জুন ?
সংযুক্তা বিহনে,

ছিনু চেয়ে যমুনার পানে,
সেও যদি যায় চলে,
কার তরে বল তবে রহিব এ পুরে ?
যারা মোর হৃদয়ের আলো,
একে একে যদি তারা দূরে চ'লে গেল,
অঁধার মাঝারে হায় কেমনে থাকিব ?
বিশেষতঃ মনে মোর হয়,
কনোজের জল বায়ু সহ নাহি হয় ।

যোধ ।

মহারাজ !

দাস পদে মাগিছে আশ্রয়,
দয়া ক'রে সাথে ল'য়ে যাও ।
চিরদিন অসি মোর আবদ্ধ কঙ্কুকে,
দেশবৈরীরক্তে তার পিপাসা মিটাও ।

রাও ।

যোধমল !

যোধ ।

দেব ! ক্ষম অপরাধ,
মতি মোর চপল চঞ্চল,
নাহি জানি মনোভাব রাখিতে গোপন,
রাজনীতি শাস্ত্র কিছু না চাহি জানিতে ।
শুধু এইমাত্র জানি,
বীরের প্রশ্ৰয় ধর্ম্য স্বদেশ রক্ষণ,
হিন্দুর প্রধান কার্য্য যবন নিধন ।

রাও ।

যবন নিধন !

কি কহিছ যোধমল ?

কেন হেন প্রলাপ বচন ?

যোধ ।

নহে প্রভু প্রলাপ বচন !
 অকারণ কেন দাসে করিছ ছলনা?
 গুপ্ত কক্ষে সমীরণ গুপ্ত ভাবে পশে,
 গুপ্ত রেণু চুরি করি—
 ছড়াইয়া দেয় জেনো মানব সকাশে,
 তাই দেব কহি পদে ধরে,
 লহ সাথে অধম কিস্করে ।

রায় ।

ভাল ত্বর তবে কর আয়োজন ।

যোধ ।

জয়হোক ! জয়হোক মহারাজ !

রায় ।

কিন্তু সাবধান ! অতি সংগোপনে,

যেন কেহ নাহি শুনে,

জেনো মনে পাষাণের আছয়ে শ্রবণ ।

যোধ ।

প্রতিবর্ণে হবে তব আদেশ পূরণ ;

দেব কর আশীর্বাদ,

বাহু মোর, আদেশের তব,

পারে যেন রাখিতে সন্মান ।

ওহোঃ কি আনন্দ আজি !

ঈপ্সিত বাসনা মোর হইবে পূরণ,

দেশবৈরী রক্তধূমে ছাইব গর্গন,

হোরীখেলা যবনরুধিরে ।

(প্রস্থান ।)

যমুনা ।

ধন্য ! ধন্য যোধমল !

রাও ।

ধন্য ধাত্রী মাতা !

তৃতীয় দৃশ্য ।

দিল্লীর বিলাস-কক্ষ ।

সংযুক্তা ।

সখিগণের গীত ।

ওই সুদূর দেশের মধুর চাঁদিনী এসেছে ।

তাই বিলাস রঞ্জে অঙ্গ আবরি, ফুলহারে ধরা হেসেছে ॥

কত সোহাগের ঝর উঠেছে বাস,

কত মধুরে মিশেছে মরম খাস,

কত তাপিত বৃষ্টি বাসি মালা ফেলে,

হাসি ভেলা ধরে ভেসেছে ॥

১রা ।

দেখ সখি ! ফুল অলঙ্কারে,

ফুলরাণী সাজিল কেমন ।

দেখে যাও সমগ্র জগৎ,

দেখে যাও স্বর্গ হ'তে দেবতা আসিয়া,

ধরাতলে দেবী মূর্তি হইলা উদয় !

২রা ।

শিরীষ কুসুম সম মহারাণী কায়,

কুসুমের শোভা যেন বেড়েছে দ্বিগুণ,

হীরকের শোভা বথা হৈম-হারে থাকি ।

সংযুক্তা ।

কি কহ সজনি ?

দেবতা মস্তকে স্থান যে কুসুম পায়,

মম অঙ্গ পরশনে,
 তার কিবা বাড়িল আদর ?
 ২য়। সখি ! ভাগ্যগুণে পুষ্পের আদর ।
 বহু পুষ্পে হয় বটে দেবতা অর্চনা,
 বহু পুষ্প শোভা পায় সুন্দরীর শিরে,
 কিন্তু পুনঃ, কত ফুল ফুটিয়া বিজনে,
 ছড়ায়ে সুসমা তার মরু সমীরণে,
 অযতনে করে পড়ে যায় !
 তবে এবে কহত সজনি,
 যে পুষ্পে আদর করে,
 দিল্লীশ্বরী সংযুক্তা সুন্দরী,
 নহে কিলো বহু ভাগ্য তার ?

গীত ।

অলি কেঁদে কত ফিরে যায়, কেঁদে কত ফিরে আসে,
 তবে না কলিতে মধু ভাসে,
 না নিলে রংগী চরণ বৃকে, অশোক সুখে কি হাসে ॥
 রংগী মূর্খের যজ্ঞে ব্যাকুল,
 না হলে কোটে কি বকুল মূল,
 আকুল না হলে জাগে কি প্রণয়,
 নীরবে হিমার শয়ান পাশে ।

[সখীগণের প্রস্থান]

(পৃথ্বরাজের প্রবেশ ।)

পৃথ্বী ! কি সাজে সেজেছ আজ, দিল্লীর ঈশ্বর !
 রূপ যেন শত ধারে পড়িছে উথলি ।
 সাধ হয় রাখি দূরে রাজ্য কোলাহল,
 দিবানিশি থাকি ডুবে ঐ রূপ-সাগরে ।

মহারাণী ।

মহারাণী !
 ওই যে গগন-পটে পূর্ণিমার শশী,
 ছড়িয়ে রূপের রাশি,
 হাসি হাসি ভাসি চলি যায়,
 নহে কি সে মহারাণী বিমল বরণ,
 প্রথর তপন হ'তে উদ্ভাসিত হয় ?
 সেই মত দাসী তব জেনো দিল্লীশ্বর,
 রূপে তব রূপবতী, গুণে গুণবতী ।
 আমি মাত্র ক্রীড়নক তব,
 তোমারি আদরে মোর এতই আদর ;
 পদাঘাতে ফেল ভেঙ্গে যদি,
 অনাদৃত্য রব পড়ে ধরণীর বুকে,
 কেহ নাহি চাবে ফিরে আর !

পৃথ্বী ।

প্রাণপ্রিয়ে !
 ধুবতারা তুমি মোর হৃদয়-গগনে
 সঁফা রাখি তোমা পানে,
 রাজ্যতরি অবাধে চালাই ।
 আছে কি স্বরণ প্রিয়ে,
 কনোজের সীমান্ত প্রদেশে,

ৰাঠোৱেৰ দল ঘৰে ঘেৰিল আমায়,
বাগুৱা মাঝাৰে বন্ধ শাৰ্দূলেৰ প্ৰাণ,
কাহাৰ সাহায্যে প্ৰিয়ে পেনু পৰিত্ৰাণ ?
অৰ্জুনেৰ স্মৃতি সন্মান,
কৰেছিলে তুমি মোৰ অশ্ব সঞ্চালন,
তব কৰে গেল কত ৰাঠোৱাৰ জীবন !

সংযুক্তা ।

তুলো না সে কথা প্ৰাণনাথ !
ভেবেছিলু মনে,
গুৰু প্ৰতিপদে বুঝি অভাগী কপালে
চিৰতৰে অমানিশা আসিল এবাৰ ।

পৃথিৱী ।

পিতা তব কৰেছিল ভীষণ সময়,
কি বিক্ৰমে যুঝিল ৰাঠোৱা !
বহুশ্ৰমে ষষ্ঠ দিনে লভিলু বিজয় ।
কিন্তু হায় চতুৰ্দ্দল চৌহান সেনানী,
সহস্ৰ সহস্ৰ সেনা সনে,
শায়িত ৰহিল সবে অনন্ত নিদ্রায়,
এ জীৱনে তাহাদেৱ ভুলিতে নাৱিব !

সংযুক্তা ।

প্ৰাণেশ্বৰ !
মোৰ তৰে সহ তুমি কত আত্মত্যাগ !

পৃথিৱী ।

আমি আৰ নহি ত আমাৰ প্ৰিয়তমে
আত্মা মোৰ গেছে মিশে তব আত্মা গমন ।
ৰাজি ! প্ৰিয়তমে ! সংযুক্তা আমাৰ !

সংযুক্তা ।

হৃদয়েশ ! অধিকাৰ দেছ মোৰে,
তাই আমি সুধাই তোমাৰ,

কহ মহারাজ !

রাজ্যের ত কুশল সকলি ?

পৃথ্বী ।

প্রজাগণ সবে আছয়ে কুশলে,

অন্নকষ্ট, জলকষ্ট, করের তাড়ন,

সংক্রামক ব্যাধি আদি ষত শত্রুগণ,

পুত্রাধিক প্রজাগণে না করে পীড়ন ।

কিন্তু হায় ! গুন মহারাণি !

শান্তিসুখ বুঝি নাই ললাটে তাদের !

সংযুক্তা ।

কেন ? কেন ? পুনঃ কিবা অশান্তি কারণ ?

পৃথ্বী ।

পঞ্চনদ সামন্ত নৃপতি

মোরে প্রেরেছে বারতা,

সীমান্ত প্রদেশ হ'তে যবনের দল,

দিল্লীমুখে গুটি গুটি হয় অগ্রসর ।

সংযুক্তা ।

এই ত সেদিন নির্লজ্জ যবন,

মেগে নিল পরাজয় ক্ষত্রিয় সকাশে ।

কনোজ সমর পরে ফিরিয়া দিল্লীতে,

তিলমাত্র না লয়ে বিশ্রাম,

অবশিষ্ট চত্বারিংশ সেনানির সাথে,

যুষ্টিমেয় সেনা লয়ে,

অগণ্য যবনদলে,

কেরুপাল সম দিলে খেদাইয়ে ।

নায়ক তাদের ভীকু কাপুরুষ,

দন্তে তুণ করিয়া ধারণ, মাগিল মার্জনা ।

তবে বল কি সাহসে কাপুরুষগণ

- পুনঃ আসে দিল্লী অভিযুগে ?
জানে না কি গুপ্তপত্র সম,
ফুৎকারে উড়িয়া যাবে,
ক্ষত্রতেজ ভীম প্রভঞ্নে ?
- পৃথ্বি ।
কিস্ত রাণি, কাপুরুষ ঘোরী
নিমন্ত্রিত হয়ে আসে যদি,
ক্ষত্রিয় সাহায্য যদি পায়,
তবে কি সহজ হবে যবন-বিজয় ?
- সংযুক্তা ।
অসম্ভব কথা মোর বিশ্বাস না হয় ;
কে হেন ক্ষত্রিয় আছে ভারত ভিতর,
জন্মভূমি মহারত্রে,
শ্লেচ্ছ করে তুলে দিতে ডালি,
যেই না হবে কাতর ?
- পৃথ্বি ।
রাণি ক্ষম অপরাধ !
কিস্ত গুপ্তচর মুখে পেয়েছি সংবাদ,
ক্ষত্রকুলগানি জয়চাঁদ,
আমন্ত্রণ করেছে ঘোরীরে ;
রণস্থলে কনোজ-কেতন,
মিলিবে আফ্গান সনে ।
- সংযুক্তা ।
বজ্র ! বজ্র ! কোথা বজ্র এ সময় !
শ্রবণ বধির কেন না হলো আমার ?
মহারাজ ! ধরি পায় করোনা ছলনা,
বল নাথ, সত্য এ ঘটনা ?
- পৃথ্বি ।
সত্য প্রিয়তমে !

সংযুক্তা । তবে দূর হও পিতৃভক্তি দদয় হইতে !
 ষ্টিদিন শত্রু ছিলে মোর,
 জনকের যোগ্য পূজা করিতে প্রদান,
 কভু আমি হই নি কাতর ।
 কিন্তু আর তুমি পিতা নহ মোর,
 দেশবৈরী জয়চাঁদ ক্ষত্রিয় অধম ।

পৃথ্বী । হির হও, রাণি !

সংযুক্তা । মহারাজ আমি আছি স্থির,
 কিন্তু তুমি স্থির কোন প্রাণে ?
 সৈন্য কোলাহল কেন এখনও না শুনি ?
 কই সেই হস্তির রংহতি,
 আর অশ্বপদ ধ্বনি ?
 অস্ত্রের মধুর রোল,
 কেন নাহি উঠিছে গগনে ?
 বীরগাথা চারণের দল,
 কেন নাহি সপ্তমেতে গায় ?
 উৎসাহ অভাব কেন ক্ষত্রিয় বদনে ?

পৃথ্বী । ধৈর্য্য ধর, মহারাণি !
 রেখ মনে কাপুরুষ নহে পৃথ্বরাজ ।

সংযুক্তা । মহারাজ ক্ষমা কর মোরে ।
 রাজর্ষি সমরসিংহে পাঠাতে বারতা,
 তিলান্নও না কর বিলম্ব ।
 রাজাদেশ করহ প্রচার,
 রাঠোরে করিবে বন্দী দিল্লীতে পাইলে ।

(প্রহরীর প্রবেশ)

প্রহরী । মহারাজ ! দুটী স্ত্রীলোক ও দুটী পুরুষ আপনার সহিত
সাক্ষাৎ ক'রতে অভিলাষী ।

পৃথ্বী । মূৰ্খ ! সাক্ষাতের এ সময় নয়, তাকি তুমি জান না ?

প্রহরী । জানি মহারাজ ! কিন্তু তাঁদের নিৰ্ব্বন্ধাতিশয়ো,
আমাকে সংবাদ দিতে বাধ্য হ'তে হলো । তাঁরা বলেন,
সাক্ষেতিক চিহ্ন দেখলেই মহারাজ তাঁদের সহিত সাক্ষাৎ
করবেন ।

পৃথ্বী । কে তাহারা ?

প্রহরী । দাস অবগত নয় ; তবে তাঁরা রাঠোর ।

পৃথ্বী । রাঠোর ! দেখি সাক্ষেতিক চিহ্ন দেখি ।

(প্রহরীর অঙ্গুরী প্রদান)

তাঁদের সমাদরে এখানে লয়ে এস ।

[প্রহরীর প্রস্থান ।

তব নামাক্ষিত এই অঙ্গুরী সুন্দর,
যমুনারে প্রদানেছ বলেছিলে মোরে,
যমুনা কি আইল হেথায় ?

(রাওমল, যমুনা, যোধমল ও ধাত্রীর প্রবেশ)

সংযুক্তা । যমুনে ! প্রাণময়ী ভগিনি আমার !

(আলিঙ্গন)

পৃথ্বী । কি সৌভাগ্য অর্জি মোর !

পবিত্র প্রাসাদ, তাত, তব পদদর্পণে ।

রাও । বৎস ! সুখী হনু সৌজন্তে তোমার,
বীরত্ব বিনয় হেরি,

একাধারে মিলিত তোমাতে,

নহিলে কি নৃপতি অনঙ্গপাল,

দিল্লী-সিংহাসনে বরেণ তোমায় ?

পৃথ্বী । যোধমল ! কুশল তোমার ?

যোধ । তব আশীর্ব্বাদে দেব সকলি কুশল ।

রাও । শুন পৃথ্বী ! যে কারণ মোর আগমন ।

শত্রু তুমি কনোজের,

সে কারণ শত্রু তুমি মোর ;

কিন্তু ভারতের শত্রু জেনো,

সম শত্রু তোমার আমার ।

ষতদিন দেশবৈরী সনে হবে রণ,

ততদিন মিত্র মোরা সোদর সমান,

রক্তের এ ক্ষীণ বাহু তব আজ্ঞাধীন ।

পৃথ্বী । ধন্য ! ধন্য মহারাজ !

দেখেছি বীরত্ব তব কনোজ-সমরে,

স্বয়ংস্বর সভামাঝে আহত হইয়ে,

তবু তাত করেছিলে রণ,

স্বদেশের গৌরব কারণ ।

ধন্য আমি তোমাতে লভিয়ে ।

যোধ । মহারাজ !

বাক্য নাহি জানে যোধমল,

প্রকাশিতে অস্তরের কথা ।


পৃথি়ি ।
 কিয় এই ক্ষুদ্র অসি,
 দেশবৈরাগ্যপানে সতত উগ্ৰধ।
 ধৃষ্ট তুমি ক্ষত্রকুল-উদিত তপন !
 এস দেব বিশ্রাম আগারে,
 ক্ষণপরে পরামর্শ করিব সকল ।

[পৃথিবীরাজ, রাওমল ও যোধমলের প্রস্থান ।

সংযুক্তা ।
 ধাত্রীমাতা বড় স্নেহ সংযুক্তারে তব,
 ভেবেছিলাম ভুলে বুঝি যাইলে আমায় ।
 ধাত্রী ।
 কাহারে ভুলিব ? তোরে ? সংযুক্তারে ?
 জাননা কি রুৎসে !
 তুমি এই বৃদ্ধার জীবন ।
 বর্ষ দুই না হেরিয়ে তোরে,
 ছিন্ন আমি মিশাইয়ে জীবনে মরণে ।

সংযুক্তা ।
 লো যমুনে ! কতদিন হেরি নাই তোরে,
 কতদিন গলাধরে দোহে,
 কহি নি প্রাণের কথা কুঞ্জ অন্তরালে ;
 কতদিন সরসীর কূলে বসি,
 গুনি নাই কমকণ্ঠে মধুর সঙ্গীত ;
 এবে তোরে পাইয়ে আনয়ে,
 স্বর্গ স্মৃথ হলো ধরাধামে,
 আয় বোন্ !
 প্রাণে প্রাণে যাক মিশে সংযুক্তা যমুনা ।

চতুর্থ দৃশ্য ।



ক্রিয়য়না তারা আশকে তারিনি ।

ঘোরা দিগম্বর, তীক্ষ্ণ অসিধরা, শূলীসোহাগিনি ।

লটপট ধৌশপাশ,

পসেছে কটার বাস,

জ্বালা উজ্জ্বলা, করাল বদনা, কপালমালিনি ॥

তাইথে তাইথে নৃত্য পৈ পৈ,

মহাকাল লুটিছে ঐ,

ঘোর হুকারে, কাপে থরথরে, দম্ভজ দলনি ॥

(কতিপয় নাগরিকের প্রবেশ)

চারণ । উঠহে নগরবাসি,

ধর ধনু ধর অসি,

হাসি হাসি পশ সবে সমর প্রাজ্ঞে ।

আসিছে যবনদল,

লজ্জি নদ, হিমাচল,

স্বাধীনতা-শতদলে দলিতে চরণে ॥

তাজহ নিদ্রার ঘোর,

দেখ গৃহে পশে চোর,

আর্যাদের সার রত্ন কাড়িয়া লইতে ।

বারেক হারালে যাহা,

কখন পাবেনা তাহা,

, নিজধনে চোর ভাবে হইবে থাকিতে ॥

উঠ শক্তিস্বরূপিণী,

বীরপুত্র প্রসবিনী,

ভারতের বীরাজনা পুরনারীদল ।

পতি, পুত্র, ভ্রাতাগণে, রণ-সাজে সযতনে,

সাজাও, না ফেলি চোখে বিন্দুমাত্র জল ॥

ভুলো না পড়িয়ে মোহে, কাদের শোণিত বহে,

ধমনী মাঝারে মা গো তোমা সবাকার।

সন্তানে “জুজু”র ভয়, দেখাতে জনম নয়,

জননি গো তোমাদের, ভারত মাঝার ॥

ନା-ଗଗ ।

জয় জয় মহারাণা দিল্লীশ্বর জয়.

মারিব যবনে কিম্বা মারিব নিশ্চয় ।

পঞ্চম দৃশ্য ।

রাজসভা ।

(পৃথিবীরাজ, অখিলসিংহ, ভীমচাঁদ, চন্দ্রপতি,

রাওমল ও যোধমল)

પૃથ્વી ।

মন্ত্রিবর ! কহ সমাচার.

সামন্তনূপাতকুল.

অরিতে ত আসিছে দিল্লীতে ?

ভীম ।

রাজভক্ত সামন্তের দল.

দ্বয়। তব পালিবে আদেশ ।

- পৃথ্বী । কি কহিল। মিত্র রাজগণ ?
- ভীম । মিত্র রাজগণ,
জয়চাঁদ পরামর্শ করেছে শ্রবণ ।
কহেছে সকলে,
ঘোরী যবে আক্রমিবে রাজত্ব তাদের,
অসি করে সে সময় খেদাবে তাহারে,
নহে পরের রাজত্ব নিয়া,
তাহাদের শিরঃপাড়া কিবা ?
- পৃথ্বী । স্বার্থপর ঈর্ষ্যুকের দল !
এত নীচ অন্তর তোদের ?
ভুলিলি কি একতাবন্ধন ?
বিধর্ম্মীর সনে রণ ভুলিলি কেমনে ?
যে জাতির নেতা নাক্ষে বৈষম্য এমন,
অচিরে হইবে তার অধঃপতন ।
- ভীম । শুধু মহাবীর চিতোরের রাণা —
- পৃথ্বী । জানি আমি রাজর্ষি রাণারে,
সম্পদে বিপদে তিনি সহায় আমার ।
মুঢ় আমি তেঁই হেতু,
নীচ বুদ্ধি রাজগণে,
করেছিলু আমন্ত্রণ এঘোর সমরে ।
না চাহি সাহায্য কার,
মিলিত হইলে দিল্লী চিতোর কেতন,
ঘোরী ত দূরের কথা,
ফুৎকারে উড়াতে পারি সমগ্র জগৎ ।

(দূতের প্রবেশ)

দূত । মহারাজ ! সমাগত দিল্লীর ছয়ারে
কুমার কল্যাণ সহ চিতোরের রাণা ।

পৃথ্বী । যাও মন্ত্রী ! যাও চন্দ্রপতি !
সসন্ত্রমে লয়ে এস তাঁরে ।

[ভীমচাঁদ, চন্দ্রপতি ও দূতের প্রস্থান ।

পৃথ্বী । সেনাপতি !
চিতোর সেনানিবাস হয়েছে প্রস্তুত ?

অখি । সকলি প্রস্তুত মহারাণা !

পৃথ্বী । সমাগত সৈন্যদের,
যেন কভু ক্লেশ নাহি হয় ।

(সমরসিংহ, কল্যাণসিংহ, ভীমচাঁদ ও চন্দ্রপতির প্রবেশ)

পৃথ্বী । নমস্কার মহারাণা তব পদান্বুজে !

সমর । আলিঙ্গন দেহ মোরে ভাই !

পৃথ্বী ! বড় প্রীত তব আচরণে ।

বোরী সনে বিগত সমরে,

একা তুমি লভিলে সুবশ,

অংশ দিতে মোরে ভাই হইলে কাতর ?

স্বপনেও ভাবি নাই কভু,

পুংঃ মোর মিলিবে সুযোগ,

যবনের রক্তে অসি ধৌত করিবারে ।

জয়চাঁদ নাকি মিলিছে স্নেহের সনে ?

চন্দ্র । মিলেছে কি ? জোড়াগাঁথা ত অনেক দিন হয়ে গেছে ।

এখন মুষলের উৎপত্তি হলেই দুর্ভাবনা যায় ।

সমর । ভীরু, কাপুরুষ !

বার বার হয়ে পরাজিত,
হেন নীচ প্রতিহিংসা সাধ তোর ?
দেশদ্রোহী ধন্যদ্রোহী ক্ষত্রকুলশ্রানি !
শুন পৃথ্বি ! প্রতিজ্ঞা আমার,
রণস্থলে পাই যদি নরকের কীটে,
একবার দেখা পেলে তার,
‘পদাঘাতে চূর্ণিব মস্তক ;
সে যদি এবার,

প্রাণ লয়ে পলাইতে পারে.

হস্ত পদ পোড়াব অনলে,

অসি কড় না ধরিব আর ।

সকলে । জয় জয় চিতোরের রাণা !

পৃথ্বি । কুমার কল্যাণ !

বীরহের খ্যাতি তব শুনেছি শ্রবণে.

দেখিবার অবসর হয় নাই কড় ।

আশা মোর যবন-সমরে,

খ্যাতি তব বাড়িবে দ্বিগুণ ।

কল্যাণ । মহারাজ !

পিতা যার চিতোরের রাণা.

পৃথ্বিরাজ মাতুল বাহার,

বীরোচিত ব্যবহারে গোরব কি তার ?

আশীর্বাদ কর দাসে,
 পারি যেন সংরক্ষিতে বংশের সম্মান ।
 সকলে । জয় জয় কুমার কল্যাণ !
 পৃথ্বি । নীরব অসির ভার বহিতে না পেরে,
 কল্যাণ এসেছে সাথে যবন সমরে ।
 চিতোর রক্ষার ভার কে নিয়েছে রাণা ?
 সমর । বীরবাল। কৰ্ম্মদেবী লইয়ে সে ভার,
 কল্যাণে পাঠায়ে দেছে সম্মুখ সমরে !
 সকলে । জয় জয় বীরবাল। হিন্দুর গৌরব !

(প্রহরীর প্রবেশ ।)

প্রহরী । মহারাজ ! কনোজের সেনানী জনেক,
 মাগিছে দর্শন তব ।
 পৃথ্বি । কনোজ-সেনানী ! ভাল লয়ে এস তারে ।

(প্রহরীর প্রস্থান ও সূর্য্যসিংহের প্রবেশ ।)

রায় । এ কে ? সূর্য্যসিংহ !
 চন্দ্র । একি বাবা ! ব্যাপার কিছু খোরাল রকম দাঁড়াচ্ছে যে !
 পৃথ্বি । স্বাগত প্রাসাদে মোর হে ধীমান !
 সূর্য্য । মহারাজ, আমি চিরশত্রু তব,
 বার বার তব সনে করেছি সমর ।
 কিন্তু বহিঃশত্রু সনে হইলে কলহ,
 গৃহশত্রু মিত্র হয়ে যায় ।
 সেই হেতু এসেছি ছুটিয়ে,
 ক্ষুদ্র অসি তব পদে দিতে উপহার ।

পৃথ্বী । সাধু বীর ! সাধু সেনাপতি !
দেখুক যবন,
হিন্দুদের একতা কেমন !

(প্রহরীর প্রবেশ ।)

প্রহরী । যবন-দূত বহির্দ্বারে অপেক্ষা ক'রচে, মহারাজের
দর্শনপ্রার্থী ।

পৃথ্বী । লয়ে এস তারে ।

(প্রহরীর প্রস্থান ও যবন-দূত সহ পুনঃ প্রবেশ ।)

য-দূ । মহারাজ ! ভারত বিজয় আশে,
প্রভু মোর উপনীত সিন্ধুদ পারে ।

পৃথ্বী । ভারত বিজয় সাধ মেটেনি কি তার ?
সে দিন যবন,
দস্তে তৃণ করিয়ে ধারণ,
প্রাণ ভিক্ষা মোর পাশে মাগিল যখন,
বলেছিল বার বার,
হিন্দুতানে ধোরী কভু আর না আসিবে,
এত শীঘ্র সে প্রতিজ্ঞা ভুলিল কেমনে ?

সূর্য্য । যবনের প্রতিজ্ঞার পাশ,
উপহাস ! উপহাস !

য-দূত । সুলতান আদেশ আমি জানাই রাজনে !
না থাকে বাসনা যদি,
হারাইতে দিল্লী সিংহাসন,
অর্দ্ধ রাজ্য ছেড়ে দাও তাঁরে ।

- ভীষ্ম । সাবধান, যবনের দূত !
- অশ্বি । দূত তুমি, অবধা মোদের,
নহে খণ্ড খণ্ড করি ও পাপ রসনা,
ফেলিতাম জলন্ত অনলে ।
- পৃথ্বি । ক'য়ো দূত প্রভুরে ঐতামার,
অংশুমালী যদি আকাশের পটে,
অন্ত এক তপনেরে পারে দিতে স্থান,
তব পৃথ্বিরাজ সূচ্যগ্র প্রমাণ ভূমি
দানিবে না যবন রাজারে ।
- সকলে । জয় জয় পৃথ্বিরাজ বীরহ আধার !
- সমর । প্রভু তব একবার,
দেখে গেছে ক্ষত্রিয়ের অসির ঝলক,
শুনে গেছে ক্ষত্রিয়ের কোদণ্ড-টঙ্কার,
কহিও তাহার,
প্রাণ ভিক্ষা না পাবে এবার,
পরাজয় বার্তা দিতে সুদূর ভবনে,
না ফিরিবে একটী যবন ।
- য-দূত । শুন মানা দিল্লীধর !
চতুর্গুণ সৈন্ত ঘোরী এনেছে এবার ।
- যোধ । কাহারে দেখাও ডর যবনের দূত ?
সিংহশিশু মাতৃকোড় হ'তে,
লক্ষ দেয় মাতঙ্গের শিরে !
মরুমারে পর্বত কন্দরে,
ভীষণ স্বাপদগণে দলিয়ে চরণে,

ক্ষত্রশিশু করে শিশুখেলা !
 ক্ষত্রমাতা জনভূমি তরে ;
 প্রাণসম আপন সন্তানে,
 হাসিমুখে দেয় তুলে শমনের করে !
 তীক্ষ্ণধার তরুণার কিরীট বল্লম,
 শিশুদের ক্ষুদ্র ক্রীড়নক,
 ভয় কথা ক্ষত্র নাহি জানে !

কল্যাণ ।

মৃগযুগে মথিবার কালে,
 মৃগেন্দ্র কি ভাবে কভু সংখ্যা তাহাদের ?
 ফেরুপালে নাহি মানে ছরন্তু শাদ্দুল ।

য-দূত ।

তবে শুন মহারাজ !
 রণস্থলে পাইবে দেখিতে,
 আফগানের সনে কনোজ কেতন ।

রায় ।

ধিক্ জয়চাঁদ ! শতধিক তোরে !
 দ্বিধা হও মাত বসুন্ধরে !
 গ্রাস সেই দেশদ্রোহী ছুরাঘ্না রাঠোরে !

পৃথ্বী ।

ক'য়ো দূত ঋগুরে আমার,
 রণস্থলে অসি করে জামাতা তাঁহার,
 ভক্তি ভরে যোগ্যপূজা প্রদানিবে তাঁয় ।

[যবন দূতের প্রস্থান ।

মন্ত্রী ! সীমান্তের সামন্ত রাজেরে,
 এই দণ্ডে পাঠাও আদেশ,
 পদমাত্র ঘোরী যেন আগু না বাড়ায় ।

[মন্ত্রী প্রস্থান ।

সেনাপতি ! প্রথম বাহিনী সনে,
এই দণ্ডে তুমি হও অগ্রসর,
দশদ্বতী তীরে ফেলিও শিবির ।

[অখিল সিংহের প্রস্থান ।

কুমার কল্যাণ !
দ্বিতীয় বাহিনী তব ভার ;
মহারাজা চালিবেন চিতোর সেনারে,
সামন্ত সেনার নেতা, রাজা রায়মল ।
চন্দ্র । মহারাজ ! এ অধীন শুধু ফুট রয়ে গেল !
পৃথ্বি । তৃতীয় বাহিনী রবে আমার অধীন,
পাশ্চর তুমি বন্ধু মোর !
অন্য এক গুরুকার্য্য ভার,
দানিব তোমায়,
কব তাহা অতঃপর ।
তব করে সূর্য্যসিংহ, চতুর্থ বাহিনী,
পুরী-রক্ষা-ভার
যোধমল, দিলাম তোমায় ।
যোধ । মহারাজ ! কোন্ দোষে দোষী দাস পদে !
একদিন পুরস্কার দেবে বর্শেছিলে,
তাই আসিয়াছি লভে পুরস্কার ;
ভিক্ষা মাগি ধরিয়ে চরণ,
আদেশ করহ দাসে ঘাইতে সমরে ।
পৃথ্বি । যোধমল ! বৃদ্ধা মাতা তব,

তুমি একমাত্র পুত্র তাঁর ;
 কৈহ আর নাহি এ সংসারে,
 এ বৃদ্ধ বয়সে তাঁরে করিতে পালন,
 কোন্ প্রাণে আমি তোমা পাঠাব সমরে ?
 আমার(ই) স্থাপিত নীতি লঙ্ঘিব কেমনে ?
 যোধ ! মাতা মোর মহারাজ !

ক্ষত্রিয় কুমারী, ক্ষত্রিয় জননী,
 কবে কোন্ ক্ষত্রিয় রমণী,
 রণে যেতে পুত্রে করে মানা ?
 কবে কোন বীরবাল।
 সন্তানেরে গৃহকোণে লুকাইয়ে রাখে ?
 পুত্রি । জানি যোধমল ! হাসিমুখে বীরবাল।,
 পাঠাতে সম্মুখ রণে,
 বীর সাজ পরায় সন্তানে ;
 কিন্তু রাজা আমি,
 অবিচার করিতে না পারি।

যোধ । মহারাজ ! বীর তুমি বিখ্যাত ডুবনে ;
 অসি করে তব সনে পশিতে সমরে,
 চিরদিন বড় সাধ মনে,
 মম ভাগ্যে কভু তার না হলো স্মরণ !
 ভাবিলাম মনে
 তবাধীনে, তোমার নয়ন পথে,
 পারি যদি যুক্তিতে যবন সনে,
 হৃদয়ের ভার মোর কতক হুচিবে ।

কিন্তু হায় ! মম ভাগ্যে বিধি বিড়ম্বনা,
 না পূরিল কোন আশা মোর !
 মহারাজ ! ধরি শ্রীচরণ,
 দেহ আজ্ঞা যবনে মথিতে ।
 ক্ষমা কর যোধমল !
 রক্ষা মাতা জীবিতা তোমার ।

পৃথ্বী ।

(বেগে ধাত্রীর প্রবেশ ।)

ধাত্রী ।

রক্ষা মাতা এখনও জীবিতা,
 রণে যেতে তাই পুত্রে করিছ বারণ ?
 কাপুরুষ অলস সন্তান,
 কবে কার সাধ মহারাজ ?

পৃথ্বী ।

জানি মাতঃ !
 রমণীর বীরপুত্র সাধ,
 কিন্তু মোর বিবেকে আবদ্ধ হস্ত পদ,
 অবিচার করিব কেমনে ?

ধাত্রী ।

ভাল হয় হোক তব মহারাজ !
 বৎস যোধমল !
 ভাবিও না মনে, কামনা পূরিবে তব ।
 করি আশীর্বাদ,
 বীর ধর্ম্য পালিও যতনে ।

(যোধমলের মুখ চুস্বন ও মণ্ডকাঘ্রাণ)

সাক্ষী মোর দেব দিগম্বর !

পাপ মম না করো গ্রহণ,
বৌরনারী পুত্রে কভু না ঢাকে অঞ্চলে ।

[বক্ষে ছুরিকাঘাত]

যোধ ।

মা ! মা !

ধাত্রী ।

যাও বৎস !

স্বচ্ছন্দে চলিয়া যাও ধরণীর বুকে,
কেহ না রোধিবে আর যাইতে সমরে ।
পার্শ্বিক জননী তব গেলা স্বর্গপুরে,
জন্মভূমি জননী রহিল তোরা ।

[মৃত্যু ।



চতুর্থ অঙ্ক ।

প্রথম দৃশ্য ।

আশাপূর্ণা দেবীর মন্দির ।

চারণ, সংযুক্তা, যমুনা, পৃথ্বরাজ, সমরসিংহ, রায়মল,
সূর্য্যসিংহ, কল্যাণসিংহ ও অন্যান্য নৈন্য়গণ ।

সংযুক্তা ।

ভগবন্ !

পূজিয়াছি ভক্তিভরে দেবীর চরণ ।

এবে দেব আশীর্বাদ করহ রাণারে,

আর যত সমাগত ক্ষত্রিয় বীরেরে,

হয় যেন সমরে বিজয় ।

চারণ ।

বৎসে !

ধর এই মাতৃপদ প্রসাদী সিন্দুর ।

ক্ষত্র ঘোষ ভালে,

স্বহস্তে পরায়ে দাও বিজয় তিলক ।

মহারাণা ! ধর এই মন্ত্রপূত অসি,

রঞ্জিত করিও বীর যবন শোণিতে ।

[পৃথ্বরাজকে তরবারি প্রদান ।

সংযুক্তা ।

বীরগণ ! কর সবে,

বিজয়সিন্দুরটীকা ললাটে ধারণ ।

[সকলকে সিন্দুরবিন্দু প্রদান ।

যাও বীরগণ !

মেচ্ছ বক্ষোপরে সচ্ছন্দে চলিয়া যাও.

সদয়া অভয়া তব প্রতি ।

দেবতা গন্ধর্ব্ব সনে যুক্তিতে সমরে,

ক্ষত্রিয় না ডরে.

তবে কি ছার মানব ?

রণাঙ্গনে ক্ষত্রবীৰ্য্য দেখাও সকলে,

কুশাঘাতে দাও দূর করে,

যেন আর তাহাদের পদস্পর্শে,

কলঙ্কিত নাহি হয় সোনার ভারত ।

সকলে ।

জয় জয় দিল্লীশ্বরী মহারানী জয় !

সংযুক্তা ।

ভ্রাতৃপ্রেমে বন্ধ হও চোহান রাঠোর !

বাধ সবে একতা বন্ধনে,

যাও ভুলে বৈরীভাব ক্ষণেকের তরে,

যবনে পাঠায়ে দিয়ে শতদ্রুর পারে,

গৃহরণ করিও তখন ।

সকলে ।

জয় জয় দিল্লীশ্বরী মহারানী জয় !

সংযুক্তা ।

রেখ মনে, রণাঙ্গনে

পুরনারী অঁাখি সব ধাইবে পশ্চাতে ।

বীরধন্য করিয়ে পালন,

ফুল্ল মনে গৃহে সবে দিগিরবে যখন,

সাদর বচন আর প্রেম আলিঙ্গন,

দূর করে দেবে যত ক্রান্তি সমরের !

সকলে ।

জয় জয় দিল্লীশ্বরী মহারানী জয় !

সংযুক্তা ।

ছিলে সবে সুবৃন্ত শান্তির কোলে,
 অশান্তি আনিল এবে যবন তক্ষর !
 স্বাধীনতা সূত্রে মগ্ন সব হিন্দুগণ,
 যবন পরাতে চায় লৌহের শৃঙ্খল !
 সবাংকার ধন রত্ন স্তম্ভরী যুবতী,
 কোন্ প্রাণে স্নেহ করে তুলে দিবে ডালি ?

সকলে ।

তার চেয়ে মরণ মঙ্গল !

সংযুক্তা ।

সত্য কথা, তার চেয়ে মরণ মঙ্গল ।
 জন্মিলে মরিবে, অমর কে ভবে ?
 প্রার্থনীয় ক্ষত্রিয়ের বীরের মরণ ।
 রণে করি পৃষ্ঠ প্রদর্শন,
 কলঙ্ক কালিমা রাশি মাখিয়া বদনে,
 ভীকৃতায় করিয়া সম্মল,
 ধরণীর এক কোণে ঘৃণিত জীবন,
 সে কি বেচে থাকে ?
 শ্রেয়ঃ কি তাহার চেয়ে নহেক মরণ ?

সকলে ।

মোরা সবে মরিব বা জিনিব যবন ।

সংযুক্তা ।

যাও বীরগণ !
 উদ্ধাপাত সম পড় যবন উপর,
 আশাপূর্ণা দেবীর চরণ,
 করো রাঙ্গা যবন শোণিতে ।

সকলে ।

জয় জয় দিল্লীশ্বরী মহারানী জয় !

দ্বিতীয় দৃশ্য ।

শিবির ।

মহাম্মদ ঘোরী, বক্তিয়ার খিলিজি, কুতবউদ্দিন
ও আলিজান ।

ঘোরী । বক্তিয়ার !

দিল্লী হতে দূত মোর এসেছে কি ফিরে ?

বক্তিয়ার । এসেছে ফিরিয়ে ।

ঘোরী । কি কহিল পৃথ্বরাজ ?

আলি । কি আর কইবে খোদাবন্দ ! সেত আর আটাশে
ছেলে নয়, যে ধমকানিতে ঘেবড়ে যাবে ।

কুতব । অকথা ভাষায় গালি প্রদানি মোদের,

কয়েছে দূতেরে,

“যুদ্ধ সাধ এত যদি.

ঘোরী যেন হয় অগ্রসর ;

বিনাযুদ্ধে সূচ্যগ্রপ্রমাণস্থান,

না পাবে যবন ।”

ঘোরী । বেতমিজ ! কপট কাকের !

দর্প তব চূর্ণিব এবার,

শিক্ষা তোরে দিব বিধিমতে ।

আলি । হজুর আমি বলছিলুম কি, খাইবার গিরিপথের একটু
ওদিকে, এই পশ্চিমে গিয়ে, সেইখান থেকে কাফের গুলোকে
শিক্ষা দিলে হয় না ?

ঘোরী । চূপ কর কাপুরুষ !
রহস্তের নহে এ সময় ।
চিরদিন সাধ মোর,
স্থাপিতে যবন রাজ্য ভারত মাঝারে,
হবে না কি পূর্ণ মনোরথ ।

আলি । ওহোঃ আল্লা ! কাফের দের তলোয়ার গুলো ভোতা
করে দেনা বাবা !

বক্ত্রিয়ার । সুলতান !
মনোরথ তব অবশ্য পূরিবে ।
সুশিক্ষিত তাতারী আফগান,
দুই লক্ষ যবনের যোধ,
এবে অমুচর তব,
মৃত্যুভয় না জানে তাহারা ।

আলি । হজুর বেয়াদফি মাপ হয়, কিন্তু গত বারের কোন
সৈন্যকে না এনে বড়ই ভাল কাজ করেছেন । সে বারে
তারা কাফেরের তলোয়ারের বহর দেখে গেছে । তারা ত
এঙতোই না, উণ্টে আমার তাতারী মিঞাদেরও এঙতে
দিত না ।

কুতব । আমার বিশ্বাস,
যুদ্ধে মোরা জিনিব এবার ।
একতা অভাব হেরি হিন্দুর ভিতর,

ঘোর শত্রু রাঠোর চৌহান,

জয়চাঁদ প্রতিশ্রুত সাহায্য করিতে ।

(প্রহরীর প্রবেশ)

প্রহরী । জাঁহাপনা ! একজন কাকের বহির্দেশে আনন্দ
করছে, এবং বিশ্বাসের চিহ্ন সম এই সাক্ষেতিক অঙ্গুরী প্রেরণ
করেছে ।

ঘোরী । লয়ে এস তারে ।

(প্রহরীর প্রস্থান ।

হালি । মেহেরবান্ ! বান্দার গোস্তাফি মাপ হয়, কিন্তু
খুন্দের স্থান থেকে অধীনকে দশবিশ ক্রোশ পশ্চিমে থাকতে
আদেশ দিন । নূতন সৈন্তেরা ত পথ ঘাট ভাল জানে না,
আর ফেরবার সময় একটু বেশীরকম তাড়াতাড়ি ত হবেই,
তা আমি এগিয়ে সকলকে পথ দেখিয়ে নিয়ে যাব ।

(সূর্যাসিংহের প্রবেশ)

ঘোরী । এস, এস সেনাপতি !

আশা করি কুশল সকলি ।

সূর্য্য । সকলি কুশল জাঁহাপনা ।

ঘোরী । ভাল আছে রাজা জয়চাঁদ ?

কহ ত্বরা বীরবর সকল বারতা,

কত সৈন্ত পৃথিবীরাজ আনিবে আহবে ?

সূর্য্য । অশীতি সহস্র সৈন্ত,

ভেটিতে আসিছে তোমা দৃশদ্বতী তীরে ।

- ঘোড়ী । হুইলক্ষ সৈন্ত মোর ভাবনা কি আছে ।
 সূর্য্য । ধীরে—ধীরে জাঁহাপনা !
 দশলক্ষে নারিবে রোধিতে ক্ষত্রবেগ ।
 ত্রুদ্ধ হইওনা প্রভু !
 অবিদিত ক্ষত্র তেজ নাহি তব পাশে ।
 কনোজ সমর পরে একা পৃথ্বরাজ,
 তিলমাত্র না লয়ে বিশ্রাম,
 গত রণে বারিল তোমায় ।
 কিন্তু এবে আর একা নহে দিল্লীর দৈশ্বর,
 বীরেন্দ্র সমরসিংহ সহকারি তাঁর,
 বায়ু বহি যেন সম্মিলিত পরস্পর ।
 ঘোড়ী । আমিও মিলিত রাজ্য জয়চাঁদ সনে,
 মহাবীর সূর্য্যসিংহ সহকারি মোর ।
 সূর্য্য । আমাদের সাধ্য যাহা করেছি সাধন ;
 জয়চাঁদ পরামর্শে মিত্ররাজগণ,
 অবহেলা করিয়াছে দিল্লীর আশ্রয় ।
 আহাৰ্য্য পানীয় মোরা,
 দানিতেছি যখন সৈন্তেরে ;
 নিজে আমি সেনাপতি চৌহান সৈন্তের,
 তৃতীয় বাহিনী ভার সূর্য্যসিংহ করে ।
 ঘোড়ী । কত সুখী সাহেবউদ্দিন আজ,
 কি কব তোমাকে বীরবর !
 কৃতজ্ঞতা এবে নির্দ্বাক আমার,
 যুদ্ধজয়ে পারিবে জানিতে ।

দুর্গা ।

প্রভু মোর কনোজ-ঈশ্বর,
পুঙ্খ তোমা ক'য়েছেন করিতে গরণ,
বুদ্ধশেষে দিল্লীর আসনে,
শোভা পাবে কনোজ-কেতন !

দোরী ।

সিংহাসন-আশে আসেনি যবন !
প্রতিহিংসা করিতে সাধন,
করিবারে ভারত লুণ্ঠন,

মিত্র রাজ জয়চাঁদে
বরিবারে দিল্লী-সিংহাসনে,
আসিয়াছে সাহেব উদ্দিন ;

কতবার বলিব একথা ?
কিরূপে বিশ্বাস বল হইবে তাঁহার ?

দুর্গা ।

হিন্দুরা বিশ্বাস করে মুখের বচনে ;
হিমালয় টলে,

কক্ষুচাত হয় গ্রহতারি,
কিস্ত ক্ষত্র কভু প্রতিজ্ঞা না ভুলে ।

তব বাক্যোপরি মোরা করি নু বিশ্বাস !

দোরী ।

ধন্য আমি, আলিঙ্গন দেহ মোরে ভাই !

দুর্গা ।

তবে শুন নিগূঢ় বচন,
ধর্ম্ম যুদ্ধ যদি চাও,
জয়াশা বিদাও দাও,
নারিবে জিনিতে কভু সম্মুখ সমরে ।

দোরী

বন্ধুবর !
একান্ত আশ্রিত দোরী জানিহ তোমারি,

বাক্য তব পালিব নিশ্চয় ।

(নেপথ্যে কোলাহল)

কিসের এ ঘোর কোলাহল ?

বক্তার ! করহ সন্ধান ।

[বক্তারের প্রস্থান ।

বল সেনাপতি, অভিমত তব ।

(সূর্য্যসিংহের ঘোরীর সহিত চুপি চুপি কণোপকথন)

(বক্তারের প্রবেশ ।)

বক্তি । শিবির সকাশে ওই রক্ষের উপর,
আরোহিয়া কাকের জনেক,
পুলি দিয়া প্রহরী-নয়নে,
তীক্ষ্ণ অঙ্গে ছিন্ন করি শিবিরপ্রাকার,
আমাদের পরামর্শ শুনেছে গোপনে,
গুপ্তচর বলি মোর হয় অনুমান ।

ঘোরী । এখনও জীবিত আছে কাকেরের চর ?

বক্তি । বন্দীকৃত হ'য়েছে পামর ।

ঘোরী । ল'য়ে এস আমার সকাশে ।

(বক্তারের প্রস্থান এবং শৃঙ্খলাবদ্ধ প্রহরীবেষ্টিত

যোধমলসহ পুনঃ প্রবেশ ।)

সূর্য্য । এ কে ? যোধমল !

যোধ । দ্বিগিত তস্কর ! বিশ্বাসঘাতক !

ক্ষত্রকূলে দিয়ে কালি,

কোন্ প্রাণে এসেছিস,

শ্লেচ্ছপদ করিতে লেহন ?
কি বলিব শৃঙ্খলে আবদ্ধ হস্ত পদ,
নহে পদাঘাতে—

(প্রহরীদের যোধমলকে ধারণ)

সূর্য্য !

সাবধান, যোধমল !

যোধ ।

কি ভয় দেখাও মোরে ক্ষত্রকুলাধম ?

মরণ ! সে ত তুচ্ছ কথা ।

তবে খেদ বটে রহিল জীবনে,

অসি করে সমর-প্রাঙ্গণে,

সহস্র যবন শিরপাড়ি ভূমিতলে,

স্নাত হয়ে প্রধূমিত যবন-শোণিতে,

হইল না মরণ আমার !

সাবধান মোরে আর হবেনা করিতে !

তুমি নিজে সাবধান !

বিশ্বপতি শোগনিদ্রাবশে,

আজিওত নহেন নিদ্রিত ।

দোরী !

সেনাপতি ! জান এই চরিত্ত কাফেরে ?

সূর্য্য ।

জনৈক রাঠোর,

পৃথ্বিরাজ পাশ্চর এ ঘোর সমরে ।

আজ্ঞা দিন বধিতে পামরে,

নহে যদি কোনও নতে করি পলায়ন,

পৃথ্বিরাজে জানায় বারতা,

সকলনাশ হইবে সাধিত,

না ফিরিবে দেশে আর একটী যবন !

ঘোরী ।

এখনি বধিব ছুরাচারে ।

(উভয়ের গোপনে কথোপকথন)

সূর্য্য ।

তবে আসি জাঁহাপনা !

ঘোরী ।

এস বীর, তবোপরি নিউঁর সকলি ।

(সূর্য্যসিংহ প্রহানোদ্ধত)

যোধ ।

সূর্য্যসিংহ ! সূর্য্যসিংহ !

নত জানু জোড়করে যাচে যোধমগ্ন,

তুষ্ট হও শোণিতে আমার,

জন্মভূমি-মহারত্নে

শ্লেচ্ছ করে দিওনা তুলিয়ে ।

[সূর্য্যসিংহের প্রহান ।

ভরু শুনিলি না !

কাপুরুষ ! বিশ্বাসঘাতক !

নরকেও নাহি স্থান তোর ।

হায় হায় ! বড় খেদ রহিল জীবনে,

দিল্লীশ্বরে এ সংবাদ নারিনু জানাতে ।

পঞ্চদশসহস্র সৈনিকভার

পাপিষ্ঠের করে ।

বজ্র ! কোথা বজ্র এ সময় !

পড় তুমি সূর্য্যসিংহ-শিরে,

বসুকরে ! গ্রাস কর বিশ্বাসঘাতকে,

যেন কালি দিতে ক্ষত্রকূলে,

সে পাপিষ্ঠ না ফেরে দিল্লীতে !

মোরী ।

রাখ এবে বন্দী করি এই গুপ্তচরে,
সুতর্ক প্রহরী খেন রহে নিশিদিন ।

[যোধমলকে লইয়া প্রহরিগণের প্রস্থান ।
পৃথ্বিরাজ পাশ্চর এই যোধমল,
কি জানি কি ঘটবে সমরে !
হত্যা করা এরে এবে উচিত না হয়,
হতে পারে এর দ্বারা বন্দি-বিনিময় ।

[প্রস্থান ।

আলি ।

ইয়ে আল্লা !

তৃতীয় দৃশ্য ।



কঙ্ক ।

যমুনা ।

যমুনা ।

কেন আজি প্রাণ মোর হতেছে চঞ্চল ?
যেন কিছু ভাল নাহি লাগে,
কি জানি কি যেন মনে হয় !
চুষকের আকর্ষণ, লৌহ যথা
কোন মতে নাহি পারে হেলা করিবারে,
সেই মত শত চেষ্টা ব্যর্থ হ'ল মোর,
প্রাণ মোর নারিছু কিরাতে !

সাধ হয়, দিবস রজনী
 শুনি বীরদ-কাহিনী তাঁর ;
 সাধ হয়, তৃষিত চাতকীসম
 রূপস্বধা তাঁর করিবারে পান ;
 সাধ হয়, লতা হয়ে বেড়িতে তাঁহায় ।
 সংযুক্তা যখন কহিল আমায়,
 রণসাজে সাজাতে তাঁহায়,
 প্রমাদ গণিল মনে !
 কাঁপিল নয়ন, কাঁপিল চরণ,
 হুরুহুরু কাঁপিল সদয় মোর !
 কিহু যবে কম্পাদিত কর মোর
 অঙ্গস্পর্শ করিল তাঁহার,
 অবশ হইল তনু মোর !
 কোন মতে রণসাজ করি সমাপন,
 মেহপূর্ণ স্তম্ভিত কটাক্ষে,
 ধীরে ধীরে কহিল যখন,
 “রাজপুত্রি ! আসি তবে,
 বাচি যদি, দেখা হবে পুনঃ ;”
 মনে হ’ল কহি তাঁরে তুটী করে ধরি,
 “যোধমল ! যমুনার প্রাণেশ্বর তুমি ।”
 কিহু হায় সরমে বাধিল,
 মনোসাধ মনেতে মিলা’ল,
 বলি বলি, বলা ত হলো না ।
 যাগো ! আশাপূর্ণে !

আশা মোর পূর্ণ যেন হয়,
 নিরাপদে যেন তিনি আসেন আসয় !
 যাই, দেখি সংযুক্তা কোথায় ?

[প্রত্যন ।

(পৃথ্বরাজ ও সংযুক্তার প্রবেশ ।)

পৃথ্বী । প্রিয়তমে ! প্রাণময়ি ! সংযুক্তা আমার !
 রণবেশে এবে তুমি পৃথ্বীরে সাজাও ।
 দলিয়ে যবনগণে ফিরিয়ে ভবনে,
 আবার সোহাগ ভরে চুম্বিব বদন ।
 সেনানী অখিলসিংহ, কুমার কল্যাণ,
 মহাবীর রাওমল, পিতৃবা তোমার,
 বীরেন্দ্র সমরসিংহ, সূর্য্যসিংহ বীর,
 সবাই গিয়াছে রণে বাকি পৃথ্বরাজ ।

সংযুক্তা । পাণ্ডুর যোধমল, আর চন্দ্রপতি,
 তোমারে ফেলিয়ে কেন হলো অগম্য ?

পৃথ্বী । গুপ্তচর সম দুই জনে,
 পাঠায়েছি যবন-শিবিরে ।
 ভাবিতেছি মনে, কেন না কিরিল এবে ?
 কোন্ কোন্ ভাগ্যবান বীরে,
 নিজ করে দিল্লীশ্বরী
 পরাইয়া দিল বীরসাজ ?

সংযুক্তা । কুমার কল্যাণ, আর সূর্য্যসিংহ বীরে,
 নিজ করে সাজায়ে দিয়েছি ।

একদিন সূর্যাসিংহে
 করেছিহু বড় তিরদ্বার ;
 কিন্তু আজ হেরি তার বীরের আচার,
 হ'ল মনে বড় অনুতাপ,
 তাই সযতনে সাজায়ে তাহারে,
 আজি পাঠানু সমরে ।

পৃথ্বী । পঞ্চদশসহস্র সৈন্যের নেতা ক'রেছি তাহার,
 আদেশ দিয়েছি তারে,
 না ভেটিতে সম্মুখ সমরে ।
 হলে প্রয়োজন,
 যেমন করিব তুর্য়ানাদ,
 উদ্ধাপাত সম পড়িবে যবন দলে ।
 বিলম্ব করো না প্রিয়তমে,
 ত্বর মোরে রণসাজ দাও পরাইয়ে ।

(সংযুক্তা পৃথ্বীরাজকে সাজ পরাইতে নিযুক্ত হ'ল ।)

কতদিনে তোরে প্রিয়ে হেরিব আবার ?
 সংযুক্তা । কতদিনে কিবা ?
 ভেবেছ কি একা যাবে চলি,
 ফেলি মোরে দিল্লীর প্রাসাদে ?
 কতদিন ব'লেছি তোমায়,
 রণস্থলে সাথে যাব নাথ ।

পৃথ্বী । অসম্ভব-অসম্ভব, রাণি !

সংযুক্তা । কেন অসম্ভব ?
 বিপদ লইয়া শিরে তুমি যাবে চলে,

- হেথা আমি অন্ধকূপ মাঝে,
 নিরাপদে রব বসি তব পথ চেয়ে ?
 প্রতি পল যুগ সম হবে বোধ মোর ।
 না না প্রিয়তমে !
 তোমারে লইয়া সাথে,
 বিপদ উপর কিলো ডাকিব বিপদ ?
 সংযুক্তা ।
 বিপদ তোমার নাথ, আমারে লইয়ে ?
 কনোজ-সমরে দেব সংযুক্তারে ল'য়ে,
 বিপদ কি বেড়েছিল তব ?
 শিবিরে রহিব আমি,
 ভাবনা কি তব ?
 কিন্তু যদি যবন-সমরে,
 দিল্লীশ্বর হয়েন অক্ষম
 রক্ষিবারে বনিতা আপন,
 ভাবিতে উচিত তার,
 আত্মরক্ষা জানে ক্ষত্রনারী !
 গুণ্ঠি ।
 অপরাধ ক্ষম বীরাক্ষনা !
 স্বরিত প্রস্তুত হও ;
 যাই আমি সৈন্তগণে করি সম্বন্ধনা ।

চতুর্থ দৃশ্য ।

 নদীতীর ।

যোধমল ও প্রহরীদ্বয় ।

১ম-প্র। বলি আজ ব্যাপার কি হে? এখনও আসছে না কেন?

২য়-প্র। আমিও তাই ভাবছি, এত দেরি হ'য়ে গেল।

১ম-প্র। (যোধমলের প্রতি) ওহে তোমার দোস্তু এখনও আসছে না কেন?

যোধ। আমার দোস্তু কি রকম? রোজ তোমাদের বড় বড় মাছ খেতে দেয়, নানারকম জিনিস ভেট দিয়ে যায়, আর হ'ল আমার দোস্তু?

২য়-প্র। আহা! তোমার জাত ভাই ত?

যোধ। জাত ভাই হ'ক, আর বাই হ'ক, আমি ফিরুপে খবর জা'নব বল? সমস্ত দিনরাত ত হাতে পায়ে শিকল বেধে একটা ঘরে ফেলে রেখে দাও, শুধু একবার খাবার সময় নদীর ধারে এনে বাধনটা খুলে দাও বই ত নয়!

১ম-প্র। তাই কি হ'তো না কি? তবে তুমি নেহাৎ গৌ ধরলে। তিন দিন তিনরাত জল'পর্শ ক'রলে না, কাজেই নদীর ধারে রেঁধে খাবার হকুম হ'লো।

১ম-প্র। তোমার রান্নার কত বাকি ?

মোদ। এই হ'য়ে এল।

১ম-প্র। ওরে দেখ্ দেখ্—ওই আসছে, ওই আসছে।

(নৌকার উপর ধীরবেশে চন্দ্রপতির প্রবেশ ।)

১ম-প্র। আরে মিঞা, এস এস! আমরা সব ভেবে সারা হ'চ্ছিলুম, ভাবলুম আজ বুঝি আর এলে না।

চন্দ্র। সে কি মিঞা! আসবো না কি? তোমাদের কাছে আমার মনপ্রাণ জীবনযৌবন সমস্তই পড়ে র'য়েছে আর আমি আসব না। এও কি একটা কথা হ'লো?

১ম-প্র। আজ এত দেরী হ'লো যে?

চন্দ্র। ভাবলুম আজ হজুরদের জন্তে ছ'একটা মিষ্টান্ন আর কিছু ভাল রকম সরবৎ তৈয়ারি ক'রে নিয়ে যাই। সেই জন্তেই একটু দেরী হ'য়ে গেল।

১ম-প্র। এঁ্যা, সরবৎ! সরবৎ!

চন্দ্র। হঁ্যা, খুব ভাল সরবৎ। এই মাছটা আগে রাখুন।

(মৎস্য প্রদান)।

১ম-প্র। কেঁয়া বড়িয়া মছলি। কেয়া তোফা!

চন্দ্র। তোমাদের বন্দী কেমন আছে?

১ম-প্র। ওই ব'সে র'াধছে, আর ক'রবে কি?

চন্দ্র। হঁ্যা, ওই এক হতভাগা লোক। কোথায় তাঁবুর ভেতর বসে চব্বাচোষ্য নানাবিধ জিনিষ খাবে, তা নয় হাত পুড়িয়ে পোড়া রুটি খাওয়া! ও কি পাগল নাকি? আর কপালে না থাকলেই বা খাবে কোথা থেকে বল না?

১ম-প্র। আরে ওটা বে-আক্কেল ! বে-আক্কেল !

১ম-প্র। তা হ্যাঁ মিঞা, তোমাদের রাজা যুদ্ধের কি বকম আয়োজন ক'রছে ?

চন্দ্র। আরে রামচন্দ্র ! যুদ্ধের আবার আয়োজন ? রাজা একবার কৌশলে তোমাদের সঙ্গে যুদ্ধে জিতেছিলেন কি না — তাই এবার নিশ্চিন্ত হ'য়ে নাসিকায় সর্ষপ তৈল দিয়ে নিদা যাচ্ছেন ।

২য়-প্র। বেশ, বেশ, এ সংবাদে সেনাপতি বড় খুসি হবেন ।

চন্দ্র। রাজা যে এবারে যুদ্ধে হা'রবেন সে বিষয়ে ত সন্দেহই নেই। কিন্তু হুজুরদের কাছে আমার যে নিবেদনটা আছে ।

১ম-প্র। হ্যাঁ তা আমাদের মনে আছে। কিন্তু তুমি দেশ ছেড়ে যেতে পারবে ?

চন্দ্র। তা আর পারব না ? হুজুর ! এদেশে কি আর থাকতে ইচ্ছা করে ? দেশটা উৎসন্ন গেছে। আপনাদের দেশে মেওয়া খাব আর থাকবো। হুজুর দেশে নিয়ে গিয়ে দয়া করে আমার একটা বিয়ে দিয়ে দেবেন ।

২য়-প্র। কেন তোমার কি সাদি হয় নি ?

চন্দ্র। আজ্ঞে না হুজুর !

১ম-প্র। তোমার ত তা'হলে আমাদের ধর্মে আসতে হবে ।

চন্দ্র। আজ্ঞে, তাতে আর সন্দেহ আছে ? পুতুল পূজা ক'রে অরুচি হ'য়ে গেছে, একবার মুখ বদলে দেখি ।

২য়-প্র। কেয়া তোফা ! কেয়া তোফা ।

চন্দ্র। হুজুর তা'হলে একটু সরবৎ আনবো কি ?

১ম-প্র। লেয়াও, জলদি লেয়াও ।

(নৌকা হইতে চন্দ্রপতির সরবৎ লইয়া আগমন ।)

চন্দ্র। ছজুর পান করুন ।

(ছইজনকে সরবৎ প্রদান ।)

২য়-প্র। কেয়া বড়িয়া—কেয়া বড়িয়া !

১ম-প্র। দেখো, তোমাকে হাম মলুকমে লেয়ায়কে বড়িয়া সাতি দে দেগা ।

২য়-প্র। হাম দেগা দোস্তু, কুচ পরোয়া নেই—আউর সরবৎ দেও ।

(পুনরায় সরবৎ প্রদান ও উভয়ের পান ।)

১ম-প্র। কেয়া তোফা ! মজা উড়াও ।

২য়-প্র। নুচ, গাও, হাম থোড়া শোলেই ।

(উভয়ের শয়ন)

চন্দ্র। বোধমল ! শীঘ্র বেটাদের বেধে ফেল ।

বোধ। মরবে না ত ?

চন্দ্র। না ঘণ্টা কতক অট্টেতগ থাকবে মাত্র, শীঘ্র নাও ।

(চন্দ্রপতি ও বোধমলের ছইজন প্রহরীকে বন্ধন, তাহাদের অস্ত্র সংগ্রহ করণ ও নৌকারোহণে প্রস্থান ।)

পঞ্চম দৃশ্য ।

শিবির ।

ঘোরী, কুতব, বক্তিরার, আলিজান ও নর্তকীগণ ।

নর্তকীগণের গীত ।

পিয়রী প্যারী তেরি, এয়ারসি আয় সান্ ।

ক্যামসি আয় নিয়ারী নিয়ারী বাকী বাকী আন ॥

সখিয়ারী রঙ্গ রচাও,

লুভাও জী জী লুভাও,

আও সাদি মনাও, আও চায়না উড়াও ।

মিলকে আও গাও, রহে সব্‌পে আশান ॥

আলি । বাঃ বাঃ বলত আছা ! তোফা ! এই না হ'লে নবাব ?
 নবাব নবাবি চালে থাকবে, তোফা পায়ের উপর পা দিয়ে
 ব'সে ব'সে কেবল ক্ষুধি চালাবে, আমোদের দরিয়া ব'য়ে
 যাবে । তা না হয়ে খালি লেঙ্গা হাতিয়ায় নিয়ে ছুটোছুটি
 ছুটোছুটি ! সে কিরে বাপু ? আইয়ে মেরি জান ! এক
 পাত্র টেনে নাও ।

কুতব । আলিজান ! উৎসবের এ নহে সময় ।

আলি । না, এই তোমাদের মত ক'বেটা গোঁয়ারের পাল্লায়
 পড়েই, আমাদের নবাব মাটি হ'য়ে গেলেন । আমোদের

আবার সময় অসময় কিরে বাপু ? ছুনিয়ায় ক'দিনের জন্যেই

বা এসেছে ও যে ক'দিন আছ, একটু মজা করে নাও।

পানাজান ! তুমি আমার কাছে এস।

বক্তি।

এইরূপে গত বারে হলো পরাজয়,

মাথিয়ে কলঙ্ক-কালি ফিরিছু ভবনে।

আলি। না বাবা, তোমরা নেহাত তান্ত্র করে তুললে।

মাসাবধি ত মেয়ে মানুষের মুখই দেখতে পাওয়া যায় নি।

কত কষ্টে জপিয়ে সপিয়ে যদি নবাবকে রাজি করলুম, যেনর

যেনর করে তোমরা তাঁর কানটাকে বালা পালা করে

তুললে দেখছি। বলি মেয়ে মানুষগুলো যে বিগড়ে যাচ্ছে

সে খপর রাখছো কি ?

কুতব।

ভীষণ ভৈরব রবে কালানল সম,

গঞ্জে দূরে কাকেরের দল ;

মূর্ত্তিমান মৃত্যু সম হতেছে উদয়।

আলি। কে বাবা “মূর্ত্তিমান মৃত্যুর” কাছে আসতে তোমাদের

মাথার দিবা দিছলো ? ঘরের ছেলে ঘরে ছিলে, তোফা খেয়ে

দেয়ে আমোদ ক'রে বেড়াচ্ছিলে, কেউ ত বারণ করেনি।

তবে পাহাড় পর্বত ভেঙ্গে, নদী নালা ডিঙ্গিয়ে, “মৃত্যুর”

কাছে আসবার দরকারটা কি ছিল ?

ঘোরী। আলিজান ! কেন মিছে কর জ্বালাতন ?

আলি। এই জ্বালাতন হ'য়ে গেল ! না, ছুনিয়া আর থাকচে

না। হজুরের অবধি মেয়ে মানুষের উপর অগ্নিমান্দ্য হ'লো।

‘হায় হায় হায় !!!

বক্তি।

লয়ে সাথে নর্ত্তকীর দল,

যাও তুমি অগ্নি গৃহে.

গীতবাদ্য যত পার করহ শ্রবণ ।

আলি । বলি সোনার চাঁদ ! সালসা না খেলে যুববে কার
জোরে ? মেয়ে মানুষে সালসার কাজ করে তা জান ?
সমস্ত দিন তলোয়ার খেঁচে ক্লান্ত হ'য়ে পড়েছ, আর উঠবার
শক্তি নেই, এমন সময় ক্রমর ক্রমর আওয়াজ হোক দেখি,
বাবা অমনি চাপা ! এমন চিৎর যে মেয়ে মানুষ, তুমি কাঁ
ক'রে সরিয়ে দিতে চাচ্ছ ? আচ্ছা বাপধন, মন দিয়ে শোন
দেখি একখানা গান. দেখি তোমাদের ভাবনা কোথা থাকে !
ধর ত বিবিজানেরা, তেড়ে ফুঁড়ে একখানা লপেট গোছ
ধরত ।

গীত ।

প্যারে কাহে জিয়া কলপায় ।

গোলো পিয়া, খোলো জিয়া, সাদিও সাদানি আয় ॥

বলো বলো জানি প্যারে,

দিলকো হায় রঞ্জ হাসারে.

হারি চেরি যায় তুহারে, জিয়ারা কাহে দুখার ॥

(জনৈক মুসলমান সেনানীর প্রবেশ ।)

সেনানী । জাঁহাপনা ! বন্দি পলায়ন ক'রেছে ।

ঘোরী । বন্দি ! কোন্ বন্দি ?

সেনানী । কাকের বন্দি. মেহেরবান্ !

ঘোরী । ইয়ে আল্লা ! সর্বনাশ হইল সাধিত !

তোমরা কি ঘুমাইতে ছিলে ?

ধূলিমুষ্টি নিক্ষেপিয়া প্রহরী-নয়নে.

অবাধে চলিয়া গেল বর্ষের কাফের !

শীঘ্র যাও, আন ত্বরা

ছিন্ন শির প্রহরীগণের ।

[সেনানীর প্রস্থান ।

বক্ত্রিয়ার !

এই দণ্ডে আজ্ঞা দাও তুলিতে শিবির :

মুহূর্ত্তেক বিলম্ব না ক'রে

আ ক্রমহ পৃথ্বরাজে ।

[বক্ত্রিয়ারের প্রস্থান ।

শুনহ কুতব ! পঞ্চশত অশ্বারোহী

কাফের সন্ধানে তুমি করহ প্রেরণ ।

জানি আমি, যখন-সেনানী আর

কেশাগ্র স্পর্শিতে তার হইবে অক্ষম :

কিস্তি কিছুদিন যেন যোধমল,

মিলিত হতে না পায় পৃথ্বরাজ সনে ।

তারপর—অবিলম্বে সৈন্যবল সহ,

ভীমবেগে পড় গিয়া কাফের উপর ।

[কুতবের প্রস্থান ।

ঘাট আমি, শীঘ্র যাব সাজিয়ে সমরে ।

[ঘোড়ার প্রস্থান ।

আলি ! ইয়ে আল্লা ! মিলন ত'তে না হ'তেই বিরহ ! এখন

এস সব জানের জাম, তোমাদের জানগুলো বাঁচাবার

চেষ্টা দেখি ।

ষষ্ঠ দৃশ্য ।



দৃশদ্বতীতীর—পাণপথ-রণক্ষেত্র ।

পৃথ্বিরাজ, নমরসিংহ, কল্যাণসিংহ,
রাওমল ও সূর্যাসিংহ ।

(অখিলসিংহের প্রবেশ ।)

অখিল ।

মহারাজ !

বিপ্লবস্বাতক যত যবনের দল.

যুদ্ধ না ঘোষণা ক'রে.

অতিক্রান্তে আক্রমণ করেছে মোদের ।

বহুসৈন্য তাহাদের

দৃশদ্বতী হইয়াছে পার ।

(নেপথ্যে আল্লা আল্লাহো শব্দ)

পৃথ্বি ।

যাও মহারাজ, সম্মুখে তোমার স্থান.

কুমার কল্যাণ. রোধ দক্ষিণে যবনে.

বাম পার্শ্বে অখিলেশ. কর আক্রমণ ।

আগ্নেয়াস্ত্র কর বরিষণ.

ভীষণ ভৈরব রবে.

সম্মোহিত করহ যবনে ।

সকলে ।

হর হর শঙ্কর. ঘুরারে ।

[নমরসিংহ. কল্যাণসিংহ ও অখিলসিংহের প্রস্থান ।

রাও ।

দেখ মহারাণা !

ফ্লিপীলিকাশ্রেণী সম যবনের তরী

সৈন্তগণে করিতেছে পার ।

পৃথ্বী ।

চল রাজা, যাই দুইজনে.

যবনের তরী সব দিই ডুবাইয়ে ।

সূর্যাসিংহ ! আদেশ অপেক্ষা কর ।

[পৃথ্বীরাজ ও রাওমলের প্রস্থান ।

সূর্য্য ।

কিবা হ'ল, বুঝিতে না পারি !

কেন মোরে না দিয়ে সংবাদ.

আক্রমণ করিল যবন ?

ভেবেছে সুলতান.

অতর্কিতে আক্রমণ করিলে নিশ্চয়.

হবে কাফের বিজয় ।

(নেপথ্যে ভীষণ ধ্বনি)

কি ভীষণ অসু বরিষণ !

ডুবিছে যবন তরী.

ছত্রভঙ্গ তরণী নিচয় !

সুলতান !

অতর্কিতে জিনিবে পৃথ্বীরে ?

রণাঙ্গনে আবশ্যক ঘোরীর দর্শন.

উপদেশ প্রদানিব তায় ।

নহে ফিরিতে স্বদেশ মুখে.

না রহিবে একটা যবন ।

ওহোঃ ! ক্ষত্রিয়ের শরজালে আচ্ছন্ন গগন !
রবিকর না হয় দর্শন !

[নেপথ্যে হর হর শঙ্কর মুরারে]

(পৃথিবীরাজ ও রাওমলের প্রবেশ)

পৃথি । হের সূর্য্যাসিংহ ! যবনের সৈন্য আর
নাহি হয় দশদ্বতী পার ।
লঙ ভঙ তরণী নিচয়,
প্রাণ ভয়ে পলায় স্রদরে ।

সূর্য্য । মহারাজ !
এহেন সময় জড়পিণ্ড সম,
রব আমি অচল অটল ?
ধরি পায় আক্রা দেহ দেব,
ছিন্ন ভিন্ন করে দিই যবনের সেনা ।

পৃথি । গুরুভার সূর্য্যাসিংহ তোমার উপর,
বিপদের কালে মাত্র তুমি কর্ণধার ।
অসন্তুষ্ট হইওনা বীর !
দাহার উপর আমি দিয়েছি যে ভার,
প্রাণপণে সে কার্য্য সে করুক সাধন,
জয়মালো অংশ দিতে কে হবে সন্মত ?
হইলে অক্ষম কেহ.

তুমি আছ সাহায্য কারণ ।

সূর্য্য । (স্বগত) হায় হায় ! কিরূপে যাইব রণঙ্গনে ?
কিরূপে একটীবায তেটীব ঘোরীরে ?

- পৃথ্বী । গুরুকার্যো পাণ্ডাইলু পাশ্চত্রে মোর,
কেল নাহি এল ফিরে তারা ?
- সূর্য্য । (স্বগত) বিষম ভাবনা মোর চন্দ্রপতি তরে,
কোথা গেল চতুর প্রধান ?
- পৃথ্বী । সূর্য্যসিংহ ! যাও ত্বরান্বিত সমাচার,
কিরূপে সমরসিংহ, কল্যাণ, অখিল,
যুঝিছেন যবনের সনে ।

[সূর্য্যসিংহের প্রস্থান ।

চল রাজা !

অগ্রসর হয়ে মোরা দেখিগে সমর ।

[পৃথ্বরাজ ও রাওমলের প্রস্থান ।

(বেগে বক্তব্যারের প্রবেশ)

- বক্তি । দাড়ায়ে তাতারগণ !
ভঙ্গ কেন দিস রণ,
বিশ্বখ্যাত বীরত্ব তোদের,
মেগে লবি পরাজয় কাফেরের পাশে ?
(বেগে কল্যাণ সিংহের প্রবেশ)

- কল্যাণ । সৈন্তগণ ! চক্রবাহ করিয়ে সৃজন,
যবনে নিধন কর,
জালে বদ্ধ যুগযুগ সম ।
এই যে, হেথায় হেরি শ্রেষ্ঠ সেনাপতি !
দেখি তবে কি বীরত্ব লয়ে সাথে,
আসিয়াছ ভারত জিনিতে ?

[উভয়ের যুদ্ধ করিতে করিতে প্রস্থান ।

(কুতব ও তৎপশ্চাৎ অখিলসিংহের প্রবেশ)

অখিল । দাঁড়াও, দাঁড়াও, ফিরে কুতব উদ্দিন !
পৃষ্ঠে লয়ে অস্ত্রলেখা,
কোন্ প্রাণে ফিরিবে ভবনে ?

[প্রস্থান ।

(ঘোরীর প্রবেশ)

ঘোরী । হায় হায় ! কি হলো কি হলো ?
অতর্কিতে আক্রমণ সব ব্যর্থ হলো !
লক্ষাধিক সৈন্য মোর বসি নদী পারে,
আসিতে নারিল তারা সাহায্যে আমার !
জয়চাঁদ ! কোথা জয়চাঁদ !
হয় তুমি ছুটে এস সৈন্যবল লয়ে,
নহে দয়া কর, নিশারাগি,
অন্ধকারে ঢেকে দাও এ বিধ্বভুবন ।

(সূর্য্যাসিংহের প্রবেশ)

সূর্য্য । জাঁহাপনা ! কি সাহসে
সাক্ষাৎ মৃত্যুর দ্বারে আছ দাঁড়াইয়া ?
ঘোরী । সেনাপতি ! বন্ধুর ! করহ উপায় ।
সূর্য্য । কর পলায়ন ।
ঘোরী । কোথা যাব ? কোন্ দিকে ? পথ নাহি পাই ।
যেথা যাব কাফের ধাইবে পাছে ।
সূর্য্য । নাহি ভয়,
ভয়ান্তের ক্ষত্র কভু নাহি লয় প্রাণ ।
ঘোরী । কি কহ কাফের ? ভীরু আমি ?

স্বর্গ্য । না না—ভ্রম মোর, মহাবীর তুমি ।
কিন্তু কথায় কথায় কাল বহে যায়,
রেখ মনে আমার বচন,
ধর্মযুদ্ধে কোন মতে নাহি হবে জয় ।

গৌরী । ক্ষম মোর অভদ্রবচন,
দ্বরা মোরে দাও উপদেশ ।

স্বর্গ্য । নদীমুখ রক্ষা করে নিজে পৃথি্বরাজ,
কার সাধা দশদত্তী হইবারে পার ?
দশ ক্রোশ উর্দ্ধভাগে,
দশদত্তী ক্ষুদ্র পরিসরা,
অগ্নি নিশাভাগে,
সেই স্থানে সৈন্য তব হয় যেন পার ।
আর আমি দাঁড়াতে না পারি,
কলা পুনঃ মিলিবে দর্শন ।

গৌরী । যুদ্ধ শেষে রুতজ্ঞতা জানাব আমার ।
দেখ, ওই কে আসিছে ধেয়ে,
নগ্নদেহে নগ্নপদে জটাজুট শিরে,
উলঙ্গ রূপাণ করে বিভীষিকা সম ।

স্বর্গ্য । সর্বনাশ ! মহাবীর চিতোরের রাণা !
দানব-দলন তরে, পিনাকী আপনি
যেন রুদ্ধতেজে আসিতেছে ধেয়ে ।
সাবধানে ক্ষণকাল যুঝিও সুলতান !
সাক্ষ্যভেরী বাজাইয়ে,
আমি তব রক্ষিব জীবন । [প্রস্থান ।

(সমরসিংহের প্রবেশ ।)

সমর । শুনিয়াছি বীর-তুমি, যবন সুলতান !
 আছে সাধ পরীক্ষিতে,
 তব সনে শক্তি রূপাণের ;
 ধর অস্ত্র, বিলম্ব না সহে ।

(উভয়ের যুদ্ধ, ঘোরীর তরবারি হস্তচ্যুত হওন)

লহ বীর অস্ত্র তুলে করে,
 নিরস্ত্রে ক্ষত্রিয় কভু না করে প্রহার ।

(উভয়ের পুনরায় যুদ্ধ, সমরসিংহ একহস্তে ঘোরীর তরবারি
 শুদ্ধ হস্তধারণ এবং বধার্থে অসি উত্তোলন ; হঠাৎ ভেরীর
 শব্দ হওন এবং ঘোরীর হস্ত তাগ)

সমর । কৃষ্ণে বাজিল সাক্ষাভেরী,
 যুদ্ধ শেষ সঙ্কেত প্রদানি ।
 বাও বীর, প্রাণ লয়ে শিবিরে ফিরিয়া,
 পুনঃ কাল রণাঙ্গনে পাবে দরশন ।



পঞ্চম অঙ্ক ।

প্রথম দৃশ্য ।

শিবির ।

প্রণিরাজ ও সংযুক্তা ।

প্রণি ।

প্রিয়ে ! মিটেছে সময়,

রণক্লান্তি নিবারিব এবে ।

সংযুক্তা ।

এস নাথ, এস !

দাসী তব সেবিবে চরণ ;

সখিগণ মোর স্মৃতিষ্ট সঙ্গীতে

দূর করে দিবে যত রণক্লান্তি তব ।

ঘোরী ফিরে গেছে কি স্বদেশে ?

প্রণি ।

রণসাম মিটেছে ঘোরীর,

বিপর্যাস্ত যবনবাহিনী ।

তিনদিন হইল সময়,

বার বার তিনবার হ'ল পরাভূত ।

অল্প দিবা শেষে,

চক্রবাহ করিয়ে সৃজন.

ঘেরেছিল যবনের দলে,

ভেবেছিল মনে,

ফিরিতে দিবন দেশে একটী যবনে ।

সংযুক্তা ।

তারপর কি হলে প্রাণেশ ?

পৃথ্বী ।

ঘোরী শেষে গণিয়া প্রমাদ,

শেতখজা করি উত্তোলন,

পাঠাইল সন্ধির প্রস্তাব,

প্রাণভিক্ষা মাগি সবা কার ।

সংযুক্তা ।

কিবা হ'ল অতঃপর ?

পৃথ্বী ।

দূত মুখে-পাঠানু সংবাদ,

প্রতিজ্ঞা করহ যদি,

কভু আর না আসিবে ভারত ভিতর,

যতদিন রহিবে জীবিত,

দিব ফিরে প্রাণ লয়ে ফিরিতে স্বদেশে ।

নহে কাল প্রাতঃসূর্য্য,

না হেরিবে একটী যবন ।

সংযুক্তা ।

কি কহিল যবন সুলতান ?

পৃথ্বী ।

প্রতিজ্ঞা ক'রেছে ঘোরী,

তাই আজ হইয়াছে সন্দের শেষ ;

তাই আজ সৈন্যদল,

ভাঙ পানে উন্মত্ত হইয়ে,

রণক্লান্তি করিতেছে দূর ।

কাল প্রাতে ফিরিবে দিল্লীর পথে ।

(নেপথ্যে “হর হর শঙ্কর মুরারে” শব্দ)

অকস্মাৎ কেন এই যুদ্ধ কোলাহল ?

কি হইল এ ঘোর নিশায় ?

(জনৈক প্রহরীর প্রবেশ ।)

প্রহরী । মহারাণা ! বিষম বিপদ !
বিশ্বাসঘাতক যত যবনের দল,
সন্ধিসূত্র ছিন্ন করি,
অতর্কিতে আক্রমণ ক'রেছে মোদের !

পৃথ্বী । সন্ধির ছলনা তবে ভাণ মাত্র হেরি ।
রাণি ! শীঘ্র, শীঘ্র তরবারি,
আন ত্বর ধনুশের মোর ।

[সংযুক্তার প্রস্থান ।

প্রহরী । স্মৃগুস্ত আছিল যত সৈন্য আমাদের.
ভাঙ পানে উন্মত্ত কেহ বা,
না ছিল প্রস্তুত কেহ নৈশ আক্রমণে ;
অতর্কিতে আক্রমিয়া,
বহুসৈন্য ক'রেছে নিধন.
সেনানী অখিলসিংহ,
প্রাণপণে রোধিছে যবনে ।

(সংযুক্তার প্রবেশ ও পৃথ্বীরাজকে তরবারি আদি প্রদান)

পৃথ্বী । যাও ত্বর অশ্বপৃষ্ঠে অখিলেশ পাশে,
কহ তারে, আর যত সেনানীরে,
মুহূর্ত্তেকে রণঙ্গনে হইব উদয় ।

[প্রহরীর প্রস্থান ।

- পৃথ্বী । মিথ্যাবাদী দুৰ্দ্ধৃত পিশাচ !
 চাহ তুমি অধঃ সমর ?
 (অতঃ একজন প্রহরীর প্রবেশ)
- প্রহরী । মহারাজ ! ছত্রভঙ্গ ক্ষত্রসেনা,
 সেনানী অখিলসিংহ ত্যজেছে জীবন ।
- পৃথ্বী । অখিলেশ ত্যজেছে জীবন !
 ছত্রভঙ্গ ক্ষত্রসেনা !
 শীঘ্র দেখ, অগ্নিমোর আছে কিনা দ্বারে ।
 [প্রহরীর প্রস্থান ।
- আসি তবে, রাণি !
 বোধ হয় শেষ এ চূষন !
 [সংযুক্তার হস্তচূষন ও বেগে প্রস্থান ।

দ্বিতীয় দৃশ্য ।

পাণিপথ ।

রণস্থল ।

(বক্তার ও তাতারী সৈন্তগণের প্রবেশ ।)

- বক্তি । সেনানী অখিলসিংহ হত এ সমরে.
 রক্ত বীর রাওমল ত্যজেছে জীবন,
 নাহি ভয়, নিশ্চয় জিনিব রণ ।

সৈন্তগণ । আল্লা আল্লা হো ।

(বেগে কল্যাণসিংহের প্রবেশ ।)

কল্যাণ । বিধর্মী পিশাচ ! বিশ্বাসঘাতক !
অতর্কিতে করি আক্রমণ,
ভেবেছ কি জিনেছ সমর ?
পদাঘাতে বিতাড়িব রণভূম হ'তে !

বক্তি । সৈন্তগণ !
খণ্ড খণ্ড কর ওই অপ্রিয় রসনা ।
(যুদ্ধ ও কল্যাণের তরবারি ভগ্ন হওন)

কল্যাণ । যবনসেনানি !
নাহি কর অধ্যাসমর,
অদ্য এক ভিক্ষা দাও মোরে ।

বক্তি । ধর্ম্মাধর্ম্ম কাকেরের সনে ?
এই দণ্ডে বধ হুঁরাচারে ।

কল্যাণ । দেখ তবে ক্ষত্রিয় মরণ !
(কল্যাণের পতন)

পিতঃ ! পিতঃ ! কোথা তুমি এসময় ?
অদ্বন্দ্ব মরিলাম যবনের করে ।

(মৃত্যু)

বক্তি । সিংহশিশু পড়েছে ভূতলে,
বীরদম্ভে চল সবে আগুসারি যাই ।

(বেগে সমরসিংহের প্রবেশ ।)

সুরঙ্গ । নাহি ভয় বীরগণ !
জীবিত এখনও আছে চিতোরের রাণা ।

হিন্দু-সৈন্য । হর হর শঙ্কর মুরারে !

সমর । কে শুয়ে ওখানে ?
কল্যাণ ! হৃদয়ের ধন !

শুদ্ধ হও আঁখি !

শোকের সময় ইহা নয় ।

যাও বৎস ! মহাবীর তুমি,

অমরত্ব কর লাভ ত্রিদিব প্রদেশে ।

বক্তি । তুমিও বাইবে সেথা, বর্ষের কাফের !

সমর । ক্ষত্র বীরগণ !
ছিন্নভিন্ন করে দাও যবনের সেনা ।

(উভয়পক্ষের যুদ্ধ এবং বক্তার প্রভৃতির পলায়নোচ্চোগ)

ছি ছি কোথা যাও, যবনসেনানী ?

(আল্লা হো আল্লা হো শব্দে কুতব ও তাহার সৈন্তগণের
প্রবেশ ও যুদ্ধ, সমরসিংহের পতন ।)

ভাল কীর্তি রাখিলে যবন !

পৃথ্বরাজ ! পৃথ্বরাজ !

ভাগ্য রবি তব আজ রাহু কবলিত !

(মৃত্যু)

কুতব । চল বক্তার ! চল সৈন্তগণ !

বীরদর্পে কর আক্রমণ,

চিতোরের মহারাণা মৃদেছে নয়ন ।

[সকলের প্রস্থান ।

(বেগে পৃথি্বরাজের প্রবেশ ।)

পৃথি। কেন ভগ্ন চিতোরের সেনা ?
 পৃথি্বরাজ করে শোভে এখনও রূপাণ ।
 এস ফিরে, ক্ষত্রনাম রাখ এ মহীতে ।
 প্রাণভয়ে ভীত কিরে চৌহানের দল ?
 তোরা কি অমর সবে ?
 তাই চাস প্রাণ লয়ে পলাইতে দূরে ?
 সুন্দরী যুবতী আছে গৃহেতে তোদের,
 ধনরত্ন বাণলিঙ্গ শালগ্রাম শিলা,
 কোন্ প্রাণে দিবি তুলে যবনের করে ?
 তার চেয়ে বড় কিরে এ ছার জীবন ?
 বীরদর্পে কর সবে কোদ ও টঙ্কার,
 ত্রিভুবন কেঁপে যাবে, পর্বত টলিবে,
 কার সাধা রোধিবে এ গতি ?

(নেপথ্যে হর হর শঙ্কর শব্দ, আল্লা হো শব্দে বক্তৃয়ার ও
 কৃত্তবের প্রবেশ, পৃথি্বরাজের সহিত বৃদ্ধ ও পলায়ন ।)

পৃথি। অবশিষ্ট মুষ্টিমেয় সেনা !
 কিরূপে জিনিব রণ ?
 ওহো জয় মা ঈশানি !
 পঞ্চদশ সহস্র সৈনিক,
 আছে সূর্যাসিংহ পাশে ।

(পুনঃ পুনঃ ভেরী গিলাদ)

একি ! কিবা হলো ?
 সূর্যাসিংহ কেন নাহি এল ?
 ভেরীনাদ পশেনি কি শ্রবণে তাহার ?
 বীরবল ! বায়ুবেগে ধাও তুরঙ্গমে,
 সূর্যাসিংহে জানাও বারতা,
 হরিতে আসে সে যেন সাহায্যে আমার ।

(বীরবলের প্রস্থান এবং চন্দ্রপতি ও যোধমলের প্রবেশ ।)

চন্দ্র । মহারাণা ! মহারাণা !
 পৃথি । এ কে চন্দ্রপতি ! বন্ধবর !
 কোথা ছিলে তুমি এতদিন ?
 কোথা ছিলে যোধমল ?
 যোধ । মহারাজ ! বন্দি ছিহু যবন-আগারে,
 বহু কষ্টে পাইয়াছি ত্রাণ।
 হায় চন্দ্রপতি !
 কিছু পূর্বে কেন মোরা নারিহু আসিতে ?
 পৃথি । আজি মোর বিষম বিপদ !
 সন্ধির ছলনা করি ভূলায়ে আমারে,
 অতর্কিতে আক্রমণ করেছে যবন !
 সেনাপতি অখিলেশ, কুমার কল্যাণ,
 বৃদ্ধ রাজা রাওমল, চিতোরের রাণা,
 গুয়েছে সকলে হায় অনন্ত শয়নে !
 এ হেন সময় পেয়ে তোমা দুজন্মায়,
 বড় সুখী হহু বন্ধবর !

নিশ্চয় আবার আমি জিনিব সমর ।

কিস্তি একি হলো ! কি হেতু বিলম্ব এত ?

(পুনরায় ভেরী নিনাদ)

চন্দ্র ।

কারে ডাক মহারাজ ?

পৃথ্বী ।

সূর্য্যাসিংহে ।

যোধ ।

মহারাজ সূর্য্যাসিংহ বিশ্বাসঘাতক !

পৃথ্বী ।

কি कहিলে !

যোধ ।

সূর্য্যাসিংহ বিশ্বাসঘাতক.

যবনের মন্ত্রদাতা চর !

(বীরবলের প্রবেশ ।)

বীর ।

মহারাজ ! সূর্য্যাসিংহে না পেছু দেখিতে !

সন্ধ্যার প্রাকালে তব চতুর্থ বাহিনী

দিল্লী পথে করেছে প্রয়াণ ।

পৃথ্বী ।

কাপুরুষ ! বিশ্বাসঘাতক !

এইরূপে মজালি আমায় !

এইরূপে মজালি ভারত !

নরকেও নাহি স্থান তোর !

নিরাশায় আশা মোর চতুর্থ বাহিনী.

চন্দ্রপতি ! দেখ একবার.

পার যদি কোন রূপে ফিরাতে তাদের ।

[চন্দ্রপতির প্রস্থান ।

যোধমল !

এ হৃদ্দিনে তুমি মোর সেনাপতি.

সহকারী, বন্ধ, পাশ্চর ।
ওই দেখ আসিছে যবন,
চল যাই দুইজনে,
ঝাঁপ দিই সমর সাগরে ।

[উভয়ের প্রস্থান ।

(সংযুক্তা, যমুনা ও কতকগুলি হিন্দুসৈন্যের প্রবেশ ।)

সংযুক্তা । যাও বীরগণ !
হুঙ্কারে পড় গিয়ে যবন মাঝারে,
ক্ষত্রভেজে ভঙ্গীভূত হ'ক শ্লেচ্ছগণ !
হয় যদি গুণশূন্য ধনু,
মোদের চিকণ কেশ করিয়ে কণ্টন,
বিনাইয়া দিব ধনুগুণ ।
মাতা, জায়া, ভগ্নী তব রয়েছে সবার,
শ্লেচ্ছ করে নির্ঘাতন হবে কি তাদের ?

সৈন্যগণ । হর হর শঙ্কর মুরারে !

সংযুক্তা । ওই দেখ !
সিংহসম মহারাণা যুঝিছে সমরে,
তোমরা কি রবে দূরে নিশ্চিন্ত হৃদয়ে,
চিত্রপুত্তলিকা সম নিশ্চল নিথর ?

সৈন্যগণ । হর হর শঙ্কর মুরারে !

(নেপথ্যে আল্লা আল্লাহো শব্দ)

সংযুক্তা । ওই দেখ, আসিছে যবন,

যাও সবে, মুহূর্তেক না কর বিলম্ব।

মোর আছি সাহায্য কারণ ।

[সৈন্যগণ ও তৎপশ্চাৎ নারীগণের প্রস্থান ।

(অগ্গদিক দিয়া রক্তাক্ত কলেবর পৃথ্বিরাজ ও
যোধমলের প্রবেশ ।)

পৃথ্বি ।

যোধমল ! যোধমল !

মনুষ্যের সাধ্য বাহা করেছি সাধন,

কিন্তু আজ অসম্ভব সমরে বিজয় !

ওই দেখ পরিপুষ্ট যবনবাহিনী,

অশ্রান্ত, অক্লান্ত সৈন্য আসিছে সমরে ।

এ সময় কোথা মোর চতুর্থ বাহিনী ?

কাপুরুষ ! বিশ্বাসঘাতক !

জননীর পদে তুই পরালি শৃঙ্খল !

মা জননি ! জন্মভূমি !

রক্ষিতে নারিল তোরে অকৃতী সন্তান !

যোধ ।

শোকের সময় এই নহে, মহারাণা !

পৃথ্বি ।

জানি যোধমল ! কিন্তু হায় কি উপায় ?

চারিদিকে নিরাশা কেবল !

মহাবীর তুমি বন্ধু মোর,

রমণী রক্ষার ভার দিই তব করে,

যাও দূরা, লয়ে যাও নিরাপদ স্থানে ।

ব'লো মোর সংযুক্তারে.

হিন্দু নামে, ক্ষত্র নামে, বীর নামে,

পৃথ্বরাজ করে নাই কলঙ্ক লেপন ।

বড় খেদ রহিল জীবনে,

শেষ দেথা তার সনে হলোনা আমার !

যোধমল ! দাও মোরে শেষ আলিঙ্গন !

যোধ । ফেলিয়ে তোমাতে একা বিপদ সাগরে,

যাব চলি, রণস্থল ছাড়ি ?

হেন কাপুরুষ নহে যোধমল ।

পৃথ্বি । মহাবীর তুমি !

তাই ত তোমার করে দিতেছি এ ভার ।

যোধ । তোমা ছেড়ে এক পদ নাহি যাব রাণা ।

পৃথ্বি । মানিবে না রাণার আদেশ ?

যোধ । ধরি পায় মহারাণা ক্ষমা কর দাসে,

করিও না নির্দয় আদেশ !

একদিন পুরস্কার দিবে বলেছিলে,

আজ মোরে দেহ পুরস্কার,

অজ্ঞা দেহ নিকটে থাকিতে,

কিন্মা রাণা, নিজ করে মৃত্যু দাও মোরে ।

পৃথ্বি । বুদ্ধিমান তুমি যোধমল !

তবে আজ কেন হেরি অজ্ঞান আচার ?

ভাল করে দেখ ভেবে মনে,

অতি তুচ্ছ এ ছার জীবন ;

শ্রেষ্ঠ রত্ন নহে কিহে রমণী সন্মান ?

সে রত্ন রক্ষার ভার দিতেছি তোমায়,

পার যদি রক্ষা করে। সংযুক্তার মান ।
যাঃ বীর, নিশ্চিন্তে মরিতে দাও মোরে !

(যোধমলের প্রস্থান ও কয়েকজন পলায়মান
সৈন্যের প্রবেশ ।)

ছিছি বীরগণ !
পাইয়াছ জীবনের ভয় ?
ভাল পলাও সকলে,
রহ বেঁচে অমর হইয়ে,
দেখ কিস্ত পৃথ্বরাজ মরণে না ডরে ।

(পৃথ্বরাজের প্রস্থান ও কিয়ৎপরে ঘোরী, বজ্রিয়ার, কৃতব
প্রভৃতির সহিত যুদ্ধ করিতে করিতে পুনঃ প্রবেশ ।)

পৃথ্বী । বিশ্বাসঘাতক ঘোরী !
দেখ আজ ক্ষত্রিয় মরণ ।

(হঠাৎ তরবারি পৃথ্বরাজের হস্তচ্যুত হওন)

ঘোরী । বন্দী কর নৃগেন্দ্রে বধ নাহি কর ।
[পৃথ্বরাজকে বন্দী করিয়া প্রস্থান ।

(যোদ্ধাবেশে সংযুক্তা ও যমুনার প্রবেশ ।)

সংযুক্তা । এস বীরদল !
মহারাণা বন্দী আজ যবনের করে,
সিংহ যথা শৃগাল গুহায়,

কোন্ প্রাণে তোমা সবে রহিবে নীরবে ?
দিল্লীশ্বরী নিজে আজ চালিছে বাহিনী,
চল, চল, হই অগ্রসর ।

যমুনা ।

ওই দেখ, পার্শ্বরক্ষা করে যোধমল,
ক্ষণকাল আর সবে করহ সমর,
দিল্লীপথ অভিযুখী চতুর্থ বাহিনী,
চন্দ্রপতি সনে ফিরি আসিবে দ্বারায় ।

(বক্ত্রিয়ার, কুতব প্রভৃতির প্রবেশ)

সংযুক্তা ।

গেচ্ছ সেনাপতি !
তব সনে কি করিব রণ ?
ডেকে আন সুলতানে হেথায়,
দেখে যাক বিশ্বাসঘাতক,
কত বল ধরে, ক্ষীণ রমণীর বাহু ।

বক্ত্রি ।

বীরদল ! বন্দী কর প্রগল্ভা নারীরে ।

যমুনা ।

বর্ষর, পিশাচ !
সাধ্য হয় রক্ষা কর জীবন আপন ।

(যমুনার বক্ত্রিয়ারকে আক্রমণ, সংযুক্তার কুতবকে আক্রমণ ও
যুদ্ধ করিতে করিতে প্রস্থান, ঘোরীর প্রবেশ ।)

ঘোরী ।

দ্বরা এস সৈন্যদল !
বাণুরায় বদ্ধ কর ছরন্ত নারীরে ।

[প্রস্থান ।

(যোধমলের প্রবেশ ।)

যোধ ।

বন্দী আজ মহারাণা ক্ষত্রবীরদল,
ছোট্টে রাণী উন্মাদিনী সম ।
চিরদিন ভক্ষিয়ে লবণ,
মোরা কি পলায়ে যাব প্রাণ লয়ে গৃহে ?
স্পৃহনীয় এত কি জীবন ?
পুরনারীগণ সবে রণে আণ্ডয়ান,
কোন্ লাজে তাহাদের পশ্চাতে লুকায়ে,
রক্ষা মোরা করিব জীবন ?
কুললক্ষ্মীগণে সব জলাঞ্জলি দিয়ে,
মোরা সবে পলাব কি যবনের ভয়ে ?
কোষে অসি লম্বিত থাকিতে,
ক্ষত্র কি সহিতে পারে নারী-অপমান ?
রণাঙ্গনে করিব শয়ন,
এ হতে অধিক বল কি আছে গৌরব ?
ভারতসন্তান ভাই কে আছে কোথায় !
এস ছুটে রক্ষা কর জননীর মান ।
ভীম বেগে পড়ি সবে যবন উপর,
ছিন্ন ভিন্ন করে দিয়ে বাহিনী তাদের,
দিল্লীর ঈশ্বরে আজি করিব উদ্ধার !

মৈত্রীগণ ।

হর হর শঙ্কর গুরারে ।

যোধ ।

ত্বরা ত্বরা বীরদল !

বেষ্টিতা হয়েছে রাণী যবনমাকারে ।

[সকলের প্রস্থান ।

(সংযুক্তা ও যমুনার প্রবেশ ।)

যমুনা ।

ফিরে এস, ফিরে এস ভগিনি আমার !

মুষ্টিমেয় সৈন্তমাত্র আছে অবশেষ,

চন্দ্রপতি এখনও না এল,

অসম্ভব আর হওয়া রণে আগুয়ান !

ফিরে এস, দিল্লীশ্বরী !

নহে শেষে,

বন্দিনী হইতে হবে যবনের করে ।

সংযুক্তা ।

ফিরে যাব ? কোথা ফিরে যাব ?

শ্মশান শিয়রে রাখি, মরুভূমি মাঝে ?

প্রাণনাথে মোর রাখি যবনের করে,

কোন্ প্রাণে যাব ফিরে বোন ?

না—না—হয় তাঁরে করিব উদ্ধার,

নহে প্রাণ দিব সমর প্রাঙ্গণে ।

চল, চল, বিলম্ব না সহে ।

[উভয়ের প্রস্থান ।]

(যোধমল ও কয়েকজন সৈন্তের প্রবেশ ।)

যোধ ।

সর্বনাশ ! আহতা হয়েছে রাণী,

দিল্লীশ্বরী পতিতা ভূতলে !

ছোট্টে ম্লেচ্ছ বন্দিনী করিতে তাঁরে !

মোদের ধমনী দেশে থাকিতে শোণিত,

রাণীর পবিত্র দেহ স্পর্শিবে যবন !

পাপস্পর্শে কলুষিত হইবে শরীর !

রক্ষিতে রাণীর দেহ সাধ যার হয়,
এস ছুটে পশ্চাতে আমার ।

[প্রস্থান ।

(স্কন্ধে সংযুক্তাকে লইয়া যোধমলের প্রবেশ ।)

যোধ ।

জয় না ভবানি !

[প্রস্থান ।

তৃতীয় দৃশ্য ।

রণস্থলের অপরপার্শ্ব ।

যমুনা ।

যমুনা ।

ফিরিয়াছে চতুর্থ বাহিনী,
কল্যা প্রাতে পুনরায় হইবে সমর ।
অকূল পাথার মাঝে,
যোধমল মাত্র কর্ণধার ।
যোধমল ! যোধমল !
বহুকাল মনঃপ্রাণ সঁপেছি তোমায়,
পার যদি জিনিতে সমর,
পার যদি উদ্ধারিতে রাণা পৃথ্বিরাজে,
সূর্য্যসিংহ যুগু যদি,
পদাঘাতে পার চূর্ণিবারে,
অবিলম্বে দেহ মোর অর্পিব তোমায় ।

মা জননী আশাপূর্ণে !

দেখো মাতঃ ! আশা যেন পূর্ণ হবার হয় ।

[প্রস্থান ।

(সূর্যাসিংহের প্রবেশ ।)

সূর্য্য ।

হাঃ হাঃ পূরেছে কামনা !

প্রতিহিংসা মিটল আমার,

পৃথ্বরাজ বন্দী এত দিনে !

এইবার জয়চাঁদে দিয়ে ফাঁকি,

বসিতে হইবে মোরে দিল্লীসিংহাসনে ।

সাবধান কনোজের রাণা !

বায়ুবেগে সূর্য্যসিংহ ধায়,

পড়িলে তাহার পথে মরণ নিশ্চয় ।

আর যোধমল ! ক্ষুদ্র কীট ! এত স্পর্কি তোর ?

যমুনার হইয়াছ প্রণয়ভাজন ?

জেনো মনে অবিলম্বে মেদিনীর পাশে,

হইবে লইতে তোরে চরম বিদায় ।

ওকে ? কে আসে এখানে ?

হাঃ হাঃ ! বিধাতা সদয় মোরে !

এ নিশিতে যোধমল আসিছে নির্জনে ।

ভাল, ক্ষণকাল রহি অন্তরালে ।

[প্রস্থান ।

(যোধমলের প্রবেশ ।)

যোধ ।

কোথা গেল যমুনা স্নন্দরী ?

যুদ্ধ শেষে প্রতিদিন অশ্রান্ত হৃদয়ে,

স্নিতমুখী দেবী সম
 তাপাদিগ্ন ধরণীর বুকে,
 একাকিনী ঘোরে বালা,
 আহতের শুশ্রূষা করিয়া ।
 মানেন না ক নিষেধ কাহার(ও),
 নাহি জানে সরলা ললনা,
 বিপদ ঘুরিছে পাছে নিজ ছায়া সম ।
 এত গুণ, এত রূপ, ধরে একাধারে !
 সাবধান, ক্ষুদ্র যোধমল !
 বামন হইয়া চাও প্রাংশু লভ্য ফল ?
 পলে পলে বাড়িতেছে নিশার আঁধার,
 ক্ষীণজ্যোতি অষ্টমীর চাঁদ,
 রণস্থল বিভীষিকা বাড়ায় দ্বিগুণ !
 কোথা শোকার্তের কাতর ক্রন্দন,
 আহতের ঘোর আর্তনাদ,
 মুন্সুর বুক ফাটা ক্ষীণ কণ্ঠস্বর,
 অনন্ত আঁধারে মিশি পাইতেছে লয় !
 হেথা পিশাচের হাসি খল খল,
 শিবাগণ দেয় করতালি,
 নৃত্য করে ডাকিনী যোগিনী,
 এ সময় রমণী কি আসে রণভূমে ?
 যমুনে ! যমুনে ! কোথা আছ তুমি ?
 কাল হবে সময়ের শেষ !
 নাহি ভয়, ফিরিয়াছে চতুর্থ বাহিনী,

নিশি শেষে আক্রমিব যবন শিবির,
 উদ্ধারিব রাণা পৃথ্বীরাজে,
 খেদাইব সিদ্ধু পারে যবনের দলে ।
 তার পর, সূর্য্যসিংহে খণ্ড খণ্ড করি,
 সারমেয় দলে দিব করিতে ভক্ষণ ।
 অতীত প্রথম যাম,
 যমুনা কি গেছে তবে শিবিরে ফিরিয়া ?
 যাই দেখি হয়ে অগ্রসর ।

(সূর্য্যসিংহের গুপ্তভাবে প্রবেশ ও যোধমলকে ছুরিকাঘাত ।)

যোধ । কে রে দস্যু বিশ্বাসঘাতক ?

(বেগে যমুনার প্রবেশ ও সূর্য্যসিংহের বক্ষে ছুরিকাঘাত ।)

যমুনা । কাপুরুষ ! বিশ্বাসঘাতক !
 মৃত্যু শেষে ভাগ্যে তব অনন্ত নরক ।

যোধ । যমুনে !

(যোধমলের মস্তক ক্রোড়ে লইয়া উপবেশন ।)

যোধমল ! যোধমল !
 চরণে কি দিবে স্থান অভাগী নারীরে ?

যোধ । কি কহ যমুনে !

যমুনা । আর কেন—কিসের সরম ?
 জীবনের যত সাধ যত প্রিয় আশা,
 এক দণ্ডে গেল ফুরাইয়ে !
 তবে শুন যোধমল !
 যমুনার প্রাণেশ্বর তুমি ।

বোধ । যমুনে !
 সূর্য্য । ওঃ হোঃ !
 যমুনা । এত দিন যে যাতনা সয়েছি নীরবে,
 ছদ্মবেশী বায়ু ক'হু করেনি শ্রবণ,
 আজ তার হলো উদ্‌ঘাপন !
 বল, বল তবে প্রাণেশ্বর !
 যমুনার হৃদয়ের আলো !
 দাসী বলে আমারে কি করিবে গ্রহণ ?
 বোধ । প্রিয়তমে ! যমুনা আমার !
 অগ্নি মোর হৃদিবিহারিণি !
 কে জানিত মৃত্যুকালে,
 এত সুখ ছিল ভালে মোর !
 যমুনা । আজি হ'তে ধর্ম্মপত্নী যমুনা তোমার ।
 শিবাকুল গাহিতেছে মঙ্গল সঙ্গীত,
 ডাকিনী প্রেতিনী যত করে উলুঞ্চনি,
 হায় হায় ! এই মোর বিবাহ বাসর !
 সূর্য্য । মৃত্যুকালে এই ছিল ললাটে আমার !
 গভীর প্রেমের দৃশ্য,
 অভিনীত হলো মোর চক্ষের উপর !
 সহস্র সূচিকা যেন বিঁধিছে নয়নে,
 এ হ'তে কি গুরুতর নরক যন্ত্রণা ?
 হায় হায় নারিলাম দিতে প্রতিশোধ !
 ওহোঃ বড় তৃষা—প্রাণ—যায় মো—র ।

(মৃত্যু)

যোধ ।

যমুনে ! বড় খেদ রহিল জীবনে
নারিলাম উদ্ধারিতে পৃথিমহারাজে !
হায় হায় ! নির্মূল সকল আশা,
ভারতের সুখরবি গেল অস্তাচলে !
হায় হিন্দু !
কেন সবে ভুলে গেলে একতা বন্ধন ?
যমুনে ! প্রাণেশ্বর !
শেষ দেখা দেখে নিই জনমের মত !
দেহ মোরে চরম বিদায় !

যমুনা ।

দিব্যলোকে যাও তুমি, হৃদয়দেবতা,
দাসী তব বাইছে পশ্চাতে,
বক্ষে তুলে সেবিবারে ও পদপঙ্কজ ।

যোধ ।

য-মু-নে আর দেবী-নাই—
যাই—যা—ই—আ—মি ।

(মৃত্যু)

(যোধমলের রক্ত সর্কাঙ্গে মাখিয়া)

যমুনা ।

নয়ন নীরস হও ওক হও হিয়া !
এখনও কর্তব্য মোর রয়েছে পড়িয়া !
তারপর যাব চলি সেই পুণ্যধামে,
যেথা বহে অবিরাম মিলনের স্রোত,
যথা হ'তে ব্যথা পেয়ে বিরহ পালায় !

চতুর্থ দৃশ্য ।

অরণ্য প্রান্তস্থ পথ ।

জয়চাঁদ ।

জয় ।

আশা মোর পূর্ণ এইবার ;
 যার তরে অহরহঃ
 হৃদে মোর কালাগ্নি জ্বলিত,
 যার তরে শয়নে, ভোজনে,
 শান্তিসুখ ছিল না আমার,
 বার বার অপমান করেছে যে জন,
 সেই জন—
 সেই চির শত্রু মোর বন্দী এত দিনে !
 নরাদম ! কৌশলে বঞ্চিয়া মোরে,
 বসেছিলি দিল্লীসিংহাসনে,
 সে কৌশল রহিল কোথায় ?
 চির অভীষিত আশা ফলবতী এবে !
 মরেছে সমরসিংহ, ধৃত পৃথ্বীরাজ,
 এক লোষ্ট্রে দুই পক্ষী হইল নিহত,
 নিঃশব্দক জয়চাঁদ হ'ল এতদিনে !
 দিল্লীসিংহাসনোপরি কনোজ-কেতন,
 পত পত উড়িবে এবার !

চক্রবর্তী নাম মোর হইল সার্থক ।
 আসমুদ্র ভারতের একচ্ছত্রী রাজা
 আর কেহ নহে, শুদ্ধ রাণা জয়চাঁদ ।
 যাই এবে, ঘোরী সনে করিয়ে সাক্ষাৎ
 শিষ্টাচার করি প্রদর্শন ।

[প্রস্থান ।

(চন্দ্রপতির প্রবেশ ।)

চন্দ্র । বস্ বাবা, সব ফাঁক হয়ে গেল ! এখন নির্ঝঞ্ঝাটে হাঁপ...
 ছেড়ে বাঁচ । ভাবলুম দৌড় ঝাঁপ করে সৈন্যগুলোকে
 ফিরিয়ে আনলুম, যোধমলেতে আর আমাতে একবার তাণ্ডা
 ঠুকে দেখবো, যদি কিছু সুবিধা করতে পারি । ও হরি !
 অদৃষ্টের জোর দেখ, সে দিকেও বাঁয়ে শূন্য পড়ে গেল ।
 হিন্দুর পরম হিতৈষী, ভারতের অন্তরঙ্গ বন্ধু, শ্রীমান্ ৬মহর্ষ্যসিংহ
 ভায়া রূপাপরতন্ত্র হয়ে, যোধমলকে ভবনদ্বারা হতে মুক্ত
 করে দিলেন । তখন——

“ভীষ্ম, দ্রোণ, কর্ণ গেল

শল্য হলেন রথী ।”

অর্থাৎ দোর্দণ্ড প্রচণ্ড মহাবীর চন্দ্রপতি একমেবাদ্বিতীয়
 সেনাপতি হয়ে দাঁড়ালেন । সেনাপতির কর্তব্য সাধনে
 ক্লিষ্টমাত্রাও ক্রটি হলো না । যুদ্ধ প্রদান, পরাজয় প্রভৃতি
 সমস্তই যথারীতি সম্পন্ন হলো, তবে সুশৃঙ্খলে পলায়নটা আর
 ভাগ্যে ঘটে উঠলনা । সে পথে মাগিগুলো বাদ সাংলে ।
 তাঁরা আবার শক পালন করলেন । স্তান না করে, লাল কাপড়
 পরে, মরদগুলোর সামনে সব রূপাকপ আগুনে ঝাঁপ ! মরদ

গুলোর বুকের জিনিষ সব পুড়ে গেল, আর তারা পালিয়ে-
করবে কি ? বাঁচবে কার জন্তে ? কিন্তু ব্যাপারটা কি
বুঝতে পারা গেল না । রাণীজি আর তার ভগ্নী শক পালন
করলেন না কেন ? বোধ হয় জহরব্রত পালন করবেন ।

(একান্তে আলিজানের প্রবেশ ।)

আলি । কেরে বাবা ? এক বেটা কাফের দেখেছি যে !
বেটাকে দেখে কোন বড় সেনানী বলে বোধ হয় । এটাকে
যদি কোনরকমে পাকড়াও করতে পারি তা হলে সুলতানের
কাছে খুব এনাম পাব । কিন্তু কাছে ঘেঁসতেও যে প্রাণটা
নওলা দওলা করচে ।

চন্দ্র । যা'ক, দেবতাদের তারিফ আছে বাবা ! এতকাল যে
সকলে মিলে ষোড়শোপচারে ভোগরাগাদি ভক্ষণ করে
এলেন, তার খুব ফলই দিলেন বটে । আর ও বেটা কেগো ?
বেটা আমার দিল্লীর বুকের উপর আশাপূর্ণা হয়ে বসে
আছেন । মাগী যে আশাপূর্ণা করে আশা অপূর্ণ করে
আশাপূর্ণা হয়েছেন, তা কে জানে বল ?

আলি । বেটার কাছে ভয় পাওয়া হবেনা, খুব সাহস করে
বেটাকে একেবারে দমিয়ে দিতে হবে ।

চন্দ্র । যা হোক বাবা ! সাবাস থাক জয়চাঁদকে আর
সুখ্যাসিংহকে ! যুগলে মিলে কি কীর্তিটাই করলে, ইতিহাসে
অমরত্ব লাভ করে গেল ! বোধ হয়, তোমরা যখন গর্ভে সেই
সময় তোমাদের জননীর উদরে কোনরূপে স্বাভিনন্দনের
জল পড়েছিল, তাই তোমরা এমন বংশলোচন হয়েছ !

আলি। আমি বলি যে আমি স্বয়ং মহম্মদঘোরী, তা হ'লেই
বেটা খুব ভয় পাবে আর টেঁফোঁটি ক'রবে না, স্ফুড়স্ফুড় ক'রে
চলে আসবে।

চন্দ্র। আমলো, এক বেটা যখন যে এই দিকে আসছে ! বেটার,
মতলব কি ? দেখা যাক, যদি কোন রকমে মহারাজের
খপরটা নিতে পারি।

আলি। কে তুমি এখানে দাঁড়িয়ে ?

চন্দ্র। আপনারই তাঁবেদার, খোদাবন্দ !

আলি। বেটা দেখছি খুব ভয় পেয়েছে। তুমি আমার বন্দী,
আমার সঙ্গে এস।

চন্দ্র। কই ! হজুর ত আমায় বন্দী করেন নি।

আলি। আমার হুকুমই যথেষ্ট। তুমি জান, আমি কে ?

চন্দ্র। আজ্ঞে না, মেহেরবান্ !

আলি। আমি মহম্মদ ঘোরী।

চন্দ্র। (স্বগত) বেটা পুকুর চুরি করে যে গো ! দেখা যা'ক
দৌড় কতদূর ? (প্রকাশ্যে) জাঁহাপনা ! সেলাম, বান্দার
গোস্টাকি মাফ হয় ! যদি অনুমতি হয় ত এখানে স্থা
জিজ্ঞাসা করি।

আলি। কি ? বল !

চন্দ্র। আমাদের যে রাজাটাকে ধরেছেন, তার কি হবে ?

আলি। কোতল হবে, আর কি হবে। কাল দরবারে-তার
বিচার হবে। আচ্ছা, তোমাদের রাণী কি ক'রচে ?

চন্দ্র। কি আর ক'রবে, জাঁহাপনা ! বোধ হয় আপনার সঙ্গে
দেখা করবার মতলব ক'রেছেন।

আলি। কেয়াবাং কেয়াবাং হায়! আমি তোমাকে খুব
এনাম দেব।* আর তোমাকে প্রাণে মারবো না। এস
আমার সঙ্গে এস। সে যদি আমাকে নিকে করে, আমি
দোজাকে যেতে প্রস্তুত। কেয়া তোফা! কেয়া তোফা!

(হঠাৎ চন্দ্রপতি কর্তৃক আলিজানের তরবারি কাড়িয়া লওন
এবং তাহার গলদেশ ধারণ ।)

চন্দ্র। কেমন ঘোরী সাহেব! এইবার মৃত্যুর জন্ত প্রস্তুত হও!

আলি। দোহাই বাবা! আমার কোন পুরুষে ঘোরী নয় বাবা!
সব সাজোষ—সব সজোষ, আমি আলিজান মিঞা। আমায়
ছেড়ে দাও বাবা, তোমার পায়ে পড়ি, কাকের বাবা!

চন্দ্র। বৃথ! তোর মত গন্ধমুখিককে হত্যা ক'রে আমি হাতে
দুর্গন্ধ ধ'রতে চাই না। তবে তুই মা জননী মহারাণীর
প্রতি অপমানসূচক বাক্য প্রয়োগ ক'রেছিস, সেই জন্ত তোর
নাসিকাটী আমার হস্তে অর্পণ ক'রে যেতে হবে!

(আলিজানের নাসিকা কর্তন ।)

আলি। টাট্টারে! নান্নারে! কেমন ক'রে পানাজানের কাছে
স্বপ্ন রে।

পঞ্চম দৃশ্য ।

শিবির মধ্যস্থ দরবার ।

(ঘোরী, কুতব, বক্তিরার, জয়চাঁদ ও প্রহরীগণ)

ঘোরী ।

রণ এবে হলো অবসান !

এতকাল যে কামনা পুষেছি হৃদয়ে,

বার বার হইয়াছি ব্যর্থমনোরথ,

সেই আশা পূরিল এবার !

অতৃপ্ত আকাঙ্ক্ষা মোর তৃপ্ত এতদিনে ;

ভারত সাম্রাজ্য আজি পদতলে মোর !

কিন্তু রাজা, তব রূপাবনে শুধু,

মোরা আজ জিনেছি সমর,

তোমারি কোশলে ঘোরী ভারতবিজয়ী ।

জয় ।

সুলতান ! অসামান্য সৌজন্য তোমার,

তাই বিনয় বচনে,

আচ্ছাদিতে চাও তুমি বীরত্ব আপন ।

দিল্লী ও চিতোর সেনা একত্র হইলে,

দেবগণে পারে জিনিবারে ;

তাহাদের করিয়াছ জয়,

সামান্য বীরত্ব একি যবন-প্রধান ?

বক্তি ।

সত্য বটে পৃথ্বীরাজে জিনেছি সমরে,

কিন্তু এ কথা নিশ্চয়.

- সুকৌশলে কার্য্যাসিদ্ধ হ'য়েছে মোদের ।
 অদ্ভুত বীরত্ব তার হেরেছি নয়নে,
 কল্লনার অতীত সে দৃশ্য ভয়ঙ্কর !
- * কুতব । নারী করে হেন রণ,
 নারীহৃদে সম্ভব এ অসীম সাহস,
 স্বপনে ভাবিনি কভু,
 রূপে মৃগী, সিংহী সম অতুল বিক্রমে !
- ঘোরী । ভেবে আমি করিয়াছি স্থির,
 হেন বীরে কভু না বধিব ;
 অধীনতা যদি পৃথ্বি করয়ে স্বীকার,
 মার্জনা করিব তায় ।
- বক্তি । উত্তম সঙ্কল্প তব, শুন জাঁহাপনা !
- কুতব । বীর কবে বিমুখ হয়েছে জাঁহাপনা,
 রক্ষিবারে বীরের সম্মান ?
- জয় । প্রাণে যদি নাহি বধ তারে,
 বন্দী করে রেখে দাও আফগান প্রদেশে,
 যেন পামরের স্পর্শে আর,
 ফলক্ষিত নাহি হয় দিল্লী-সিংহাসন !
- ঘোরী । ব্যক্তিকার !
 (ঘোরীর বক্তব্যকে ইঙ্গিত, বক্তব্যের ব্যঙ্গাধ্বনি করণ ও
 তৎসম্বন্ধে রক্তাক্ত কলৈবর, শৃঙ্খলাবদ্ধ প্রহরী বেষ্টিত,
 পৃথ্বিরাজের প্রবেশ)
- ঘোরী । এই সাজ বীরোচিত নহে, ব্যক্তিকার !
 এই দণ্ডে উন্মোচন করহ শৃঙ্খল ।

(প্রহরীগণের শৃঙ্খল উন্মোচন করিবার চেষ্টা,
পৃথ্বিরাজের বাধা প্রদান) ‘

- পৃথ্বি । ধন্যবাদ, যবন রাজন !
 বন্দী আমি, এই মোর উপযুক্ত সাজ ।
- ঘোরী । শুন রাজা ! আর তুমি বন্দী নহ মোর,
 আমি তোমা করিব মার্জ্জনা ।
- পৃথ্বি । কি কহিলে ? কি কহিলে ঘোরী ?
 করিবে মার্জ্জনা ! পৃথ্বিরাজে ?
 ভীৰু নহি আমি ঘোরী তোমার মতন,
 প্রাণ ভয়ে দস্তে তৃণ করিয়ে ধারণ,
 মেগে লব মার্জ্জনা তোমার ।
- ঘোরী । সাবধানে ক’য়ো কথা, হিন্দু বীরবর !
 জেনো মনে বন্দী তুমি ঘোরীর সদনে ।
 যাচ যদি মার্জ্জনা আমার,
 অধীনতা যদি তুমি করহ স্বীকার,
 পঞ্চলক্ষ স্বর্ণ মুদ্রা বাৎসরিক কর,
 কাবুলে পাঠাতে যদি কর অঙ্গীকার,
 দিব ফিরে দিল্লী সিংহাসন !
- জয়চাঁদ । সুলতান !
- ঘোরী । চূপ কর, রাজা ।
 কিবা তব অভিপ্রায়, কহ প্রকাশিয়া ?
- পৃথ্বি । মা জননি ! আশাপূর্ণে ! এই ছিল মনে ?
 ঘণিত প্রস্তাব এই শুনিবার আগে,

কেন মোর হলোনা মরণ ?

বজ্র ! বজ্র !

তুমিও কি দিন পেয়ে লুকা'য়ে রহিলে ?

শুন ঘোরী !

হেন নীচ কাপুরুষ নহে পৃথিবীর জ,

ঘণিত জীবন ভার বহিবার তরে,

অপমান মসিরাশি মাখিয়া বদনে,

কলঙ্কিবে কুলসিংহাসন !

যবনের ভিক্ষা অরে

করিবে সে উদর পূরণ !

তার চেয়ে, অবিলম্বে মৃত্যু দেহ মোরে ।

ঘোরী ।

এখনও সময় আছে, —

এখনও সম্মত হও প্রস্তাবে আমার ।

পৃথ্বী ।

পদাঘাত করি তোর ঘণিত প্রস্তাবে ।

ঘোরী ।

আরে মুখ ! বর্কর কাকের !

ভুলে কি গেছিস তুই,

রহেছিস কাহার সন্মুখে ?

পৃথ্বী ।

চোর ! স্নেহ ! দস্তা !

বিশ্বাসঘাতক ওই সন্মুখে আমার ।

ঘোরী ।

ঘাতক ! ঘাতক ! কোথায় ঘাতক ?

(ঘাতকের প্রবেশ ।)

এই দণ্ডে দেহচ্যুত কর ওই শির ।

বক্তি ।

জাঁহাপনা ! জাঁহাপনা !

কুম অপরোধ, কিন্তু রেখ মনে,
 দরবার গৃহ প্রভু নহে বধ্য ভূমি ।
 কুতব । জাঁহাপনা ! অসি করে রণাঙ্গনে,
 বীর করে মৃত্যু সনে খেলা,
 কিন্তু প্রভু ! হত্যা বল দেখিবে কেমনে ?
 ঘোরী । সত্য কথা !

লয়ে যাও বধ্য ভূমে এই দুরাচারে,
 হস্ত পদ কেট অগ্রে শানিত কুঠারে ;
 যে রসনা কটুবাক্য বলেছে আমায়,
 উপাড়ি তাহায়,
 নিক্ষেপিও জ্বলন্ত অনলে ;
 তার পর ছিন্ন শির লয়ে,
 দ্রুতগতি এস মোর পাশে ।

পৃথ্বী । নমস্কার, শগুর ঠাকুর !
 সাধ তব মিটিল এবার,
 ভাল কীর্তি রাখিলে ভুবনে !

[বাতক সহ প্রস্থান]

ঘোরী । অকৃতজ্ঞ কাফের কুকুর !
 আমি গেহু দিতে ফিরে দিল্লীসিংহাসন,
 অকারণ কটু তুই বলিলি আমায় !
 ভাল, কর তবে ফলভোগ তার ।

জয় । সুলতান !
 এবে মিটিল সকল আশা তব,
 চিরশত্রু নিহত তোমার ।

ঘোরী । মহারাজ ! চিরশত্রু কার পৃথ্বরাজ ?

মৌর, না তোমার ?

জয় । উভয়ের শত্রু সে দুর্জন ।

বীরবর ! এবে মিটেছে সমর,

সত্য তব করহ পালন ।

ঘোরী । কি সে সত্য মহারাজ ?

জয় । কি সে সত্য !

বিদ্রূপের এ নহে সময় !

হইলে সমর শেষ,

দিল্লীসিংহাসন মোরে দিবে ব'লেহিলে,

সে প্রতিজ্ঞা ভুলে তুমি গেলে কি সুলতান ?

এ নহে সম্ভব কভু ?

ঘোরী । নিশিদিন করি শ্রম,

সহি কত দারুণ যাতনা,

লজ্জি কত গিরিশৃঙ্গ খরস্রোতা নদী

কোটা কোটা মুদ্রা করি ব্যয়,

লক্ষ বনের রক্তে

সিক্ত করি দৃশদ্বতী তীর,

কি স্বার্থ লভিলু মহারাজ ?

জয় । কি স্বার্থ ! কি স্বার্থ !

হলো তব শত্রুর নিপাত ।

ঘোরী । শুন রাজা !

ধনবলক্ষতিপূর্ণ করিবাব তরে,

কিছুদিন দিল্লীসিংহাসনে
রবে মোর পূর্ণ অধিকার ।

জয় । কিছুদিন রবে অধিকার !
এই কি প্রতিজ্ঞা তব যবনের পতি ?

ঘোরী । কনোজ ঈশ্বর !
নিবেদন করিয়াছি মনন আমার ।

জয় । দিল্লীর আসন তবে দিবে না আমায় ?

ঘোরী । এখন ত নহে মহারাজ ?

জয় । প্রবঞ্চনা ! ঘোর প্রবঞ্চনা !

কে জানিত,

বিশ্বাসঘাতক, শঠ, যবন এমন ।

ঘোরী । প্রতিহিংসা তাড়নায়,
জামাতায় করিতে নিধন,
বিধর্ম্মারে সমরে যে করয়ে আহ্বান,
জন্মভূমিমহারত্রে সেই বিধর্ম্মারে,
কৌশলে যে দিতে পারে সাঁপে,
তার চেয়ে যবন কি বিশ্বাসঘাতক ?

জয় । আরে স্নেহ ! মিথ্যাবাদী ! চোর !

ঘোরী । আরে রে কুকুর !
আরে আরে দেশবৈরী বিশ্বাসঘাতক !

প্রাণ লয়ে পলাও সভয়ে,

পার যদি রক্ষিও কনোজ !

জয় । গিয়াছে সমরসিংহ গে'ছে পৃথ্বিরাজ,

জয়চাঁদ কিন্তু জেনো জীবিত এখন(৩) ।

বিস্ময়ক্ আমিই রোপেছি,

আমিই করিব তার মূল উৎপাটন,

যবনেরে সিদ্ধুপারে দিব খেদাইয়া ।

ঘোরী ।

প্রাণসমা তনয়ারে করিয়ে বিধবা,

জন্মভূমিস্বাধীনতা দিয়ে বিসর্জন,

যে কীর্ত্তি জগতে তুমি করিলে অর্জন,

অনন্ত দোজাক জেনো, পুরস্কার তার !

জয় ।

উপযুক্ত প্রতিফল মোর !

হায় হায় ! বীরশ্রেষ্ঠ পৃথ্বরাজে

বধিলাম নিজ করে,

শ্বেচ্ছ করে দিহু তুলে সোনার ভারত,

নরকেও নাহি স্থান মোর !

কোথা যাব ? কি হবে আমার ?

আত্মহত্যা মঙ্গল এখন ।

(পৃথ্বরাজের ছিন্নমুণ্ড লইয়া ঘাতকের প্রবেশ ।)

বাতক ।

জাঁহাপনা ! সব শেষ ! সব শেষ !

আদেশ তোমার দাস করেছে পালন ;

এই লহ, মম ক্ষুদ্র মতে,

ধরণীর সর্বশ্রেষ্ঠ শির !

বীর তুমি, জাঁহাপনা !

কিন্তু বল দেখি ভেবে,

দানিলে কি এই বীরে বীরের মরণ ?

পশুহত্যা কেহ নাহি করে এই মতে !
 বাল্যকাল হ'তে মমতা না জানি,
 রক্তস্রোত আনন্দ জাগায় প্রাণে মোর !
 এই শানিত কুঠার,
 লক্ষ লক্ষ শির পেড়েছে ভূতলে !
 কিন্তু জাঁহাপনা !
 এ হেন নির্ভীক মৃত্যু দেখিনি কখন !
 একে একে হস্তপদ কাটিনু যখন,
 উৎপাটন করিনু রসনা,
 প্রশান্ত বদন তাঁর,
 বিন্দুমাত্র বিকৃত না হলো,
 উজ্জ্বল নয়নে নাহি পলক পড়িল !
 জাঁহাপনা !
 হেন দৃশ্য দেখেছ কি কভু ?
 পশুবৎ মৃত্যু হলো এ হেন বীরের !
 তারপর, শির লয়ে তাঁর বালকের খেলা !
 ছত্রে ছত্রে আচ্ছাদিত করিছি পালন ;
 নীচ আমি—বুদ্ধি নাই, বিদ্যা নাই,
 নাহি আছে বীরত্ব গৌরব,
 কিন্তু, শুন জাঁহাপনা !
 আজ হতে এই বাছ
 কলঙ্কিত না হইবে মানব শোণিতে !

[কুঠার পরিত্যাগ করিয়া প্রস্থান ।

পঞ্চম অঙ্ক ।

ঘোরী । বক্ত্রিয়ার ! সেনাপতি !
 আজ হ'ল দরবার শেষ ।

(প্রহরীর প্রবেশ ।)

প্রহরী । উন্মাদিনী সম দুই কাকের রমণী
 মাগিছে দর্শন তব,
 নিবারণ না মানে কাহার ।

ঘোরী । রমণী ! কাকের রমণী !
 ভাল লয়ে এস ।

[প্রহরীর প্রস্থান ।

(ধীরে ধীরে সংযুক্তা ও যমুনার প্রবেশ ।)

যমুনা । যবন সুলতান !
 জান তুমি কে আমরা ?
 কেন বা এসেছি হেথা ?

ঘোরী । কাকের রমণী বলি হয় অনুমান ।
 যেন, তোমা দুজনায় হেরেছি কোণায়,
 বোধ হয় রণাঙ্গণে ।

যমুনা । য়ার তেজে খরখরি কেঁপেছে ভারত,
 য়ার কাছে বার বার হয়ে পরাভূত,
 দস্তে ভূণ করিয়ে ধারণ,
 প্রাণভিক্ষা একদিন মাগিয়া লয়েছ ;
 বীরধর্ম্মে দিয়ে জলাঞ্জলি.

প্রবঞ্চনা করি যারে বন্দী করেছিলে ;
 কাপুরুষ প্রায়,
 পশু মত হত্যা তুমি করিলে যাঁহায়,
 সেই বীরপত্নী দিল্লীশ্বরী সম্মুখে তোমার ।

(জয়চাঁদ ব্যতীত সকলের আসন ত্যাগ)

ঘোরী । সৌভাগ্য আমার !
 দিল্লীশ্বরী সমাগতা অধম শিবিরে ।
 প্রতিজ্ঞা আমার,
 যে বাসনা মহারানী করিবে প্রকাশ,
 এখনি পূরাব তাহা ।

যমুনা । রাখ ঘোরী, প্রতিজ্ঞা তোমার ।
 বহুবার দিল্লীশ্বর পাশে,
 ক'রেছিলে প্রতিজ্ঞা নূতন ;
 কিরূপে তা' করেছ পালন,
 জিজ্ঞাসহ আপন আত্মারে ।
 ভিক্ষা আশে দিল্লীশ্বরী
 আসে নাই যবন-সকাশে ।

সংযুক্তা । যবন সুলতান !
 জানিতে বাসনা তব,
 কেন আমি এসেছি হেথায় ?
 মিটাতে প্রাণের জ্বালা,
 শেষ দেখা দেখিবারে পতিরে আমার !

কার মুণ্ড ওই পড়ি ভূমিতলে ?
পতির আমার ?

(মুণ্ড তুলিয়া)

হৃদয়-দেবতা !

লহ মোর শেষ এ চূষন !

কার তপ্ত রক্তে আজ সিক্তা বসুন্ধরা ?

মেখে নে সংযুক্তা আজি, হৃদয় ভরিয়া

(সর্বাঙ্গে রূধির লেপন ।)

যমুনা । রে পামর ! বিশ্বাসঘাতক !

লব প্রতিশোধ আজ ।

(যমুনা ঘোরীকে ছুরিকাঘাত করিতে উদ্যত, ঘোরী,

কুতব, বল্লিয়ার প্রভৃতির অসি নিষ্কাশন ও

সংযুক্তার যমুনাকে ধারণ ।)

সংযুক্তা । ক্ষান্ত হও, বোন !

করি এস ব্রত উদযাপন ।

ঘোরী । বন্দী কর বাপিনীরে কে আছ কোথায় ?

সংযুক্তা । স্থির হও ।

কলুষিত নাহি কর রমণীর দেহ ।

কে ও ? পিতা ? জন্মদাতা ?

ধন্যবাদ প্রদানি তোমায় !

কিছু নাহি বলিবার মোর !

ঘোরী । কাষ্ঠপুত্তলিকা প্রায় কি দেখ নীরবে ?

বন্দী কর এ ছুই নারীরে ।

সংযুক্তা ।

হাঃ ! হাঃ ! হাঃ !

বন্দী ! বন্দী তুমি করিবে মোদের ?

দেখি কত শক্তি আছে যবনের !

পতি ! প্রাণেশ্বর !

(যমুনা ও সংযুক্তা উভয়েরই অঙ্গুরী মধ্যস্থিত বিমপান ।)

যবনিকা পতন ।



